



საქართველოს ფეხბურთის ფედერაცია
Georgian Football Federation

2018

კლუბების ლიცენზირების დებულებები

საქართველოს ჩემპიონატის ეროვნულ ლიგაში,
ეროვნულ ლიგა 2-სა და ლიგა 3-ში მონაწილეობისთვის

საქართველოს ფეხბურთის ფედერაცია

**კლუბების ლიცენზირების
დეპუტატები
საქართველოს ჩემპიონატის
ეროვნულ ლიგაში, ეროვნულ
ლიგა 2-ში და ლიგა 3-ში
მონაწილეობისთვის**

2018წ. გა მოცემა

შ ი ნ ა ა რ ს ი

კრეამბულა	6
I. ზოგადი დებულებები	6
მუხლი 1 - მოქმედების სფერო	6
მუხლი 2 - მიზნები.....	7
მუხლი 3 - ტერმინთა ჩამონათვალი.....	8
II. ლიცენზიარი	19
მუხლი 4 - ლიცენზიარი.....	19
მუხლი 5 - კლუბების ლიცენზირებისა და მონიტორინგის ადმინისტრაცია (ლშპ).....	19
მუხლი 6 - გადაწყვეტილების მიმღები ორგანოები	21
მუხლი 7 - სანქციების ჩამონათვალი	28
მუხლი 8 - ძირითადი პროცესი.....	28
მუხლი 9 - შეფასების პროცედურები	29
მუხლი 10 - თანასწორი მიდგომა და კონფიდენციალობა.....	29
III. ლიცენზიის მაკივალი და ეროვნული ლიცენზიები.....	30
მუხლი 11 - ლიცენზიის მაძიებლის განსაზღვრება და „სამი/ორი სეზონის“ წესი.....	30
მუხლი 12 - ლიცენზიის მაძიებლის ძირითადი პასუხისმგებლობები.....	30
მუხლი 13 - სშშ-ის ეროვნული ლიცენზიები	31
მუხლი 14 - ლიცენზიის მაძიებლების შეფასებები სხვადასხვა ლიცენზიაზე.....	32
IV. კლუბების ლიცენზირების კრიტერიუმები	33
მუხლი 15 - ზოგადი ინფორმაცია	33
საერთო კრიტერიუმები	34
მუხლი 16 - ახალგაზრდული ფეხბურთის განვითარების დამტკიცებული პროგრამა.....	34
მუხლი 17 - ახალგაზრდული გუნდები	35

მუხლი 18 -	<i>ფეხბურთელების სამედიცინო მომსახურება</i>	36
მუხლი 19 -	<i>ფეხბურთელების რეგისტრაცია / კლუბის განვრთნილი ფეხბურთელები</i>	36
მუხლი 20 -	<i>ნერილობითი კონტრაქტი პროფესიონალ ფეხბურთელებთან.....</i>	37
მუხლი 21 -	<i>მონაწილეობა სემინარებში.....</i>	37
მუხლი 22 -	<i>რასობრივი თანასწორობისა და ანტიდისკრიმინაციული პოლიტიკა</i>	37
ინფრასტრუქტურული კრიტერიუმები		38
მუხლი 23 -	<i>სტადიონი საქართველოს ჩემპიონატის ლიცენზირებადი ლიგებისთვის</i>	38
მუხლი 24 -	<i>უსაფრთხოებისა და წესრიგის დაცვა.....</i>	38
მუხლი 25 -	<i>სავარჯიშო ობიექტები: არსებობა და მინიმალური ინფრასტრუქტურა</i>	38
მუხლი 26 -	<i>კლუბის ოფისი.....</i>	39
საკადრო-ადმინისტრაციული კრიტერიუმები		39
მუხლი 27 -	<i>კლუბის ადმინისტრაცია.....</i>	39
მუხლი 28 -	<i>დირექტორი – უფლებამოსილი პირი.....</i>	40
მუხლი 29 -	<i>ფინანსისტი</i>	40
მუხლი 30 -	<i>მედია-ოფიცერი.....</i>	40
მუხლი 31 -	<i>ექიმი.....</i>	41
მუხლი 32 -	<i>ფიზიოთერაპევტი</i>	41
მუხლი 33 -	<i>უსაფრთხოების ოფიცერი.....</i>	41
მუხლი 34 -	<i>მატჩების მენეჯერი.....</i>	42
მუხლი 35 -	<i>გულშემმატკივრებთან მეკავშირე ოფიცერი.....</i>	42
მუხლი 35 ¹ -	<i>შეზღუდული ქმედუნარიანობის მქონე პირებთან მეკავშირე ოფიცერი.....</i>	42
მუხლი 36 -	<i>ძირითადი გუნდის მთავარი მწვრთნელი.....</i>	43
მუხლი 37 -	<i>ძირითადი გუნდის მთავარი მწვრთნელის თანაშემწე..</i>	43

მუხლი 38 -	<i>ახალგაზრდული ფეხბურთის განვითარების პროგრამის ხელმძღვანელი</i>	44
მუხლი 39 -	<i>ახალგაზრდული გუნდების მწვრთნელები</i>	44
მუხლი 40 -	<i>დამატებითი ტექნიკური პერსონალი</i>	45
მუხლი 41 -	<i>ზოგადი მოთხოვნები 36-40 მუხლებთან დაკავშირებით</i>	45
მუხლი 42 -	<i>უფლებები და მოვალეობები</i>	46
მუხლი 43 -	<i>სეზონის განმავლობაში შეცვლის ვალდებულება</i>	47
სამართლებრივი კრიტიკიუმიზი		47
მუხლი 44 -	<i>იურიდიული დეკლარაციები</i>	47
მუხლი 45 -	<i>მინიმალური სამართლებრივი ინფორმაცია</i>	48
მუხლი 46 -	<i>ჯგუფის იურიდიული სტრუქტურა და საბოლოო მაკონტროლებელი მხარე</i>	49
ფინანსური კრიტიკიუმიზი		51
მუხლი 47 -	<i>ანგარიშვალდებული სანარმო და ანგარიშგების პერიმეტრი</i>	51
მუხლი 48 -	<i>ფინანსური ანგარიშგება</i>	52
მუხლი 49 -	<i>ვადაგადაცილებული ვალდებულების არქონა ფეხბურთის კლუბების მიმართ</i>	53
მუხლი 50 -	<i>ვადაგადაცილებული ვალდებულების არქონა თანამშრომელთა მიმართ</i>	55
მუხლი 50 ¹ -	<i>ვადაგადაცილებული ვალდებულების არქონა საგადასახადო ორგანოების მიმართ</i>	56
მუხლი 51 -	<i>წერილობითი რწმუნებულებანი სალიცენზიო გადაწყვეტილების მიღებამდე</i>	58
მუხლი 52 -	<i>პერსპექტიული ფინანსური ინფორმაცია</i>	59
მუხლი 53 -	<i>ვადაგადაცილებული ვალდებულების არქონა ფეხბურთის მმართველი ორგანოების მიმართ</i>	61
V. დასკვნითი დაპულებაზი		62
მუხლი 54 -	<i>ფინანსური მონიტორინგი (ე.წ. ფინანსური ფეარ-პლეი)</i>	62
მუხლი 55 -	<i>დანართები</i>	62

მუხლი 56 -	<i>შესაბამისობის შემონმეები</i>	62
მუხლი 57 -	<i>განხორციელების მოთხოვნები</i>	62
მუხლი 58 -	<i>მიღება, ანულირება, ცვლილებების შეტანა და ძალაში შესვლა</i>	62
I დანართი:	სანქციების კატალოგი (მე-7 მუხლი)	64
II დანართი:	აუდიტორის არჩევა და აუდიტორის მიერ ჩასატარებელი პროცედურები	66
III დანართი:	ფინანსურ ანგარიშგებაში ინფორმაციის წარდგენის მინიმალური მოთხოვნები	67
IV დანართი:	ფინანსური ანგარიშგების მომზადების საფუძველი	81
V დანართი:	„ვადაგადაცილებული ვალდებულების“ ცნება.....	85
VI დანართი:	ლიცენზიარის მიერ ჩასატარებელი შეფასების პროცედურები	87

პრეამბულა

სფფ-ის წესდების 71-ე მუხლის საფუძველზე შემუშავდა შემდეგი დებულებები:

I. ზოგადი დებულებები

მუხლი 1 - მოქმედების სფერო

1. წინამდებარე დებულებები მოქმედებს 2019წ.-დან სფფ-ის ეგიდით გასამართი საქართველოს ჩემპიონატის (შემდგომში: სფფ-ის ჩემპიონატი) ეროვნულ ლიგაში, ეროვნულ ლიგა 2-ში და ლიგა 3-ში მონაწილეობისთვის (შემდგომში: [ლიცენზირებადი] ლიგები).
2. აქედან გამომდინარე, ეროვნული ლიცენზირების პროცესში მონაწილეობა სავალდებულოა ეროვნული ლიგის, ეროვნული ლიგა 2-ის და ლიგა 3-ის ყველა კლუბისთვის.
3. სფფ-ის მიერ გაცემული ეროვნული “პრო“-, “ა“- და “ბ“- ლიცენზიები კლუბებს აძლევს სფფ-ის შესაბამის ლიგაში მონაწილეობის უფლებას, კერძოდ:
 - ა) პრო-ლიცენზია – ნებისმიერ ლიცენზირებად ლიგაში;
 - ბ) ა-ლიცენზია – ეროვნულ ლიგა 2-სა და ლიგა 3-ში;
 - გ) ბ-ლიცენზია – მხოლოდ ლიგა 3-ში.
4. ნებისმიერ ლიცენზირებად ლიგაში მოასპარეზე კლუბი, რომელიც ვერ მოიპოვებს სპორტული შედეგის შესაბამისი ლიგის ლიცენზიას, სალიცენზიო სეზონში დაქვეითდება რანგით მომდევნო ლიგაში, რომლის ლიცენზიასაც ფლობს. ხოლო თუ კლუბი ვერ მიიღებს ვერცერთი ეროვნულ ლიცენზიას, სალიცენზიო სეზონში დაქვეითდება არალიცენზირებად ლიგაში (ასევე იხ. [მუხ. 14 – ლიცენზიის მაძიებლების შეფასებები სხვადასხვა ლიცენზიაზე](#)).
5. წინამდებარე დებულებები არეგულირებენ სფფ-ის ლიცენზირებად ლიგებში მონაწილეობისთვის კლუბების ლიცენზირების სისტემაში მონაწილე ყველა მხარის უფლებებს, მოვალეობებსა და პასუხისმგებლობებს და, კერძოდ, განსაზღვრავენ:
 - ა) სფფ-ის მიერ შესასრულებელ მინიმალურ მოთხოვნებს, რათა მან იმოქმედოს, როგორც თავისი კლუბების ლიცენზირებასთან დაკავშირებით, აგრეთვე, ლიცენზირების მიერ კლუბების ლიცენზირების კრიტერიუმების შეფასების პროცედურებს ([II ნაწილი](#));

- ბ) ლიცენზიის მაძიებელს და სფფ-ის ლიცენზირებად ლიგებში მონაწილეობისთვის საჭირო ლიცენზიას (ეროვნული ლიცენზია) ([III ნაწილი](#));
- გ) მინიმალურ სპორტულ, ინფრასტრუქტურულ, საკადრო-ადმინისტრაციულ, სამართლებრივ და ფინანსურ კრიტერიუმებს, რომლებიც უნდა შეასრულონ ფეხბურთის კლუბებმა, რათა სფფ-გან მიიღონ შესაბამისი ეროვნული ლიცენზია, რაც შეადგენს სფფ-ის ლიცენზირებად ლიგებში დაშვების პროცედურის ნაწილს ([IV ნაწილი](#)).

მუხლი 2 - მიზნები

წინამდებარე დებულებების მიზანია:

- ა) ყველა საფეხბურთო ასპექტის სტანდარტის შემდგომი ხელშეწყობა და მუდმივი გაუმჯობესება საქართველოს მასშტაბით; აგრეთვე, თითოეულ კლუბში ახალგაზრდა ფეხბურთელების ვარჯიშისა და მათზე ზრუნვის მუდმივი პრიორიტეტულობა;
- ბ) კლუბებში მართვისა და ორგანიზაციის სათანადო დონის უზრუნველყოფა;
- გ) კლუბის სპორტული ინფრასტრუქტურის ადაპტაცია, ფეხბურთელთათვის, მაცურებლებისა და მას-მედიისთვის სათანადო, კარგად აღჭურვილი და უსაფრთხო სტადიონების უზრუნველსაყოფად;
- დ) კლუბების ეკონომიკური და ფინანსური შესაძლებლობების გაუმჯობესება, მათი გამჭვირვალობისა და სანდოობის გაზრდით;
- ე) კრედიტორების დაცვისადმი სათანადო მნიშვნელობის მინიჭება და იმის უზრუნველყოფა, რომ კლუბები პუნქტუალურად აგვარებენ საკუთარ ვალდებულებებს თანამშრომლების, საგადასახადო ორგანოების, სხვა კლუბებისა და ფეხბურთის მმართველი ორგანოების მიმართ;
- ვ) სეზონის განმავლობაში სფფ-ის ჩემპიონატების სამართლიანობის დაცვა და მათი შეუფერხებლად ჩატარება;
- ზ) ფეხბურთის კლუბებისთვის სპორტულ, ინფრასტრუქტურულ, საკადრო-ადმინისტრაციულ, სამართლებრივ და ფინანსურ კრიტერიუმებთან დაკავშირებული მონაცემების დამუშავების განვითარება საქართველოს მასშტაბით.

მუხლი 3 - ტერმინთა ჩამონათვალი

წინამდებარე დებულებებისთვის ტერმინები განისაზღვრება შემდეგნაირად:

ტერმინი	განმარტება
აგენტი/შუამავალი	ფიზიკური ან იურიდიული პირი, რომელიც ანაზღაურების სანაცვლოდ ან უსასყიდლოდ (უფასოდ) წარმოადგენს ფეხბურთელებს და/ან კლუბებს მოლაპარაკებებში, რომელთა მიზანია შრომითი ხელშეკრულების დადება, ან წარმოადგენს კლუბებს მოლაპარაკებებში, რომელთა მიზანია სატრანსფერო ხელშეკრულების გაფორმება.
ადმინისტრირების პროცედურა	ნებაყოფლობითი ან სავალდებულო პროცედურა, რომელიც შეიძლება გამოყენებული იქნეს, როგორც საწარმოს ლიკვიდაციის ალტერნატივა — ხშირად უნოდებენ ადმინისტრირების პროცედურების დანყებას. ამგვარი საწარმოს ყოველდღიური საქმიანობის მართვა შეიძლება ხორციელდებოდეს ადმინისტრატორის მიერ, კრედიტორების სახელით.
ანგარიშვალდებული საწარმო/საწარმოები	რეგისტრირებული წევრი ან საწარმოთა ჯგუფი, და/ან საწარმოთა სხვა კომბინაცია, რომელიც შედის საალრიცხვო პერიმეტრში და რომელმაც ლიცენზიარს უნდა წარუდგინოს ინფორმაცია კლუბების ლიცენზირების მიზნებისთვის.
არბიტრაჟი	წინამდებარე დებულებაში ტერმინი არბიტრაჟი აღნიშნავს სფფ-ის წესდებით განსაზღვრულ დავების განმხილველ დამოუკიდებელ უმაღლეს ორგანოს (მაგ., არბიტრაჟი, ტრიბუნალი ან სხვ.).

არსებითობა

საანგარიშგებო მუხლის ან ინფორმაციის გამოტოვება ან ცდომილება არსებითია, თუ ისინი ცალ-ცალკე ან ერთობლივად გავლენას ახდენენ კლუბის მიერ წარმოდგენილი ინფორმაციის საფუძველზე ანგარიშგების მომხმარებლის მიერ მიღებულ გადაწყვეტილებებზე. არსებითობა დამოკიდებულია გამოტოვებული მუხლისა და/ან ინფორმაციის ან ცდომილების სიდიდესა და ბუნებაზე, გარემო პირობების ან კონტექსტის გათვალისწინებით. განმსაზღვრელი ფაქტორი შესაძლოა იყოს მუხლების ან ინფორმაციის სიდიდე, ან ბუნება, ან ორივე ერთად.

ასოცირებული საწარმო

საწარმო, მათ შორის არაკორპორაციული იურიდიული პირიც (მაგ. ამხანაგობა), რომელიც არ არის არც შვილობილი კომპანია, არც ერთობლივი საწარმო და რომელზეც ინვესტორს გააჩნია მნიშვნელოვანი გავლენა.

აღრიცხვის ეროვნული პრაქტიკა

აღრიცხვისა და ანგარიშგების, აგრეთვე განმარტებითი შენიშვნების მომზადების მეთოდოლოგია, რომლის გამოყენებაც მოეთხოვებათ საწარმოებს საქართველოში.

**დამატებითი
ინფორმაცია**

ფინანსური ინფორმაცია, რომელიც, ფინანსური ანგარიშგების დამატებით ნარედგინება ლიცენზიარს, თუკი ბუღალტრული აღრიცხვისა და ინფორმაციის გახსნის მინიმალური მოთხოვნები არ იქნა დაკმაყოფილებული.

დამატებითი ინფორმაცია უნდა იყოს მომზადებული ისეთ სააღრიცხვო მეთოდებზე და სააღრიცხვო პოლიტიკებზე დაყრდნობით, რომლებიც შესაბამისობაშია ფინანსურ ანგარიშგებასთან. ფინანსური ინფორმაცია უნდა ეფუძნებოდეს ფინანსური ანგარიშგების მოსამზადებლად გამოყენებულ ინფორმაციის წყაროებს. სადაც შესაძლებელია, დამატებით ინფორმაციაში მოცემული ახსნა-განმარტებითი შენიშვნები უნდა ედრებოდეს (ან დადარებულ იქნეს, ახსნადი სხვაობების შემთხვევაში) ფინანსური ანგარიშგების ახსნა-განმარტებით შენიშვნებს.

**დიდი ეკონომიკური
მნიშვნელობის მოვლენა
ან პირობა**

ეკონომიკური მოვლენა ან პირობა, რომელიც ანგარიშვალდებული სანარმოს/სანარმოების ფინანსურ ანგარიშგებასთან მიმართებაში მიიჩნევა არსებითად და რომლის საანგარიშგებო ფინანსურ პერიოდში არსებობა გამოინვევდა ანგარიშვალდებული სანარმოს/სანარმოების საქმიანობის შედეგების, ფინანსური მდგომარეობისა და წმინდა აქტივების შესახებ ინფორმაციის სხვა (უფრო არასასურველი) სახით წარდგენას.

ერთობლივი კონტროლი	ხელშეკრულებით დადგენილი ერთობლივი კონტროლის უფლება ამა თუ იმ ეკონომიკურ საქმიანობაზე, რომელიც არსებობს მხოლოდ მაშინ, როდესაც ამ საქმიანობასთან დაკავშირებით სტრატეგიული ფინანსური და საოპერაციო გადაწყვეტილებების მიღება საჭიროებს ერთობლივად მაკონტროლებელ მხარეთა (სრულუფლებიანი მონაწილეების) ერთსულოვან თანხმობას.
ერთობლივი საქმიანობა	ორი ან რამდენიმე მონაწილე მხარის მიერ ერთობლივად კონტროლირებადი ეკონომიკური საქმიანობის წარმართვა ხელშეკრულების საფუძველზე.
ეროვნული ლიბა	საქართველოს ეროვნული ჩემპიონატის რანგით პირველი უმაღლესი ლიბა.
ეროვნული ლიბა 2	საქართველოს ეროვნული ჩემპიონატის რანგით მეორე უმაღლესი ლიბა.
ეროვნული ლიცენზია	სფშ-ის მიერ გაცემული მონაწილეობა, რომელიც ადასტურებს, რომ ლიცენზიის მძიებელი აკმაყოფილებს ყველა მინიმალურ კრიტერიუმს. ეროვნული ლიცენზიის გაცემა შეადგენს სფშ-ის ლიცენზირებად ლიგებში დაშვების პროცედურის ნაწილს.
- [ეროვნული] პრო-ლიცენზია	სფშ-ის მიერ გაცემული მონაწილეობა, რომელიც ადასტურებს, რომ ლიცენზიის მძიებელი აკმაყოფილებს სფშ-ის ეროვნულ ლიბასა და ქვედა ლიგებში მონაწილეობისთვის სავალდებულო ყველა მინიმალურ კრიტერიუმს. [ეროვნული] პრო-ლიცენზიის გაცემა შეადგენს სფშ-ის ეროვნულ ლიბებში დაშვების პროცედურის ნაწილს.

- [ეროვნული] ა-ლიცენზია
სფფ-ის მიერ გაცემული მონმობა, რომელიც ადასტურებს, რომ ლიცენზიის მაძიებელი აკმაყოფილებს სფფ-ის **ეროვნულ ლიბა 2-სა** და ქვედა ლიგებში მონაწილეობისთვის სავალდებულო ყველა მინიმალურ კრიტერიუმს.
[ეროვნული] ა-ლიცენზიის გაცემა შეადგენს სფფ-ის **ეროვნულ ლიბა 2-ში** დაშვების პროცედურის ნაწილს.

- [ეროვნული] ბ-ლიცენზია
სფფ-ის მიერ გაცემული მონმობა, რომელიც ადასტურებს, რომ ლიცენზიის მაძიებელი აკმაყოფილებს სფფ-ის **ლიბა 3-ში** მონაწილეობისთვის სავალდებულო ყველა მინიმალურ კრიტერიუმს.
[ეროვნული] ბ-ლიცენზიის გაცემა შეადგენს სფფ-ის **ლიბა 3-ში** დაშვების პროცედურის ნაწილს.

იმიჯის გამოყენების უფლების გადასახადი

ლიცენზიის მაძიებელთან/ლიცენზიატთან დადებული ხელშეკრულების თანახმად თანამშრომლებისთვის (პირდაპირ ან არაპირდაპირ) მათი იმიჯის ან რეპუტაციის საფეხურთო და/ან არასაფეხურთო საქმიანობაში გამოყენების უფლების მოსაპოვებლად გადასახდელი თანხები.

კლუბების ლიცენზირების კრიტერიუმები

ხუთ კატეგორიად დაყოფილი მოთხოვნები (სპორტული, ინფრასტრუქტურული, საკადრო-ადმინისტრაციული, სამართლებრივი და ფინანსური), რომლებიც უნდა შეასრულოს ლიცენზიის მაძიებელმა, რათა მიიღოს შესაბამისი ეროვნული ლიცენზია.

კონტროლი

საწარმოს ფინანსური და საოპერაციო პოლიტიკის მართვის უფლებამოსილება, მისი საქმიანობიდან სარგებლის მიღების მიზნით. კონტროლის მოპოვება შესაძლებელია აქციების (საწარმოს წილის) ფლობით, წესდების ან ხელშეკრულების მეშვეობით.

**კრედიტორებისგან
დაცვა**

კანონმდებლობის ან დებულებების შესაბამისი პროცედურები, რომელთა მიზანია სანარმოს კრედიტორებისგან დაცვა, გადახდისუუნარო (გაკოტრებული/ბანკროტი) სანარმოების გადარჩენა და მათთვის ფუნქციონირებადი სანარმოს პრინციპით საქმიანობის გაგრძელების საშუალების მიცემა. ეს პროცესი მოიცავს ადმინისტრირების პროცედურებს და სხვა სამართლებრივ/სასამართლო პროცედურებს (რის შედეგადაც შეიძლება მიღწეულ იქნეს კომპრომისი კრედიტორებთან, სანარმო გამოცხადდეს გაკოტრებულად ან მოხდეს სანარმოს ლიკვიდაცია).

ლიზა 3

საქართველოს ეროვნული ჩემპიონატის რანგით შესამე ლიგა.

ლიცენზიარი

ორგანო, რომელიც ახორციელებს კლუბების ლიცენზირებას სფფ-ის ლიცენზირებად ლიგებში მონაწილეობისთვის და გასცემს შესაბამის ეროვნულ ლიცენზიას. ლიცენზიარი არის საქართველოს ფეხბურთის ფედერაცია (სფფ).

**ლიცენზიარისთვის
დოკუმენტაციის
წარდგენის საბოლოო
ვადა**

თარიღი, რომლისთვისაც ყოველი ლიცენზიარი მოითხოვს ლიცენზიის მაძიებლებისგან შესაბამის ეროვნულ სალიცენზიო განაცხადთან დაკავშირებული ყველა ინფორმაციის წარდგენას.

ლიცენზიატი

ლიცენზიის მაძიებელი, რომელზეც ლიცენზიარმა უკვე გასცა შესაბამისი ეროვნული ლიცენზია.

ლიცენზიის მაძიებელი

იურიდიული პირი, რომელიც მხოლოდ თვითონ არის სრულად პასუხისმგებელი ეროვნულ და საერთაშორისო საკლუბო შეჯიბრებებში მონაწილე ფეხბურთის გუნდზე, რომელიც წარადგენს განაცხადს ეროვნული ლიცენზიის მიღებაზე.

მთავრობა

გულისხმობს ნებისმიერი ფორმის ხელისუფლებას (მთავრობას), მათ შორის, სახელმწიფო სააგენტოებს, განყოფილებებს და დეპარტამენტებს, უწყებებსა და სხვა ანალოგიურ ორგანოებს, როგორც ადგილობრივ, ისე სახელმწიფოებრივ დონეზე.

მინიმალური კრიტერიუმები

ლიცენზიის მაძიებლის მიერ შესაბამისი ეროვნული ლიცენზიის მისაღებად შესასრულებელი კრიტერიუმები.

მნიშვნელოვანი გავლენა

საწარმოს ფინანსური და საოპერაციო პოლიტიკების შემუშავებაზე/მიღებაზე ზემოქმედების შესაძლებლობა/უნარი, რაც არ გულისხმობს ამ პოლიტიკების მართვის უფლებას (კონტროლს). მნიშვნელოვანი გავლენის მოპოვება შესაძლებელია აქციების (საწარმოს წილის) ფლობით, ნესდების ან ხელშეკრულების მეშვეობით. გაუგებრობის ასაცილებლად მიიჩნევა, რომ მხარეს ან რამდენიმე მხარეს ერთად, რომლებსაც ერთი და იგივე საბოლოო მაკონტროლებელი მხარე ჰყავთ (სფფ-ის და აფილირებული ლიგის (თუ არსებობს) გარდა) გააჩნიათ მნიშვნელოვანი გავლენა, თუ ის/ისინი წარმოადგენენ საანგარიშგებო პერიოდში ლიზენზიატის მთლიანი ამონაგების 30%-ის ან მეტის წყაროს.

მნიშვნელოვანი მმართველი პერსონალი

პიროვნებები, რომლებსაც პირდაპირ ან არაპირდაპირ მინიჭებული აქვთ საწარმოს საქმიანობის დაგეგმვის, მართვისა და კონტროლისათვის აუცილებელი უფლებამოსილება და პასუხისმგებლობა, მათ შორის, საწარმოს ნებისმიერი დირექტორი (აღმასრულებელი ან სხვა ფუნქციის შემსრულებელი)

მნიშვნელოვანი ცვლილება

მოვლენა, რომელიც ითვლება არსებითად ლიცენზიარისთვის ადრე წარდგენილ დოკუმენტაციასთან მიმართებაში და ამგვარი მოვლენის სალიცენზიო დოკუმენტაციის ლიცენზიარისთვის წარდგენამდე არსებობის შემთხვევაში, საჭირო იქნებოდა ამ დოკუმენტაციის სხვაგვარად მომზადება და წარდგენა.

მონაწილე მხარეები

კლუბების ლიცენზირების სისტემაში ჩართული ნებისმიერი მხარე (ფიზიკური და/ან იურიდიული), სფზ-ის, ლიცენზიის მაძიებლის/ლიცენზიატის და მათი სახელით მონაწილე ნებისმიერი ფიზიკური პირის ჩათვლით.

მხარე

ფიზიკური ან იურიდიული პირი.

ოფიციალური საანგარიშგებო დღე

ანგარიშვალდებული საწარმოს ფინანსური ანგარიშგების შედგენის (საანგარიშგებო) თარიღი. ეროვნული ლიცენზირების მიზნებისთვის ოფიციალური საანგარიშგებო დღეა 31 აგვისტო.

პერსპექტიული ფინანსური ინფორმაცია

სფზ-ის ჩემპიონატების დაწყების წლის შემდგომ დასრულებული საანგარიშგებო პერიოდების ინფორმაცია კლუბის ფინანსური საქმიანობისა და მდგომარეობის შესახებ (საანგარიშგებო პერიოდები T+1 და შემდგომ).

საანგარიშგებო პერიოდი

ფინანსური ანგარიშგების პერიოდი, რომელიც მთავრდება საანგარიშგებო დღეს, მიუხედავად იმისა, არის თუ არა ეს სრული წელი.

**სალიცენზიო
გადაწყვეტილებების სია**

სია, რომელსაც ლიცენზიარი უგზავნის სფზ-ის აღმასრულებელ ორგანოს და რომელიც, სხვა მონაცემებთან ერთად, შეიცავს ინფორმაციას ლიცენზიის იმ მაძიებელთა შესახებ, რომლებმაც გაიარეს ლიცენზირების პროცესი და გადაწყვეტილების მიმღები ეროვნული ორგანოებისგან მიიღეს ან ვერ მიიღეს შესაბამისი ეროვნული ლიცენზია.

სალიცენზიო სეზონი

სფზ-ის სეზონი, რომელზეც ლიცენზიის მაძიებელმა გააკეთა განაცხადი/მიიღო შესაბამისი ეროვნული ლიცენზია. იგი იწყება ლიცენზიარის მიერ სალიცენზიო გადაწყვეტილებების საბოლოო ვადის გასვლის შემდეგი დღიდან და გრძელდება მომავალი წლის ანალოგიურ საბოლოო ვადამდე.

სანვრთნელი ობიექტები

ადგილ(ებ)ი, სადაც კლუბის რეგისტრირებული ფეხბურთელები რეგულარულად გადიან წვრთნას და/ან ხორციელდება ახალგაზრდული განვითარების პროგრამა.

სტადიონი

შეჯიბრის მატჩის ჩატარების ადგილი, მათ შორის ყველა მიმდებარე შენობა-ნაგებობები და ინფრასტრუქტურა (მაგ., ოფისები, სტუმართა მისაღები ზონები, პრეს-ცენტრი, აკრედიტაციის ცენტრი).

ფეხბურთელის რეგისტრაციის შექმნის დანახარჯები

ფეხბურთელის რეგისტრაციის მოსაპოვებლად გადახდილი და/ან გადასახდელი თანხები, კლუბში შიდა განვითარებისათვის განეული და/ან სხვა დანახარჯების გამოკლებით, რომლებიც მოიცავს:

- სატრანსფერო გადასახადს, მათ შორის წვრთნის კომპენსაციისა და სოლიდარობის გადასახადს, რომელიც გადახდილი და/ან გადასახდელია სხვა ფეხბურთის კლუბისთვის და/ან მესამე მხარისთვის ფეხბურთელის რეგისტრაციის უზრუნველსაყოფად;
- აგენტების/შუამავლების საკომისიო გადასახადს; და
- ფეხბურთელის რეგისტრაციის მოპოვებასთან დაკავშირებულ სხვა პირდაპირ დანახარჯებს, მაგ., სატრანსფერო გადასახადის მოსაკრებელს.

ფინანსური ანგარიშგების საერთაშორისო სტანდარტები (ფასს / IFRS)

ბუღალტრული აღრიცხვის საერთაშორისო სტანდარტების საბჭოს (IASB) მიერ მიღებული სტანდარტები და ინტერპრეტაციები, რომელიც მოიცავს:

- ფინანსური ანგარიშგების საერთაშორისო სტანდარტებს;
- ბუღალტრული აღრიცხვის საერთაშორისო სტანდარტებს; და
- ფინანსური ანგარიშგების საერთაშორისო ინტერპრეტაციების კომიტეტის (IFRIC) ან ყოფილი ინტერპრეტაციების მუდმივმოქმედი კომიტეტის (SIC) მიერ გამოცემულ ინტერპრეტაციებს.

შეთანხმებული პროცედურები

შეთანხმებული პროცედურების გარიგების მიხედვით აუდიტორს ევალება აუდიტის პროცედურების ბუნების მქონე პროცედურების ჩატარება, რომელზეც შეთანხმდნენ აუდიტორი, საწარმო და რომელიმე მესამე მხარე და ფაქტობრივი შედეგების შესახებ ანგარიშის მომზადება. აღნიშნული ანგარიშის მიმღებმა თვითონ უნდა გამოიტანოს საკუთარი დასკვნები აუდიტორის მიერ შედგენილი ანგარიშის საფუძველზე. შეთანხმებული პროცედურების ჩატარების შედეგად მომზადებული აუდიტორის ანგარიში განკუთვნილია მხოლოდ და მხოლოდ იმ მხარეებისთვის, რომლებიც შეთანხმდნენ მოცემული პროცედურების ჩატარებაზე, რადგან მათ, ვინც არ იცის ამ პროცედურების მიზანი, შესაძლოა არასწორი ინტერპრეტაცია მისცენ შედეგებს.

წმინდა ვალი

შემდეგი ნაშთების ჯამი:

- წმინდა ნასესხები სახსრები (ბანკის ოვერდაფტები და სესხები, სხვა სესხები, დავალიანება დაკავშირებულ მხარეთა წინაშე ფულადი სახსრებისა და ფულადი მათი ეკვივალენტების გამოკლებით);
- ფეხბურთელების ტრანსფერების წმინდა ნაშთი (ე.ი. ფეხბურთელთა ტრანსფერებიდან წარმოქმნილი მოთხოვნებისა და ფეხბურთელთა ტრანსფერებიდან წარმოქმნილი ვალდებულებების სხვაობა).

ჯგუფი

სათავო და მისი ყველა შვილობილი. სათავო არის საწარმო, რომელსაც გააჩნია ერთი ან მეტი შვილობილი. შვილობილი არის საწარმო, მათ შორის არა-კორპორაციული იურიდიული პირიც (მაგ. კოოპერატივი), რომელსაც აკონტროლებს სხვა საწარმო (მოიხსენება, როგორც სათავო საწარმო).

II. ლიცენზიარი

მუხლი 4 - ლიცენზიარი

1. ლიცენზიარი არის საქართველოს ფეხბურთის ფედერაცია (სფფ) და ის მართავს ლიცენზირების სისტემას სფფ-ის ლიცენზირებად ლიგებში მონაწილეობისთვის.
2. ლიცენზიარი, კერძოდ:
 - ა) აყალიბებს კლუბების ლიცენზირებისა და მონიტორინგის სათანადო ადმინისტრაციას, [მე-5 მუხლის](#) შესაბამისად;
 - ბ) აყალიბებს გადაწყვეტილების მიმღებ 2 ორგანოს, [მე-6 მუხლის](#) შესაბამისად;
 - გ) ადგენს სანქციების ჩამონათვალს, [მე-7 მუხლის](#) შესაბამისად;
 - დ) განსაზღვრავს ძირითად პროცესს, [მე-8 მუხლის](#) შესაბამისად;
 - ე) ამონმებს კლუბის მიერ წარმოდგენილ დოკუმენტაციას, განიხილავს მათ შესაბამისობას და განსაზღვრავს, შესრულდა თუ არა ყველა კრიტერიუმი და რა დოკუმენტაციაა საჭირო, [მე-9 მუხლის](#) შესაბამისად;
 - ვ) უზრუნველყოფს თანასწორ მიდგომას ლიცენზიის ყველა მაძიებლისადმი და აძლევს კლუბებს სრული კონფიდენციალობის გარანტიას ნებისმიერ ინფორმაციასთან დაკავშირებით, რომელსაც იგი წარმოადგენს ლიცენზირების პროცესის დროს, [მე-10 მუხლის](#) შესაბამისად;
 - ზ) განსაზღვრავს, გაიცეს თუ არა შესაბამისი ეროვნული ლიცენზია.

მუხლი 5 - კლუბების ლიცენზირებისა და მონიტორინგის ადმინისტრაცია (ლმპ)

1. სფფ-ის კლუბების ლიცენზირებისა და მონიტორინგის ადმინისტრაცია (ლმპ) შედგება კლუბების ლიცენზირების განყოფილებისა და ექსპერტთა პანელისგან. სფფ-ის სტრუქტურით განსაზღვრული სფფ-ის უმაღლესი ხელმძღვანელობის წარმომადგენელი პასუხისმგებელია საქართველოში კლუბების ლიცენზირების სისტემის განხორციელებაზე. ლმპ ფუნქციონირებს სფფ-ის შტაბ-ბინის ცალკე გამოყოფილ ოფისში, წინამდებარე დებულებების შესაბამისად.
2. სფფ-ის კლუბების ლიცენზირების განყოფილება შედგება, მინიმუმ, შემდეგი პერსონალისგან:
 - განყოფილების უფროსი, რომელიც ახორციელებს საერთო ზედამხედველობას ეროვნული ლიცენზირების პროცესზე;

- ლიცენზირების მენეჯერის 1 თანაშემწე.

სფფ-ის ძირითადი ფინანსური ექსპერტი (იხ. მე-3 პუნქტი ქვემოთ) ეხმარება ეროვნული ლიცენზირების მენეჯერს კლუბების ლიცენზირების ფინანსურ საკითხებში, ხოლო ძირითადი სამართლებრივი ექსპერტი (იხ. მე-3 პუნქტი, ქვემოთ) – იურიდიული საკითხებში (იურიდიული ძალის მქონე დოკუმენტები, სამართლებრივი პროცესები/პროცედურები და ა.შ.).

3. ექსპერტთა პანელი შედგება სფფ-ის კომპეტენტური თანამშრომლების ან მონვეული კვალიფიციური კადრებისგან – მინიმუმ, 1 ექსპერტი თითოეულ კრიტერიუმში (სპორტული, ინფრასტრუქტურული, საკადრო-ადმინისტრაციული, სამართლებრივი, ფინანსური). ექსპერტები პასუხისმგებელი არიან ლიცენზიის მაძიებლების მიერ წარმოდგენილი სალიცენზიო დოკუმენტაციის სისრულისა და შინაარსის შემოწმებაზე, ასევე ლიცენზირების განყოფილების სხვადასხვა დავალების შესრულებაზე. სამართლებრივ ექსპერტ(ებ)ს უნდა გააჩნდეს საქართველოს განათლებისა და მეცნიერების სამინისტროს და/ან იუსტიციის სამინისტროს მიერ აღიარებული იურისტის დიპლომი, ხოლო ფინანსურ ექსპერტ(ებ)ს – საქართველოს საქართველოს განათლებისა და მეცნიერების სამინისტროს და/ან საქართველოს პარლამენტთან არსებული აუდიტორული საქმიანობის საბჭოს და/ან საქართველოს პროფესიონალ ბუღალტერთა და აუდიტორთა ფედერაციის მიერ აღიარებული დიპლომი/სერტიფიკატი საბუღალტრო/სააუდიტო საქმეში.
4. ღმპ-ს წევრები ინიშნებიან სფფ-ის უმაღლესი ხელმძღვანელობის მიერ. ლიცენზირების განყოფილების წევრები შეიძლება დაინიშნონ ექსპერტებად. ამას გარდა, სფფ ნიშნავს ექსპერტების შემცვლელებს, რომლებიც ასრულებენ ექსპერტის ფუნქციებს, მათი არყოფნის შემთხვევაში (მივლინება, სწავლა, ავადმყოფობა და ა.შ.).
5. ღმპ-ს ფუნქციებია:
 - ა) სფფ-ის ლიცენზირებად ლიგებში მონაწილეობისთვის კლუბების ლიცენზირების სისტემის მომზადება, განხორციელება და შემდგომი განვითარება;
 - ბ) გადაწყვეტილების მიმღები ორგანოების ადმინისტრაციული მხარდაჭერა;
 - გ) ლიცენზიის მაძიებლების/ლიცენზიატების დახმარება, რჩევების მიცემა და მათი საქმიანობის მონიტორინგი სეზონის განმავლობაში;

დ) სფშ-ის აღმასრულებელი ორგანოს ინფორმირება ყველა მოვლენაზე, რომელსაც ადგილი ექნება სალიცენზიო გადაწყვეტილებების შემდეგ და არსებითად ლიცენზიარისთვის მანამდე წარდგენილ ინფორმაციასთან მიმართებით, მათ შორის, ორგანიზაციულ-სამართლებრივი ფორმის, ან ჯგუფის იურიდიული სტრუქტურის ცვლილების შესახებ;

6. ლმა-ს წევრებმა უნდა დაიცვან სფშ-ის ეთიკის კოდექსი.

მუხლი 6 - გადანყვეტილების მიმღები ორგანოები

1. გადანყვეტილების მიმღები ორგანოებია კლუბების ლიცენზირების კომიტეტი (ლკ), რომელიც მოქმედებს როგორც პირველი ინსტანციის ორგანო და კლუბების ლიცენზირების აპელაციის ორგანო (ლამ), რომლებიც უნდა იყვნენ ერთმანეთისგან დამოუკიდებელი.
2. კლუბების ლიცენზირების კომიტეტი, ლიცენზიარის მიერ დადგენილ საბოლოო ვადებში წარმოდგენილი დოკუმენტების საფუძველზე, იღებს გადაწყვეტილებას ლიცენზიის მაძიებლისთვის შესაბამისი ეროვნული ლიცენზიის გაცემის თაობაზე, აგრეთვე ეროვნული ლიცენზიის ჩამორთმევის შესახებ, ასევე ადგენენ [15.2 და 15.3 პუნქტებში](#) მითითებული სანქციონებადი კრიტერიუმების დარღვევის ფაქტს, გარდა [43-ე მუხლისა](#), რომლის დარღვევის ფაქტს ადგენენ სფშ-ის სადისციპლინო ორგანოები (სადისციპლინო და საფეხბურთო დავების განმხილველი კომიტეტი და სააპელაციო კომიტეტი).
3. კლუბების ლიცენზირების აპელაციის ორგანო იღებს გადაწყვეტილებებს წერილობით შემოტანილ საჩივრებზე და გამოაქვს სფშ-ის საბოლოო გადაწყვეტილება შესაბამისი ეროვნული ლიცენზიის გაცემის ან ჩამორთმევის შესახებ, ასევე [15.2 და 15.3 პუნქტებში](#) მითითებული სანქციონებადი კრიტერიუმების დარღვევის შესახებ, გარდა [43-ე მუხლისა](#), რომლის დარღვევის ფაქტს ადგენენ სფშ-ის სადისციპლინო ორგანოები (სადისციპლინო და საფეხბურთო დავების განმხილველი კომიტეტი და სააპელაციო კომიტეტი).
4. აპელაციის გაკეთება შეუძლია მხოლოდ:
 - ა) ლიცენზიის მაძიებელს, რომელსაც ლკ-მ უარი უთხრა ლიცენზიის გაცემაზე; ან/და
 - ბ) ლიცენზიატს, რომელსაც ლკ-მ ჩამოართვა ეროვნული ლიცენზია; ან/და
 - გ) ლიცენზიის მაძიებელს / ლიცენზიატს, რომელსაც ლკ-მ დაუდგინა წინამდებარე დებულებების [მუხ. 15](#) განსაზღვრული სანქციონებადი კრიტერიუმების დარღვევა; ან/და
 - დ) ლიცენზიარს, ეროვნული ლიცენზირების მენეჯერის სახით.

ლკ-ის მიერ მიღებული ნებისმიერი გადაწყვეტილება შესაძლებელია გასაჩივრდეს მხოლოდ ლაო-ში, ამ ორგანოსთვის პირდაპირი მიმართვის გზით. ლაო აფასებს საჩივარს და ადგენს მის სამართლიანობას შინაარსსა და ფორმასთან მიმართებაში, ქვემოთ 6.8.6) პუნქტის შესაბამისად.

5. კლუბების ლიცენზირების აპელაციის ორგანო გადაწყვეტილებას იღებს კლუბების ლიცენზირების კომიტეტის გადაწყვეტილების და ყველა იმ დასაშვები დამამტკიცებელი საბუთის საფუძველზე, რომელსაც აპელანტი წარმოადგენს წერილობით საჩივართან ერთად, ლიცენზირების გრაფიკით დადგენილ საბოლოო ვადაში.

აკრძალულია აპელაციის განხილვა განმეორებითი მოსმენით. კლუბების ლიცენზირების აპელაციის ორგანო უფლებამოსილია შეაფასოს მხოლოდ კლუბების ლიცენზირების კომიტეტის გადაწყვეტილება, რომელიც ამ უკანასკნელმა მიიღო იმ ინფორმაციაზე დაყრდნობით, რომელიც წარმოდგენილ იქნა ლიცენზირების გრაფიკით დადგენილ საბოლოო ვადებში.

6. ლკ შედგება 7 წევრისგან: თავმჯდომარე, მოადგილე და 5 წევრი, ხოლო ლაო შედგება 5 წევრისგან: თავმჯდომარე, მოადგილე და 3 წევრი. გადაწყვეტილების მიმღები ორგანოების წევრები ინიშნებიან სფფ-ის აღმასკომის მიერ 2 წლის ვადით და ისინი/მათ ამასთან:

- ა) საკუთარი მოვალეობების შესრულებისას უნდა მოქმედებდნენ სამართლიანად, მიუკერძოებლად;
- ბ) ყველა შემთხვევაში უნდა შეიკავონ თავი ხმის მიცემისგან, თუკი არსებობს რაიმე ეჭვი მათ დამოუკიდებლობაზე ლიცენზიის მაძიებლის მიმართ ან თუ ადგილი აქვს ინტერესთა კონფლიქტს. გადაწყვეტილების მიმღები ორგანოს წევრის დამოუკიდებლობა არ შეიძლება იყოს გარანტირებული იმ შემთხვევაში, თუ იგი ან მისი ოჯახის რომელიმე წევრი (მეუღლე, შვილ(ებ)ი, მშობლები ან და-ძმა) არის ლიცენზიის მაძიებლის წევრი, აქციათა მფლობელი, ბიზნეს პარტნიორი, სპონსორი ან კონსულტანტი. ეს ჩამონათვალი საილუსტრაციოა და არაა ამომწურავი;
- გ) არ შეიძლება იყოს იმავდროულად ლიცენზირების მენეჯერი;
- დ) არ შეიძლება იმავდროულად იყვნენ სფფ-ის წესდებით განსაზღვრული იურიდიული ან სხვა ორგანოს წევრები.
- ე) არ შეიძლება იყოს იმავდროულად სფფ-ის აღმასრულებელი ორგანოს ან მისი აფილირებული ლიგის წევრი (თუკი ეს უკანასკნელი არსებობს).
- ვ) არ შეიძლება იყოს იმავდროულად აფილირებული კლუბის ხელმძღვანელობის წევრი.

ზ) წევრთა შორის უნდა იყოს, მინიმუმ, თითო კვალიფიციური იურისტი, რომელიც უნდა ფლობდეს საქართველოს განათლებისა და მეცნიერების სამინისტროს და/ან იუსტიციის სამინისტროს მიერ აღიარებულ იურისტის დიპლომს და თითო კვალიფიციური ფინანსისტი, რომელიც უნდა ფლობდეს საქართველოს განათლებისა და მეცნიერების სამინისტროს და/ან საქართველოს პარლამენტთან არსებული აუდიტორული საქმიანობის საბჭოს და/ან საქართველოს პროფესიონალ ბუღალტერთა და აუდიტორთა ფედერაციის მიერ აღიარებულ დიპლომს საბუღალტრო/სააუდიტო საქმეში.

თ) დაიცვან სფშ-ის ეთიკის კოდექსი.

7. გადანყვეტილების მიმღები ორგანოების კვორუმი შეადგენს შესაბამისი ორგანოს წევრთა რაოდენობის 50%+1-ს. ხმების თანაბრად გაყოფის შემთხვევაში, თავმჯდომარეს აქვს გადამწყვეტი ხმის უფლება.

8. გადანყვეტილების მიმღები ორგანოები უნდა მოქმედებდნენ შემდეგი პროცედურული წესების შესაბამისად:

ა) საბოლოო ვადები

საბოლოო ვადები ლიცენზირების მთლიანი პროცესისთვის განისაზღვრება ლმა-ს მიერ შემუშავებულ ცალკე გრაფიკში და სალიცენზიო სეზონის წინა წლის აგვისტოს დასრულებამდე სალიცენზიო დოკუმენტაციის პაკეტთან ერთად გადაეცემა ყველა დაინტერესებულ მხარეს (ლიცენზიის მაძიებლები, გადანყვეტილების მიმღები ორგანოები და სხვ.).

ბ) ფუნდამენტური პროცედურული უფლებების გარანტია

მხარეებისთვის გარანტირებულია ფუნდამენტური საპროცედურო უფლებები, განსაკუთრებით, თანასწორად მოპყრობისა და მოსმენის უფლება (აზრის გამოთქმის, საქმესთან დაკავშირებული კონსულტაციის, მტკიცებულებათა წარმოდგენის, მტკიცებულებათა წარმოდგენაში მონაწილეობის და მოტივირებული გადანყვეტილების მიღების უფლებების ჩათვლით და ეს ჩამონათვალი არაა ამომწურავი).

გ) ნარმომადგენლობა

ყოველი ლიცენზიის მაძიებლისთვის / ლიცენზიატისთვის აუცილებელია კლუბების ლიცენზირების კომიტეტსა და კლუბების ლიცენზირების აპელაციის ორგანოს სხდომებზე მიავლინოს უფლებამოსილი პირი და/ან სხვა უფლებამოსილება მინიჭებული პირი, რომელმაც უნდა წარმოადგინოს პირადობის და უფლებამოსილების დამადასტურებელი საბუთები.

ლიცენზიის მაძიებლის / ლიცენზიატის ზემოაღნიშნული ნარმომადგენლის დაუსწრებლობა ითვლება დისციპლინარულ დარღვევად, რომელსაც განიხილავს სფშ-ის სადისციპლინო ორგანოები. ასეთ შემთხვევაში ლიცენზირების გადაწყვეტილების მიმღები ორგანოები უფლებამოსილნი არიან მიიღონ გადაწყვეტილება კლუბის დაუსწრებლად.

დ) ლიცენზიის მაძიებლების უფლება, იქნენ მოსმენილნი

ლიცენზიის ყველა მაძიებელს აქვს უფლება, იქნეს მოსმენილი გადაწყვეტილების მიმღებ ორგანოებში.

გადაწყვეტილების მიმღებმა ორგანოებმა, თავდაპირველად, უნდა დაადგინონ პიროვნებების ვინაობა, რომლებიც უფლებამოსილნი არიან, წარმოადგინონ ლიცენზიის მაძიებელი და შემდეგ მიმართონ მათ, თქვან სიმართლე. ამ პიროვნებებს უნდა ეცნობოს, რომ მათ წინააღმდეგ, შესაძლოა, გატარდეს დისციპლინური სანქციები, ცრუ ინფორმაციის მიცემის შემთხვევაში.

ე) ოფიციალური ენა

ლიცენზირების მიზნებისთვის ოფიციალურ ენას წარმოადგენს – ქართული. შიშა-ს ფორმებში (ნაბეჭდი თუ ელექტრონული) ინფორმაციის შეყვანა ხდება შიშა-ს მიერ დადგენილ ენაზე.

ვ) საბოლოო ვადა მოთხოვნის წარსადგენად

საბოლოო ვადის ათვლა იწყება მხარის მიერ გადაწყვეტილების ოფიციალურად მიღების მომდევნო დღიდან. შაბათი, კვირა და საქართველოში ოფიციალური უქმეები ითვლება დაანგარიშებაში.

ელექტრონული მედიით გაგზავნილი შეტყობინებები (ე.ი. ელ-ფოსტა, ექსტრანეტი და ა.შ.) ითვლება ადრესატამდე მისულად მისი გაგზავნისთანავე, როგორც ეს აისახება ლიცენზიარის ჩანაწერებში. წინამდებარე დებულებების თანახმად, ლიცენზიის მაძიებელმა / ლიცენზიატმა უნდა უზრუნველყოს კომუნიკაციის გამართული სისტემა და ლიცენზიარი არ იღებს პასუხისმგებლობას ადრესატის მიერ ელექტრონული გზავნილის გახსნის დაყოვნებაზე / არწაკითხვაზე თუ ადრესატის მხარეს სხვა სახის ტექნიკურ პრობლემებზე.

საბოლოო ვადა ინურება ბოლო დღის შუალამს, თუ სხვაგვარად არ მიეთითება შეტყობინებაში. თუ ბოლო ვადა ემთხვევა შაბათს, კვირას ან საქართველოში ოფიციალურ უქმეებს, ბოლო ვადა ამოინურება პირველივე მომდევნო სამუშაო დღეს.

ზ) გასაჩივრების ვადები

ლაშ-ში გასაჩივრების ვადა შეადგენს 3 დღეს სადავო გადანყვეტილების შესახებ შეტყობინების მიღების მომდევნო დღიდან, მაგრამ არაუგვიანეს ლშა-ს მიერ აპელაციებისთვის დადგენილი საბოლოო ვადისა.

საჩივარი, რომელსაც საფუძვლად უდევს მართლმსაჯულების პრინციპის დარღვევა ან გაუმართლებელი ვადაგადაცილება, შეიძლება შეტანილ იქნეს ნებისმიერ დროს.

თ) აპელაციის შედეგი

აპელაცია არ ინვეს გასაჩივრებული გადანყვეტილების აღსრულების შეჩერებას.

ი) საჭირო მტკიცებულებები

ლიცენზირების გადანყვეტილების მიმღებმა ორგანოებმა ლიცენზიის მაძიებელს / ლიცენზიატს შესაძლოა მოთხოვონ მათ ხელთ არსებულ საქმესთან დაკავშირებული ნებისმიერი ნერილობითი მტკიცებულების წარმოდგენა.

ლიცენზიის მაძიებელს / ლიცენზიატს აქვს უფლება, ლიცენზირების გადანყვეტილების მიმღებ ორგანოს მიმართოს შუამდგომლობით მტკიცებულების წარდგენის შესახებ.

ლიცენზირების გადანყვეტილების მიმღებ ორგანოებს, კანონიერი საფუძველის გათვალისწინებით, აქვს უფლება არ მიიღოს ლიცენზიის მაძიებლის / ლიცენზიატის შუამდგომლობა მტკიცებულების წარმოდგენაზე.

კ) მტკიცების ვალდებულება

ლიცენზიის მაძიებელს ეკისრება მტკიცების ტვირთი.

ლ) გადანყვეტილება

გადანყვეტილების მიმღებმა ორგანოებმა უნდა გამოსცენ წერილობითი გადანყვეტილება, სადაც აღნიშნული იქნება:

- ადგილი, სადაც გამოტანილ იქნა გადანყვეტილება;
- თარიღი, როდესაც გამოტანილ იქნა გადანყვეტილება;
- გადანყვეტილების მიმღები ორგანოს წევრთა ვინაობა;
- მხარეების და მათი წარმომადგენლების ვინაობა;
- მხარეთა განცხადებები;
- გადანყვეტილების გამოტანის ფაქტობრივი და სამართლებრივი მიზეზები;
- გადანყვეტილება, ხარჯების განაწილების ჩათვლით;
- შესაბამისი გადანყვეტილების მიმღები ორგანოს თავმჯდომარის და მდივნის ხელმოწერები;
- გასაჩივრების უფლების მითითება, თუკი შესაძლებელია (ფორმა, ორგანო, გასაჩივრების საბოლოო ვადა).

გადანყვეტილება მიეწოდება დაინტერესებულ მხარეებს (ლიცენზიის მაძიებელი, ლიცენზიატი, ლმა) უშუალოდ გადანყვეტილების მიმღები ორგანოების მიერ, სფფ-ში აღიარებული ინფორმაციის გავრცელების საშუალებებით (საფოსტო გზავნილი, ფაქსი, ელ-ფოსტა, ექსტრანეტი და სხვ.), მისი მიღებიდან 3 დღის განმავლობაში.

მ) გასაჩივრების საფუძველი

გასაჩივრების საფუძველი შეიძლება იყოს:

- კლუბების ლიცენზირების კომიტეტმა არ მისცა საშუალება აპელანტს, ობიექტურად გადმოეცა საქმის ვითარება;
- კლუბების ლიცენზირების კომიტეტის გადანყვეტილება არღვევს მართლმსაჯულების პრინციპებს ან კლუბების ლიცენზირების კომიტეტმა ჩაიდინა ქმედება, რომელიც ეწინააღმდეგება წინამდებარე დებულებებს;
- კლუბების ლიცენზირების კომიტეტმა მიიღო საქმის ვითარებით გაუმაგრებელი გადანყვეტილება.

6) საჩივრის შინაარსი და ფორმა

საჩივარი უნდა იყოს წარმოდგენილი წერილობით და ხელმოწერილი იყოს უფლებამოსილი პირის მიერ.

აპელაციის განაცხადში მოცემული უნდა იყოს:

- ლიცენზიის მაძიებელი იურიდიული პირის სახელწოდება და საიდენტიფიკაციო კოდი;
- აპელანტის წარმომადგენელი: უფლებამოსილი პირის მიერ გაცემული მინდობილობა (არაა აუცილებელი უფლებამოსილი პირისთვის);
- გადაწყვეტილება, რომლის წინააღმდეგაც ხდება საჩივრის შეტანა;
- გასაჩივრებული გადაწყვეტილების ნაწილობრივ ან აბსოლუტური გაუქმების საფუძველი;
- განცხადება-მოთხოვნა;
- აპელაციის თანხის გადახდის დამადასტურებელი დოკუმენტი;
- საჭიროების შემთხვევაში: მოთხოვნილი დოკუმენტაცია;
- საჭიროების შემთხვევაში: შუამდგომლობა მტკიცებულებების წარმოდგენის შესახებ, მასში მითითებულ მტკიცებულებებთან ერთად.

რ) განხილვა / მოსმენა

განხილვები უნდა მოხდეს ფარულად. იგი შეიცავს იმ წევრების ვინაობის დასახელებას, რომლებმაც მონაწილეობა მიიღეს გადაწყვეტილების გამოტანაში და რომელთა უშუალო მონაწილეობითაც შედგა კვორუმი.

გადაწყვეტილების მიმღებმა ორგანომ უნდა იმსჯელოს ცალკე კაბინეტში, მოსმენის დასრულებისთანავე.

თუ საქმე არ მოითხოვს მტკიცებულებათა წარმოდგენას, გადაწყვეტილების მიმღებ ორგანოს შეუძლია ერთპიროვნულად მიიღოს გადაწყვეტილება საქმის ფაილის დარიგების შემდეგ, იმ პირობით, თუ მისი არც ერთი წევრი არ მოითხოვს მოსმენას.

პ) პროცედურის ხარჯები / ადმინისტრაციული გადასახადი / დეპოზიტი

ეროვნული სალიცენზიო გადასახადი შეადგენს:

- 2000 ლარს – ეროვნული ლიგის კლუბებისთვის;
- 1000 ლარს – სხვა ლიგების კლუბებისთვის.

აპელაციის გადასახადი ეროვნული ლიცენზიის გაცემის შესახებ გადანყვეტილებების გასაჩივრებისთვის შეადგენს 500 ლარს, თითოეულ გასაჩივრებულ კრიტერიუმზე (სფფ გათავისუფლებულია ამ გადასახადისგან).

აპელაციის გადასახადი ეროვნული ლიცენზიის სანქციონებადი კრიტერიუმების დარღვევის შესახებ გადანყვეტილებების გასაჩივრებისთვის შეადგენს 300 ლარს, თითოეულ გასაჩივრებულ კრიტერიუმზე (სფფ გათავისუფლებულია ამ გადასახადისგან).

აპელაციის გადასახადის დადგენილ ვადაში გადაუხდელობის შემთხვევაში, შესაბამისი საჩივარი არ განიხილება.

აპელაციის თანხა უბრუნდება აპელანტს სრულად ან ნაწილობრივ, სააპელაციო მოთხოვნათა იმ ნაწილის პროპორციულად, რომელიც მას დაუკმაყოფილდება, რაზედაც ლსო იღებს საბოლოო გადანყვეტილებას, რომელიც არ ექვემდებარება გასაჩივრებას.

მუხლი 7 - სანქციების ჩამონათვალი

1. სფფ-მ შეადგინა სადისციპლინო სანქციების ჩამონათვალი სფფ-ის ლიცენზირებად ლიგებში მონაწილეობის კლუბების ლიცენზირების სისტემისთვის [15.2 და 15.3 პუნქტებში](#) მითითებული კრიტერიუმების შეუსრულებლობისთვის (იხ. [1 დანართი](#)).
2. გარდა [15.2 და 15.3 პუნქტებში](#) მითითებული კრიტერიუმების შეუსრულებლობის შემთხვევებისა, წინამდებარე დებულებების დარღვევის შემთხვევაში, სფფ იყენებს სფფ-ის სადისციპლინო კოდექსს.

მუხლი 8 - ძირითადი პროცესი

1. ყოველი სალიცენზიო სეზონის დასაწყისში ლიცენზიარი განსაზღვრავს ძირითად პროცესს კლუბების ლიცენზირების კრიტერიუმების შესამოწმებლად და ამგვარად მართავს შესაბამისი ეროვნული ლიცენზიის გაცემას.
2. ძირითადი პროცესი იწყება და მთავრდება ლიცენზიარის მიერ ლიცენზირების გრაფიკით დადგენილ დღეს.
3. საკვანძო პროცედურული ბიჯების საბოლოო ვადები მკაფიოდ უნდა განისაზღვროს ლიცენზიარის მიერ და სალიცენზიო სეზონის წინა წლის აგვისტოს ბოლომდე მიენოდოს დაინტერესებულ კლუბებს.

4. ძირითადი პროცესის საბოლოო ვადები უნდა აძლევდეს აპელანტს საშუალებას, საბოლოო ინსტანციაში მიმართოს სფფ-ის წესდებით განსაზღვრულ არბიტრაჟს. ასევე ამ ვადებით არბიტრაჟს უნდა ჰქონდეს საკმარისი დრო საბოლოო და შესასრულებლად სავალდებულო გადაწყვეტილების გამოსატანად, ლიცენზირების გრაფიკით დადგენილ საბოლოო ვადამდე. კლუბების ლიცენზირების აპელაციის ორგანოს გადაწყვეტილება შეიძლება გასაჩივრდეს მხოლოდ ზემოაღნიშნულ არბიტრაჟში, მისთვის პირდაპირი მიმართვის გზით და საჩივართან დაკავშირებით მოქმედებს იგივე წესები და პრინციპები, რაც ლაშ-ში აპელაციის შემთხვევაში (იხ. [მუხ. 6.8](#)). არბიტრაჟში გასაჩივრების ვადა შეადგენს 3 კალენდარულ დღეს და იგი აითვლება ლაშ-ს გადაწყვეტილების შესახებ შეტყობინების მიღების დღიდან.

მუხლი 9 - შეფასების პროცედურები

შეფასების პროცედურები განსაზღვრულია სფფ-ის მიერ, თვითშემოწმების საკონტროლო სიასა და პროცედურებში, რაც წარმოადგენს სალიცენზიო პაკეტის ნაწილს, რომელიც გადაეცემა ლიცენზიის მაძიებლებს სალიცენზიო ციკლის დასაწყისში. თუმცა, ფინანსურ კრიტერიუმებთან შესაბამისობის შემოწმების მეთოდები, რისთვისაც საჭიროა სპეციფიკური პროცესების დაცვა, ჩამოყალიბებულია [VI დანართში](#).

მუხლი 10 - თანასწორი მიდგომა და კონფიდენციალობა

1. ძირითადი პროცესის განხორციელებისას ლიცენზიარი უზრუნველყოფს თანასწორ მიდგომას ლიცენზიის ყველა მაძიებლისადმი.
2. ლიცენზიარი აძლევს ლიცენზიის მაძიებლებს სრული კონფიდენციალობის გარანტიას ნებისმიერ ინფორმაციასთან დაკავშირებით, რომელსაც იგი წარმოადგენს ლიცენზირების პროცესის დროს. ყველამ, ვინც ჩართულია ლიცენზირების პროცესში ან დანიშნულია ლიცენზიარის მიერ, საკუთარი მოვალეობების აღებამდე ხელი უნდა მოაწეროს შეთანხმებას კონფიდენციალობაზე.
3. ამასთან, ლიცენზიის მაძიებელი კლუბები ვალდებული არიან, ლიცენზირების გრაფიკით დადგენილ ვადაში წარმოადგინონ სფფ-ისა და კლუბის მიერ ორმხრივად ხელმოწერილი შეთანხმება კონფიდენციალობაზე, წინააღმდეგ შემთხვევაში, ლიცენზიარი თავისუფლდება ზემოთ მე-2 პუნქტში განსაზღვრული კონფიდენციალობის ვალდებულებისგან.

III. ლიცენზიის მაძიებელი და ეროვნული ლიცენზიები

მუხლი 11 - ლიცენზიის მაძიებლის განსაზღვრება და „სამი(ორი/ერთი) სეზონის“ წესი

1. ლიცენზიის მაძიებელი შეიძლება იყოს მხოლოდ ფეხბურთის კლუბი, რომელიც არის იურიდიული პირი და მხოლოდ თვითონ არის სრულად პასუხისმგებელი ეროვნულ და საერთაშორისო საკლუბო შეჯიბრებებში მონაწილე ფეხბურთის გუნდზე და არის სფშ-ის, ან მისი წევრი რეგიონული ფეხბურთის ფედერაციის, ან ლიგის რეგისტრირებული წევრი (შემდგომში - „რეგისტრირებული წევრი“).
2. სალიცენზიო სეზონის დასაწყისისთვის, რეგისტრირებული წევრობა უნდა გრძელდებოდეს, სულ ცოტა, ზედიზედ ბოლო 3 სეზონის მანძილზე – პრლ-ლიცენზიისთვის, 2 სეზონის მანძილზე – ა-ლიცენზიისთვის და 1 სეზონის მანძილზე – ბ-ლიცენზიისთვის.
3. ამ პერიოდში ლიცენზიის მაძიებლის ორგანიზაციულ-სამართლებრივ ფორმაში ან ფაქტურის იურიდიულ სტრუქტურაში მომხდარი ნებისმიერი ცვლილება (მაგ. სათავო ოფისის, სახელწოდების ან კლუბის ფერების ცვლილება, ან სხვადასხვა კლუბებს შორის ნილების გადანაწილება) იმ მიზნით, რომ მან, სამართლიანი შეჯიბრების პრინციპის გვერდის ავლით, გააადვილოს სპორტული მიღწევებით კვალიფიკაცია და/ან ლიცენზიის მიღება, ჩაითვლება წინამდებარე მოთხოვნებით განსაზღვრული წევრობის წყვეტად¹.

მუხლი 12 - ლიცენზიის მაძიებლის ძირითადი პასუხისმგებლობები

1. ლიცენზიის მაძიებლები სრულად და ერთპიროვნულად არიან პასუხისმგებლები წინამდებარე დებულებებით განსაზღვრული მოთხოვნების შესრულებაზე. ისინი შეიძლება არ ეთანხმებოდნენ სფშ-ის ლიცენზირების ექსპერტების მოსაზრებებს/რეკომენდაციებს და საკუთარი პოზიციები უნდა დაიცვან ლიცენზირების გადაწყვეტილების მიმღებ ორგანოებში, რომლებიც სალიცენზიო გადაწყვეტილებების მიღებისას ხელმძღვანელობენ მხოლოდ წინამდებარე დებულებებით.

¹ სფშ-ის აღმასრულებელმა ორგანომ შეიძლება დაუშვას გამონაკლისი აღნიშნულ „მ(2) სეზონის წესთან“ დაკავშირებით განსაკუთრებულ შემთხვევებში, ფეხბურთის განვითარების პოლიტიკის შესაბამისად.

2. ლიცენზიის მაძიებელი ვალდებულია, ლიცენზირების გრაფიკით დადგენილ ვადებში ლიცენზიარს წარუდგინოს:
 - ა) სალიცენზიო ვალდებულებების სრულად შესრულების დამადასტურებელი ყველა საჭირო ინფორმაცია და/ან შესაბამისი დოკუმენტაცია; და
 - ბ) ნებისმიერი სხვა დოკუმენტი, რომელიც აქტუალურია ლიცენზიარის მიერ გადაწყვეტილების მიღების მიზნებისთვის.
3. ეს მოიცავს ინფორმაციას ანგარიშვალდებული საწარმო/საწარმოების შესახებ, რომლის მიმართაც მოითხოვება სპორტული, ინფრასტრუქტურული, საკადრო-ადმინისტრაციული, სამართლებრივი და ფინანსური ინფორმაციის წარმოდგენა.
4. ნებისმიერი მოვლენა, რომელსაც ადგილი ექნება სალიცენზიო დოკუმენტაციის წარდგენის შემდეგ და რომელიც იწვევს მნიშვნელოვან ცვლილებას უკვე წარმოდგენილ ინფორმაციაში, დაუყოვნებლივ უნდა ეცნობოს ლიცენზიარს (მათ შორის, ორგანიზაციულ-სამართლებრივი ფორმის ან ჯგუფის იურიდიული სტრუქტურის ცვლილება).
5. ლიცენზიის მაძიებელი / ლიცენზიატი ვალდებულია სალიცენზიო დოკუმენტაცია ლიცენზიარს წარუდგინოს მხოლოდ სფფ-ის კლუბების ლიცენზირების ექსტრანეტის საშუალებით. გამონაკლისი დაიშვება მხოლოდ იმ შემთხვევებში, როდესაც ადგილი აქვს ექსტრანეტის ტექნიკურ გაუმართაობას და ამ შემთხვევაში ლიცენზიის მაძიებელი / ლიცენზიატი ლიცენზიარს უთანხმდება დოკუმენტაციის/ინფორმაციის წარდგენის ალტერნატიულ მეთოდზე.

მუხლი 13 - სფფ-ის ეროვნული ლიცენზიები

1. კლუბებმა, რომლებიც სპორტული შედეგით მოიპოვებენ სფფ-ის ლიცენზირებად ლიგებში მონაწილეობის უფლებას, უნდა მიიღონ სფფ-ის მიერ წინამდებარე დებულებების შესაბამისად გაცემული შესაბამისი ეროვნული ლიცენზია. კერძოდ, ეროვნულ ლიგაში მონაწილეობისთვის – პრემიერ-ლიცენზია, ეროვნულ ლიგა 2-ში მონაწილეობისთვის – ა-ლიცენზია, ხოლო ლიგა 3-ში მონაწილეობისთვის – ბ-ლიცენზია.
2. ეროვნულ ლიცენზიებს ვადა გასდის ყოველგვარი წინასწარი შეტყობინების გარეშე იმ სეზონის ბოლოს, რომელზეც გაიცა.
3. ეროვნული ლიცენზიის გადაცემა არ შეიძლება.
4. სეზონის განმავლობაში შესაძლებელია ლიცენზიის ჩამორთმევა გადაწყვეტილების მიმღები ორგანოების მიერ, თუ:

- ა) აღარ კმაყოფილდება შესაბამისი ეროვნული ლიცენზიის გაცემის რომელიმე პირობა; ან
- ბ) ლიცენზიატი არღვევს წინამდებარე დებულებებით განსაზღვრულ რომელიმე ვალდებულებას.

მუხლი 14 - ლიცენზიის მაძიებლების შეფასებები სხვადასხვა ლიცენზიაზე

- 1. საქართველოს ჩემპიონატის ეროვნულ ლიგაში და ეროვნულ ლიგა 2-ში მონაწილე ყველა კლუბი შეფასდება:
 - ა) ეროვნულ პრემიერ-ლიგაში, რომელიც სავალდებულოა ეროვნულ ლიგაში მონაწილეობისთვის.
 - ბ) ეროვნულ 2-ლიგაში, რომელიც სავალდებულოა ეროვნულ ლიგა 2-ში მონაწილეობისთვის.
 - გ) ეროვნულ 3-ლიგაში, რომელიც სავალდებულოა ლიგა 3-ში მონაწილეობისთვის.
- 2. საქართველოს ჩემპიონატის ლიგა 3-ში მონაწილე ყველა კლუბი შეფასდება:
 - ა) ეროვნულ 2-ლიგაში, რომელიც სავალდებულოა ეროვნულ ლიგა 2-ში მონაწილეობისთვის.
 - ბ) ეროვნულ 3-ლიგაში, რომელიც სავალდებულოა ლიგა 3-ში მონაწილეობისთვის.

IV. კლუბების ლიცენზირების კრიტერიუმები

მუხლი 15 - ზოგადი ინფორმაცია

1. კლუბებმა უნდა შეასრულონ ამ თავში განსაზღვრული ყველა კრიტერიუმი, ქვემოთ 2-4 პუნქტებში აღწერილი შემთხვევების გარდა, რათა მიიღონ შესაბამისი ეროვნული ლიცენზია სფშ-ის შესაბამის ლიგაში მონაწილეობისთვის.
2. **სანქცირებადი კრიტერიუმები:** ამ პუნქტში აღნიშნულ მუხლებში განსაზღვრული კრიტერიუმების შეუსრულებლობა არ გამოიწვევს უარს შესაბამის ეროვნულ ლიცენზიაზე, თუმცა მოჰყვება სფშ-ის სადისციპლინო დებულებებით დადგენილი სანქციები (იხ. [მე-7 მუხლი](#) და [I დანართი](#)):
 - 2.1. პრმ-ლიცენზიისთვის: [17.2](#), [19.2](#), [21](#), [22](#), [34](#), [35](#), [35¹](#), [40](#), [42](#), [43](#).
 - 2.2. ა-ლიცენზიისთვის: [19.2](#), [21](#), [34](#), [35](#), [40](#), [42](#), [43](#).
 - 2.3. ბ-ლიცენზიისთვის: [16](#), [21.1-2](#), [25](#), [27.3](#), [38](#), [40](#), [42](#), [43](#), [46](#), [47](#), [51](#).
3. **მკაცრი მოთხოვნები:** ქვემოთ მუხლებში განსაზღვრული კრიტერიუმების შეუსრულებლობა არ გამოიწვევს ავტომატურ უარს შესაბამის ეროვნულ ლიცენზიაზე, თუმცა, გარდა იმისა, რომ მოჰყვება სფშ-ის სადისციპლინო დებულებებით დადგენილი სანქციები (იხ. [მე-7 მუხლი](#) და [I დანართი](#)), აღნიშნული მოთხოვნების მასიურად ან/და მძიმე ფორმით შეუსრულებლობამ შესაძლოა გამოიწვიოს უარი შესაბამის ეროვნულ ლიცენზიაზე:
 - 3.1. ა-ლიცენზიისთვის: [16](#), [25](#), [27.3](#), [32](#), [38](#), [46](#), [47](#), [50¹](#), [51](#). ასევე ა-ლიცენზიის მაძიებელი ლიგა 3-ის კლუბებისთვის იხ. მუხ. [17.1.ბ](#)) შენიშვნა.
 - 3.2. ბ-ლიცენზიისთვის: [17.4](#), [19](#), [23](#), [24](#), [26](#), [29](#), [31](#), [32](#), [37](#), [39](#), [49](#), [50¹](#), [52](#).შეუსრულებელი კრიტერიუმების რაოდენობასა და თვისობრიობას, რომელიც შეიძლება გახდეს ზემოთ ლიცენზიების არგაცემის საფუძველი, განსაზღვრავენ სფშ-ის კლუბების ლიცენზირების გადანყვებილების მიმღები ორგანოები, ინდივიდუალურად, ყოველი საკითხის განხილვისას.
4. **რეკომენდაციები:** ქვემოთ მუხლებში განსაზღვრული კრიტერიუმების შეუსრულებლობა არ გამოიწვევს უარს ან რაიმე ტიპის სანქციას შესაბამის ეროვნულ ლიცენზიაზე, ვინაიდან, ისინი წარმოადგენენ რეკომენდაციის ტიპის მოთხოვნებს აღნიშნული ლიცენზიისთვის:

- 4.1. ა-ლიცენზიისთვის: [17.2](#), [22](#), [35](#)¹.
- 4.2. ბ-ლიცენზიისთვის: [17.2](#), [19.2](#), [21.3](#), [22](#), [34](#), [35](#), [35](#)¹.

საორტული კრიტერიუმები

მუხლი 16 - ახალგაზრდული ფეხბურთის განვითარების დამტკიცებული პროგრამა

1. ლიცენზიის მაძიებელს უნდა გააჩნდეს ლიცენზიარის მიერ დამტკიცებული ახალგაზრდული ფეხბურთის განვითარების პროგრამა წერილობითი სახით. ლიცენზიარმა უნდა შეამოწმოს და შეაფასოს დამტკიცებული ახალგაზრდული ფეხბურთის განვითარების პროგრამის განხორციელება.
2. ეს პროგრამა, მინიმუმ, უნდა მოიცავდეს შემდეგ საკითხებს:
 - ა) ახალგაზრდული ფეხბურთის განვითარების მიზნები და ძირითადი პრინციპები;
 - ბ) ახალგაზრდული ფეხბურთის სექტორის ორგანიზაცია (საორგანიზაციო სქემა: მასში ჩართული ორგანოები, კავშირი ლიცენზიის მაძიებელთან, ახალგაზრდული გუნდები და ა.შ.);
 - გ) პერსონალი (ტექნიკური, სამედიცინო, ადმინისტრაციული და ა.შ.) და საჭირო მინიმალური კვალიფიკაციები;
 - დ) ახალგაზრდული ფეხბურთის სექტორის ინფრასტრუქტურა (მატჩების ჩასატარებელი და სავარჯიშო სპორტული ნაგებობები და ა.შ.);
 - ე) ფინანსური რესურსები (არსებული ბიუჯეტი, ლიცენზიის მაძიებლის, ფეხბურთელების ან ადგილობრივი საზოგადოების შენატანები და ა.შ.) სფშ-ის მიერ დადგენილი მოთხოვნების შესაბამისად (იხ. ქვემოთ [IV დანართი, D ქვეთავი](#));
 - ვ) საფეხბურთო განათლების პროგრამა სხვადასხვა ასაკობრივი ჯგუფისთვის (სათამაშო ოსტატობა, ტექნიკური, ტაქტიკური და ფიზიკური მომზადება);
 - ზ) თამაშის წესების სასწავლო პროგრამა;
 - თ) ანტი-დოპინგის შესახებ განათლების პროგრამა;
 - ი) საორტული სამართლიანობის შესახებ განათლების პროგრამა;
 - კ) ახალგაზრდა ფეხბურთელების სამედიცინო მომსახურება (სამედიცინო შემოწმებების ჩათვლით);
 - ლ) შემოწმებისა და გამომხაურების მიღების პროცედურა, დასახული მიზნების მიღწევის შესაფასებლად;
 - მ) პროგრამის ხანგრძლივობა (მინიმუმ – 3 და მაქსიმუმ – 7 წელი);
 - ნ) ლიცენზიის მაძიებელმა უნდა უზრუნველყოს, რომ:

- ახალგაზრდული ფეხბურთის განვითარების პროგრამაში ჩართულ ყველა ახალგაზრდა ფეხბურთელს აქვს სავალდებულო სასკოლო განათლების მიღების შესაძლებლობა, საქართველოს კანონმდებლობის შესაბამისად; და
- ახალგაზრდული ფეხბურთის განვითარების პროგრამაში ჩართულ არც ერთ ახალგაზრდა ფეხბურთელს არ ეშლება ხელი, გააგრძელოს თავისი არასაფეხბურთო სწავლება.

მუხლი 17 - ახალგაზრდული გუნდები

- ლიცენზიის მაძიებელს საკუთარ იურიდიულ სტრუქტურაში, ანგარიშგების პერიმეტრში მყოფი სანარმოს სტრუქტურაში ან საკუთარ იურიდიულ სტრუქტურაში აფილირებული სხვა იურიდიული პირის კლუბის სტრუქტურაში (იხ. მე-4 პუნქტი, ქვემოთ) უნდა ჰყავდეს მინიმუმ შემდეგი ახალგაზრდული გუნდები:
 - ეროვნული პრემიერ-ლიცენზიისთვის:
 - 15-დან 21-წლამდე ასაკობრივ კატეგორიაში – სულ ცოტა ორი გუნდი;
 - 10-დან 14-წლის ჩათვლით ასაკობრივ კატეგორიაში – სულ ცოტა ორი გუნდი;
 - 10-წლამდე ასაკის ბავშვთა სულ ცოტა ერთი გუნდი.
 - ეროვნული ა-ლიცენზიისთვის:
 - 12-დან 21-წლამდე ასაკობრივ კატეგორიაში – სულ ცოტა სამი გუნდი;

შენიშვნა: ლიგა 3-ის კლუბების ა-ლიცენზიაზე შეფასებისას წინამდებარე კრიტერიუმი განიხილება მკაცრი მოთხოვნების კატეგორიაში, როგორც ეს განსაზღვრულია მუხ. 15.3-ში, იმის უზრუნველყოფით, რომ სავალდებულო წესით სრულდება ქვემოთ გ) პუნქტში ბ-ლიცენზიისთვის განსაზღვრული მოთხოვნა.
 - ეროვნული ბ-ლიცენზიისთვის:
 - 12-დან 19-წლამდე ასაკობრივ კატეგორიაში – სულ ცოტა ერთი გუნდი.
- ამას გარდა, ახალგაზრდული ფეხბურთის სწორი სტრუქტურის უზრუნველყოფის მიზნით, ლიცენზიის მაძიებელს მოეთხოვება ჰყავდეს, მინიმუმ, შემდეგი გუნდები: 10-წლამდე, 11-წლამდე, 12-წლამდე, 13-წლამდე, 14-წლამდე, 15-წლამდე, 17-წლამდე, 19-წლამდე.

3. ყველა ზემოაღნიშნული გუნდი, 10-წლამდე ასაკის ბავშვთა გუნდის გარდა, ეროვნულ, რეგიონულ ან ადგილობრივ დონეზე უნდა იღებდეს მონაწილეობას სფფ-ის მიერ აღიარებულ ოფიციალურ შეჯიბრებებში ან პროგრამებში.
4. „ფეარ-პლეის“ და შეჯიბრებების პრინციპებიდან გამომდინარე, კლუბს/გუნდს მიენიჭება აფილირებულის სტატუსი, თუ ლიცენზიის მაძიებელი აფინანსებს და უწევს ტექნიკურ მხარდაჭერას ამ კლუბს/გუნდს და ეს ხარჯები სათანადოდ აღირიცხება ლიცენზიის მაძიებლის ანგარიშგების პერიმეტრში. ამასთან, სპორტული და შეჯიბრებების სამართლიანობის უზრუნველსაყოფად, ფილიალი კლუბი/გუნდი უნდა წარმოადგენდეს იმავე ქალაქს/რეგიონს, რომელსაც წარმოადგენს ლიცენზიის მაძიებელი.

მუხლი 18 - ფეხბურთელების სამედიცინო მომსახურება

1. ლიცენზიის მაძიებელმა უნდა ჩამოაყალიბოს და განახორციელოს პოლიტიკა, რომლითაც უზრუნველყოფს მის ძირითად გუნდში თამაშის უფლების მქონე ყველა ფეხბურთელის მიერ ყოველწლიური სამედიცინო შემოწმების გავლას.
2. ლიცენზიის მაძიებელმა უნდა წარმოადგინოს დადასტურება სფფ-ის უფლებამოსილი ორგანოდან (მაგ., საშეჯიბრო განყოფილება), რომ მის ძირითად გუნდში თამაშის უფლების მქონე ყველა ფეხბურთელმა გაიარა ყოველწლიური სამედიცინო შემოწმება, სფფ-ის ეროვნული ჩემპიონატის დებულებების შესაბამისი მოთხოვნების მიხედვით.

მუხლი 19 - ფეხბურთელების რეგისტრაცია / კლუბის განვრთნილი ფეხბურთელები

1. ლიცენზიის მაძიებლის 10 წელზე უფროსი ასაკის ყველა ფეხბურთელი უნდა იყოს რეგისტრირებული სფფ-ში, რეგიონულ ფედერაციაში ან ლიგაში, ფეხბურთელთა სტატუსისა და ტრანსფერის შესახებ ფიფა-სა და სფფ-ის დებულებების შესაბამისად.
2. ლიცენზიის მაძიებლის ძირითადი გუნდის განაცხადში უნდა იყოს რეგისტრირებული, მინიმუმ, კლუბის განვრთნილი 5 ფეხბურთელი. ფეხბურთელი ითვლება კლუბის განვრთნილად, თუ იგი 15-დან 21 წლის ასაკამდე ჯამში, მინიმუმ, 36 თვის განმავლობაში იყო რეგისტრირებული აღნიშნულ კლუბში.

მუხლი 20 - წერილობითი კონტრაქტი პროფესიონალ ფეხბურთელებთან

ლიცენზიის მაძიებლის ყველა პროფესიონალ ფეხბურთელს უნდა ჰქონდეს წერილობითი კონტრაქტი ლიცენზიის მაძიებელთან, ფეხბურთელთა სტატუსისა და ტრანსფერის შესახებ ფიფა-სა და სფფ-ის დებულებების შესაბამისად.

მუხლი 21 - მონაწილეობა სემინარებში

ლიცენზიის მაძიებელი უნდა დაესწროს სფფ-ის მიერ ან მასთან თანამშრომლობით სალიცენზიო სეზონის წინა სეზონის განმავლობაში ჩატარებულ შემდეგ სემინარებს ან სხვა ღონისძიებებს:

1. თამაშის წესებსა და სამსაჯო საკითხებზე, რომელსაც უნდა დაესწროს, მინიმუმ, ძირითადი გუნდის კაპიტანი (ან მისი შემცვლელი) და მთავარი მწვრთნელი (ან მისი თანაშემწე);
2. სპორტული სამართლიანობის შესახებ, რომელსაც უნდა დაესწროს, მინიმუმ, ძირითადი გუნდის კაპიტანი (ან მისი შემცვლელი) და მთავარი მწვრთნელი (ან მისი თანაშემწე), აგრეთვე, კლუბის ტექნიკური და ადმინისტრაციული პერსონალი (სალიცენზიო კადრები).
3. სპორტული მედიცინის შესახებ, რომელსაც უნდა დაესწროს, მინიმუმ, წინამდებარე დებულებებით განსაზღვრული კლუბის ექიმი და ფიზიოთერაპევტი, აგრეთვე მთავარი მწვრთნელი (ან მისი თანაშემწე).

მუხლი 22 - რასობრივი თანასწორობისა და ანტიდისკრიმინაციული პოლიტიკა

ლიცენზიის მაძიებელმა უნდა ჩამოაყალიბოს და განახორციელოს ფეხბურთში რასიზმისა და დისკრიმინაციის წინააღმდეგ ბრძოლის პოლიტიკა.

მუხლი 23 - სტადიონი საქართველოს ჩემპიონატის ლიცენზირებადი ლიგებისთვის

1. ლიცენზიის მაძიებელს უნდა ჰქონდეს სფფ-ის კომპეტენტური ორგანოს (მაგ. საშეჯიბრო განყოფილება) მიერ საქართველოს ეროვნული ჩემპიონატის შესაბამისი ლიცენზირებადი ლიგისთვის დამტკიცებული სტადიონ(ებ)ი, რომელიც უნდა მდებარეობდეს სფფ-ის ტერიტორიაზე.
2. თუ ლიცენზიის მაძიებელი არ არის სტადიონის მფლობელი, მან უნდა წარმოადგინოს წერილობითი კონტრაქტ(ებ)ი იმ სტადიონ(ებ)ის მფლობელ(ებ)თან, რომელსაც გამოიყენებს, აგრეთვე, სტადიონ(ებ)ის მესაკუთრ(ებ)ის მიერ სტადიონ(ებ)ის საკუთრების დამადასტურებელი დოკუმენტაცია.
3. ამ კონტრაქტ(ებ)ით უზრუნველყოფილი უნდა იყოს სტადიონ(ებ)ის გამოყენება სალიცენზიო სეზონში ლიცენზირებად ლიგებში საშინაო მატჩებისთვის.

მუხლი 24 - უსაფრთხოებისა და ნესრიგის დაცვა

ლიცენზიის მაძიებელმა უნდა უზრუნველყოს უსაფრთხოებისა და ნესრიგის დაცვა პოლიცია/დაცვის ორგანიზაციების და, საჭიროების შემთხვევაში, განმკარგულებლების საშუალებით, საშინაო მატჩებზე, თითოეულ სტადიონზე, რომელსაც წარმოადგენს [23-ე მუხლის](#) შესაბამისად.

მუხლი 25 - სავარჯიშო ობიექტები: არსებობა და მინიმალური ინფრასტრუქტურა

1. ლიცენზიის მაძიებელს უნდა ჰქონდეს სავარჯიშო ობიექტ(ებ)ი, რომელიც მოიცავს, მინიმუმ, სათანადო რაოდენობის სავარჯიშო მოედნებს, გასახდელებს და სამედიცინო ოთახ(ებ)ს, რომელიც უსაფრთხო და ხელმისაწვდომია ლიცენზიის მაძიებლის ყველა გუნდისთვის როგორც სავარჯიშოდ, ასევე ახლაგაზრდული გუნდების ოფიციალური მატჩების ჩასატარებლად.
2. სავარჯიშო ობიექტად მხოლოდ ძირითადი სტადიონის წარმოდგენა ([მუხ. 23](#)) არ ჩაითვლება მოთხოვნის დაკმაყოფილებად.

3. თუ ლიცენზიის მაძიებელი არ არის სავარჯიშო ობიექტ(ებ)ის მფლობელი, მან უნდა წარმოადგინოს წერილობითი კონტრაქტ(ებ)ი მის(მათ) მფლობელ(ებ)თან, აგრეთვე, ობიექტ(ებ)ის მესაკუთრე(ებ)ისგან ამ ობიექტ(ებ)ის საკუთრების დამადასტურებელი დოკუმენტაცია.

მუხლი 26 - კლუბის ოფისი

1. ლიცენზიის მაძიებელი უნდა ფლობდეს ან ქირაობდეს საოფისე ფართს, რომელშიც განთავსდება ადმინისტრაცია. იჯარის შემთხვევაში, უნდა იქნეს წარმოდგენილი წერილობითი კონტრაქტი საოფისე ფართ(ებ)ის მფლობელ(ებ)თან, აგრეთვე, ფართ(ებ)ის მესაკუთრე(ებ)ისგან ამ ფართ(ებ)ის საკუთრების დამადასტურებელი დოკუმენტაცია.
2. ოფისი უნდა იყოს აღჭურვილი აუცილებელი მინიმალური ტექნიკური ინფრასტრუქტურით: ტელეფონი, ელ-ფოსტა და კომპიუტერი ინტერნეტ კავშირით.

საკაპრო-ადმინისტრაციული კრიტერიუმები

მუხლი 27 - კლუბის ადმინისტრაცია

1. ლიცენზიის მაძიებელს უნდა ჰყავდეს დანიშნული ყოველდღიური საქმიანობის წარმართვისთვის საჭირო რაოდენობის კვალიფიციური თანამშრომლები.
2. ლიცენზიის მაძიებელმა უნდა უზრუნველყოს, რომ ოფისი ღია იყოს სწვ-სთან და საზოგადოებასთან ურთიერთობისთვის. მას უნდა გააჩნდეს რეესტრში რეგისტრირებული ოფიციალური ელ-ფოსტის მისამართი (იხ. [45.2გ პუნქტი](#)), რომლიდანაც გამოგზავნილი ინფორმაცია ითვლება კლუბის მიერ ხელმოწერილად, თუ იგი არ ეხება დოკუმენტს, რომელზეც მოითხოვება სხვა მხარის ხელმოწერაც.
3. ლიცენზიის მაძიებელს უნდა ჰქონდეს მოქმედი ოფიციალური ვებ-გვერდი, რომელზეც აუცილებლად უნდა იყოს შემდეგი ინფორმაცია:
 - ა) კლუბის საორგანიზაციო სტრუქტურა (სქემის სახით), ძალაში შესვლის თარიღის მითითებით;
 - ბ) ყველა სალიცენზიო კადრის ვინაობა, ფოტოსურათი და ყველა თანამდებობა, რომელიც მათ უკავია კლუბში;
 - გ) ლიცენზიის მაძიებელი კლუბის ძირითადი საკონტაქტო ინფორმაცია, რომელიც მოითხოვება ზემოთ მე-2 პუნქტში (მინ., ტელეფონი, ელ-ფოსტა). ცალკე უნდა იყოს აღნიშნული გულშემატკივართან მეკავშირე ოფიცრის საკონტაქტო რეკვიზიტები (ელ-ფოსტა და ტელეფონი).

ვებ-გვერდზე განთავსებული ინფორმაცია უნდა შეესაბამებოდეს ლიცენზირების პროცესში წარმოდგენილ ინფორმაციას.

მუხლი 28 - დირექტორი – უფლებამოსილი პირი

1. ლიცენზიის მაძიებელს უნდა ჰყავდეს დანიშნული დირექტორი, რომელიც, ლიცენზიის მაძიებლის სადამფუძნებლო დოკუმენტაციის თანახმად, არის ხელმძღვანელობასა და წარმომადგენლობაზე უფლებამოსილი პირი, უშუალოდ და სრულადაა პასუხისმგებელი ყოველდღიური საქმიანობის წარმართვაზე, ასევე კლუბების ლიცენზირებასთან დაკავშირებულ საკითხებზე. იგი უნდა ესწრებოდეს კლუბების ლიცენზირების შესაბამის ღონისძიებებს.
2. იგი უნდა იყოს რეგისტრირებული სფშ-ში.

მუხლი 29 - ფინანსისტი

1. ლიცენზიის მაძიებელს უნდა ჰყავდეს დანიშნული კვალიფიციური ფინანსისტი, რომელიც პასუხისმგებელი იქნება მის ფინანსურ საკითხებზე.
2. ფინანსისტი უნდა ფლობდეს, მინიმუმ, ერთ-ერთ შემდეგ კვალიფიკაციას:
 - ა) პროფესიონალი ბუღალტრის ან პროფესიონალი მთავარი ბუღალტრის სერტიფიკატი;
 - ბ) კვალიფიციური აუდიტორის დამადასტურებელი დოკუმენტი;
 - გ) სფშ-ის მიერ გაცემული „კომპეტენტურობის აღიარება“, რაც ემყარება ფინანსურ საქმიანობაში, მინიმუმ, სამწლიან პრაქტიკულ გამოცდილებას.
3. იგი უნდა იყოს რეგისტრირებული სფშ-ში.

მუხლი 30 - მედია-ოფიცერი

1. ლიცენზიის მაძიებელს უნდა ჰყავდეს დანიშნული მედია-ოფიცერი, რომელიც პასუხისმგებელი იქნება მას-მედიასთან დაკავშირებულ საკითხებზე, ასევე საზოგადოებასთან ურთიერთობაზე, მათ შორის, ეროვნული პრ/ლიცენზიის მიზნებისთვის – საერთაშორისო დონეზე (მაგ., ურთიერთობა ფეხბურთის მმართველ ორგანიზაციებთან – ფიფა და უეფა), რისთვისაც იგი უნდა ფლობდეს უეფა-ს ერთ-ერთ ოფიციალურ ენას: ინგლისურს, ფრანგულს ან გერმანულს.
2. მედია-ოფიცერს უნდა გააჩნდეს ერთ-ერთი ქვემოთ ჩამოთვლილი კვალიფიკაცია:
 - ა) ჟურნალისტის დიპლომი;

ბ) სფფ-ის მიერ გაცემული „კომპეტენტურობის აღიარება“, რომელიც ემყარება, მინიმუმ, ერთნაირ პრაქტიკულ გამოცდილებას მსგავს საქმიანობაში.

3. მედია-ოფიცერი უნდა იყოს რეგისტრირებული სფფ-ში.

მუხლი 31 - ექიმი

1. ლიცენზიის მაძიებელს უნდა ჰყავდეს დანიშნული მინიმუმ ერთი კვალიფიციური ექიმი, რომელიც პასუხისმგებელია მატჩებისა და ვარჯიშების დროს სამედიცინო მხარდაჭერაზე, ასევე დოპინგის პრევენციაზე. იგი არ უნდა ითავსებდეს სხვა სალიცენზიო თანამდებობას.

2. ექიმი უნდა იყოს სერტიფიცირებული ჯანდაცვის ეროვნული სამინისტროს მიერ.

3. იგი უნდა იყოს რეგისტრირებული სფფ-ში.

მუხლი 32 - ფიზიოთერაპევტი

1. ლიცენზიის მაძიებელს უნდა ჰყავდეს დანიშნული მინიმუმ ერთი კვალიფიციური ფიზიოთერაპევტი, რომელიც პასუხისმგებელია ძირითადი გუნდის მატჩებისა და ვარჯიშების დროს მკურნალობასა და მასაჟზე.

2. ფიზიოთერაპევტს უნდა გააჩნდეს ჯანდაცვის ეროვნული სამინისტროსა და/ან განათლების სამინისტროს მიერ აღიარებული კვალიფიკაცია.

3. იგი უნდა იყოს რეგისტრირებული სფფ-ში.

მუხლი 33 - უსაფრთხოების ოფიცერი

4. ლიცენზიის მაძიებელს უნდა ჰყავდეს დანიშნული კვალიფიციური უსაფრთხოების ოფიცერი, რომელიც პასუხისმგებელი იქნება უსაფრთხოებისა და წესრიგის დაცვის საკითხებზე.

1. უსაფრთხოების ოფიცერი უნდა ფლობდეს, მინიმუმ, ერთ-ერთ შემდეგ კვალიფიკაციას:

ა) საქართველოს კანონმდებლობის მიხედვით გაცემული მოქმედი ან ყოფილი პოლიციელის ან სამართალდამცავი ორგანოების თანამშრომლის მონმობა;

ბ) სტადიონზე უსაფრთხოების უზრუნველყოფის საკითხებში, მინიმუმ, ერთნაირი გამოცდილების საფუძველზე სფფ-ის მიერ გაცემული „კომპეტენტურობის აღიარება“.

2. იგი უნდა იყოს რეგისტრირებული სფფ-ში.

მუხლი 34 - მატჩების მენეჯერი

1. ლიცენზიის მაძიებელს დანიშნული უნდა ჰყავდეს მატჩების მენეჯერი, რომელიც პასუხისმგებელი იქნება მატჩის ორგანიზებაზე.
2. მატჩების მენეჯერს გავლილი უნდა ჰქონდეს სფფ-ის მიერ ორგანიზებული ან სფფ-ის მიერ აღიარებული კურსი/სემინარები მატჩების მენეჯერებისთვის (თუკი ჩატარდება).
3. იგი უნდა იყოს რეგისტრირებული სფფ-ში.

მუხლი 35 - გულშემატკივრებთან მეკავშირე ოფიცერი

1. ლიცენზიის მაძიებელს უნდა ჰყავდეს დანიშნული გულშემატკივრებთან კავშირზე პასუხისმგებელი პირი – გულშემატკივართან მეკავშირე ოფიცერი (გმო).
2. გმო რეგულარულად უნდა ხვდებოდეს და თანამშრომლობდეს შესაბამისი კლუბის პერსონალთან, ნებისმიერ შესაფერის საკითხთან დაკავშირებით. გმო რეალურად უნდა ფუნქციონირებდეს და ასრულებდეს სფფ-ის მიერ დადგენილ ფუნქცია-მოვალეობებს, რაც უნდა აისახოს მის თანამდებობრივ ინსტრუქციაში.
3. ამას გარდა, ლიცენზიის მაძიებელი ვალდებულია უზრუნველყოს გმო-ს უფლებები, რომელსაც განსაზღვრავს სფფ.
4. იგი უნდა იყოს რეგისტრირებული სფფ-ში.
5. ლიცენზიის მაძიებელმა უნდა დაადასტუროს, მინიმუმ, 50 გულშემატკივრის რეგისტრაცია.

მუხლი 35¹ – შეზღუდული ქმედუნარიანობის მქონე პირებთან მეკავშირე ოფიცერი

1. ლიცენზიის მაძიებელს უნდა ჰყავდეს დანიშნული შეზღუდული ქმედუნარიანობის მქონე პირებთან მეკავშირე ოფიცერი (შმო), რათა ხელი შეუწყონ ჩართულობისა და წვდომის შესაძლებლობისკენ მიმართულ მომსახურებებსა და ობიექტებს.
2. შმო რეგულარულად უნდა ხვდებოდეს და თანამშრომლობდეს შესაბამისი კლუბის პერსონალთან, ნებისმიერ შესაფერის საკითხთან დაკავშირებით.
3. იგი უნდა იყოს რეგისტრირებული სფფ-ში.

მუხლი 36 - ძირითადი გუნდის მთავარი მწვრთნელი

1. ლიცენზიის მაძიებელს უნდა ჰყავდეს დანიშნული კვალიფიციური მთავარი მწვრთნელი, რომელიც პასუხისმგებელი იქნება ძირითადი გუნდის საფეხბურთო საკითხებზე.
2. მთავარ მწვრთნელთან ხელშეკრულება უნდა გაფორმდეს, მინიმუმ, რეგისტრაციის სეზონის ბოლომდე.
3. მთავარ მწვრთნელს უნდა გააჩნდეს, მინიმუმ, ერთ-ერთი შემდეგი კვალიფიკაცია:
 - ა) მოქმედი უეფა-ს სამწვრთნელო ლიცენზია:
 - ა.1 ეროვნული პრემიერ-ლიგისთვის – UEFA-Pro;
 - ა.2 ეროვნული პ- და ბ- ლიგებისთვის – UEFA-A;ან
 - ბ) არა-უეფა-ს მოქმედი სამწვრთნელო ლიცენზია, რომელიც უეფა-ს მიერ აღიარებულია, მინიმუმ, ზემოთ ა) პუნქტში მითითებული ლიცენზიის ეკვივალენტურად.
4. იგი უნდა იყოს რეგისტრირებული სფფ-ში.

მუხლი 37 - ძირითადი გუნდის მთავარი მწვრთნელის თანაშემწე

1. ლიცენზიის მაძიებელს უნდა ჰყავდეს დანიშნული კვალიფიციური ძირითადი გუნდის მთავარი მწვრთნელის თანაშემწე, რომელიც ძირითადი გუნდის მთავარ მწვრთნელს დაეხმარება ყველა საფეხბურთო საკითხში.
2. ძირითადი გუნდის მთავარი მწვრთნელის თანაშემწეს უნდა გააჩნდეს ერთ-ერთი შემდეგი მინიმალური კვალიფიკაცია:
 - ა) მოქმედი უეფა-ს სამწვრთნელო ლიცენზია:
 - ა.1 ეროვნული პრემიერ-ლიგისთვის – UEFA-A;
 - ა.2 ეროვნული პ- და ბ- ლიგებისთვის – UEFA-B;ან
 - ბ) არა-უეფა-ს მოქმედი სამწვრთნელო ლიცენზია, რომელიც უეფა-ს მიერ აღიარებულია, მინიმუმ, ზემოთ ა) პუნქტში მითითებული ლიცენზიის ეკვივალენტურად.
3. იგი უნდა იყოს რეგისტრირებული სფფ-ში.

მუხლი 38 - ახალგაზრდული ფეხბურთის განვითარების პროგრამის ხელმძღვანელი

1. ლიცენზიის მაძიებელს უნდა ჰყავდეს დანიშნული ახალგაზრდული ფეხბურთის განვითარების პროგრამის კვალიფიციური ხელმძღვანელი, რომელიც პასუხისმგებელი იქნება ახალგაზრდული ფეხბურთის სექტორის ყოველდღიური საქმიანობის მართვასა და ტექნიკურ ასპექტებზე.
2. ახალგაზრდული ფეხბურთის განვითარების პროგრამის ხელმძღვანელს უნდა გააჩნდეს ერთ-ერთი შემდეგი მინიმალური კვალიფიკაცია:
 - ა) მოქმედი უეფა-ს სამწვრთნელო ლიცენზია:
 - ა.1 ეროვნული პრემიერ- და ბ- ლიცენზიებისთვის – UEFA-A;
 - ა.2 ეროვნული ბ-ლიცენზიისთვის – UEFA-B;ან
 - ბ) არა-უეფა-ს მოქმედი სამწვრთნელო ლიცენზია, რომელიც უეფა-ს მიერ აღიარებულია, მინიმუმ, ზემოთ ა) პუნქტში მითითებული ლიცენზიის ეკვივალენტურად; ან
 - გ) უეფა-ს მოქმედი ელიტარული ახალგაზრდული A ლიცენზია, რომელიც გაცემულია სფფ-ის ან უეფა-ს სხვა წევრი ასოციაციის მიერ და აღიარებულია უეფა-ს მიერ.
3. იგი უნდა იყოს რეგისტრირებული სფფ-ში.

მუხლი 39 - ახალგაზრდული გუნდების მწვრთნელები

1. თითოეულ სავალდებულო ახალგაზრდულ გუნდში (იხ. [მუხ. 17](#)) ლიცენზიის მაძიებელს უნდა ჰყავდეს დანიშნული მინიმუმ ერთი კვალიფიციური მწვრთნელი, რომელიც პასუხისმგებელი იქნება შესაბამისი ახალგაზრდული გუნდის ყველა საფეხბურთო საკითხზე.
2. ახალგაზრდული გუნდების მწვრთნელები:
 - ა) უნდა ფლობდნენ შემდეგ მინიმალურ სამწვრთნელო კვალიფიკაციას:
 - ა.1 ეროვნული პრემიერ-ლიცენზიისთვის:
 - 15-21 წლის ფეხბურთელებით დაკომპლექტებულ ახალგაზრდულ გუნდებში – მოქმედი UEFA-A სამწვრთნელო ლიცენზია;

- 10-14 წლის და 10-წლამდე ფეხბურთელებით დაკომპლექტებულ ახალგაზრდულ გუნდებში – მოქმედი UEFA-B სამწვრთნელო ლიცენზია.

ა.2 ეროვნული ა- და ბ- ლიცენზიებისთვის:

- 12-დან და 21-წლამდე ფეხბურთელებით დაკომპლექტებულ ახალგაზრდულ გუნდებში – მოქმედი UEFA-B სამწვრთნელო ლიცენზია.

ან

ბ) ფლობდნენ არა-შეშვას-ს მოქმედ სამწვრთნელო ლიცენზიას, რომელიც შეშვას-ს მიერ აღიარებულია, მინიმუმ, ზემოთ ა) პუნქტში მითითებული ლიცენზიის ეკვივალენტურად; ან

გ) ფლობდნენ შეშვას-ს მოქმედ ელიტარულ ახალგაზრდულ A ლიცენზიას, რომელიც გაცემულია სფშ-ის ან შეშვას-ს სხვა წევრი ასოციაციის მიერ და აღიარებულია შეშვას-ს მიერ.

3. ისინი უნდა იყვნენ რეგისტრირებული სფშ-ში.

მუხლი 40 - დამატებითი ტექნიკური პერსონალი

1. ლიცენზიის მაძიებელს უნდა ჰყავდეს დანიშნული სათანადო განათლების მქონე შემდეგი ტექნიკური პერსონალი:

ა) მეკარეების მწვრთნელი, რომელიც ძირითადი გუნდის მთავარ მწვრთნელს დაეხმარება მეკარეთა წვრთნაში.

ბ) ფიზ-მომზადების მწვრთნელი, რომელიც ძირითადი გუნდის მთავარ მწვრთნელს დაეხმარება ფეხბურთელთა ფიზიკურ მომზადებაში.

2. დამატებითი ტექნიკური პერსონალი განიხილება მთავარი მწვრთნელის დამხმარედ სპეციფიკურ საკითხებში და, შესაბამისად, მათ უნდა გააჩნდეთ იგივე მინიმალური კვალიფიკაცია, რაც მოეთხოვება მთავარი მწვრთნელის თანაშემწეს ([მუხ. 37](#)).

3. ისინი უნდა იყვნენ რეგისტრირებული სფშ-ში.

მუხლი 41 - ზოგადი მოთხოვნები 36-40 მუხლებთან დაკავშირებით

1. 36-40 მუხლებთან დაკავშირებით, მოთხოვნილი შეშვას-ს სამწვრთნელო ლიცენზიის მფლობელად ითვლება მწვრთნელი, რომელსაც, შეშვას-ს მწვრთნელთა კონვენციის მოთხოვნების განხორციელების შესაბამისად:

ა) შეშვას-ს წევრი ეროვნული ასოციაციის მიერ მიეცა შეშვას-ს სამწვრთნელო ლიცენზია და მოქმედია სალიცენზიო გადაწყვეტილების მიღების თარიღისთვის; ან

- ბ) მინიმუმ, დაწყებული აქვს მოთხოვნილ უმჯობეს-ს სამწვრთნელო ლიცენზიის მისაღებად კურსებზე სწავლა. ასეთ კურსზე უბრალოდ რეგისტრაცია არაა საკმარისი კრიტერიუმის დასაკმაყოფილებლად.
2. უმჯობეს-ს მწვრთნელთა კონვენციაში სფფ-ის წევრობის სტატუსის ცვლილების შესაბამისად, მოთხოვნები 36-40 მუხლებით განსაზღვრული მწვრთნელების კვალიფიკაციებთან დაკავშირებით მყისიერად შეიცვლება და ამოქმედდება ახალი მოთხოვნები, უმჯობეს-ს კლუბების ლიცენზირების დებულებების (2015წ. გამოცემა) მუხ. 40.2 შესაბამისად.

მუხლი 42 - უფლებები და მოვალეობები

1. [27-40](#) მუხლებში განსაზღვრული პერსონალის უფლებები და მოვალეობები უნდა იყოს განსაზღვრული წერილობითი ფორმით ცალკე, ორმხრივად ხელმოწერილ თანამდებობრივ ინსტრუქციაში, მიუხედავად იმისა, არის თუ არა ეს განსაზღვრული მათთან გაფორმებულ შრომით ხელშეკრულებებში.
2. ერთი პიროვნება არ შეიძლება ითავსებდეს ორზე მეტ თანამდებობას, ხოლო მთავარ მწვრთნელს ეკრძალება სხვა თანამდებობის შეთავსება. ასევე ადმინისტრაციულ თანამდებობებზე დაუშვებელია სპორტულ-ტექნიკური პერსონალის დანიშვნა ან სხვა პრაქტიკულად შეუთავსებელი თანამდებობების დაკავება ერთი პირის მიერ, რაზედაც ლიცენზიარის გადანყვეტილება ითვლება კომპეტენტურად.
3. გულშემატკივართან მეკავშირე იმავდროულად შეიძლება იყოს კლუბის სამდივნოს თანამშრომელი, როგორც განსაზღვრულია [27-ე მუხლში](#), ან [30-ე მუხლით](#) განსაზღვრული მედია ოფიცერი, ან [35'-ე მუხლით](#) განსაზღვრული შმო. ამასთან, [35-ე და 35'-ე მუხლებით](#) განსაზღვრული თანამდებობების შეთავსება ერთი პირის მიერ არ შეეძის ზემოთ მე-2 პუნქტში აღნიშნული ლიმიტის დაანგარიშებაში.
4. [27-40](#) მუხლებში განსაზღვრულ ყველა სალიცენზიო კადრს უნდა ჰქონდეს მოწერილი ხელი სფფ-ის მიერ დადგენილ სპორტული სამართლიანობის დეკლარაციაზე.
5. [27-40](#) მუხლებში განსაზღვრულ თითოეულ პერსონალს უნდა გააჩნდეს პერსონალური მოქმედი ელ-ფოსტის მისამართი, რომელიც უნდა ეცნობოს ლიცენზიარს. პერსონალის მიერ კლუბის ან სხვა კადრის ელ-ფოსტის მისამართის გამოყენება ჩაითვლება ამ მოთხოვნის დარღვევად.

მუხლი 43 - სეზონის განმავლობაში შეცვლის ვალდებულება

1. თუ [27-40](#) მუხლებში განსაზღვრული თანამდებობა სეზონის განმავლობაში ვაკანტური გახდება, ლიცენზიის მადიებელმა უნდა უზრუნველყოს, რომ მაქსიმუმ 60 დღის განმავლობაში ასეთი თანამდებობა დაიკავოს პიროვნებამ, რომელსაც გააჩნია მოთხოვნილი კვალიფიკაცია.
2. თუ თანამდებობა ვაკანტური გახდება ავადმყოფობის ან უბედური შემთხვევის (მაგ., ავტოავარია ან სხვ.) გამო, სფფ-ს შეუძლია გაახანგრძლივოს 60-დღიანი პერიოდი, თუ არსებობს საფუძლიანი დადასტურება, რომ აღნიშნული პიროვნება კვლავ ავადა და არ შესწევს უნარი, შეასრულოს საკუთარი ფუნქციამოვალეობები.
3. თუ [27-40](#) მუხლებში განსაზღვრული თანამდებობა სეზონის განმავლობაში ვაკანტური გახდება ხელმეორედ და ლიცენზიარი ჩათვლის, რომ კლუბი ამას აკეთებს დროის მოგების მიზნით, ლიცენზიარს უფლება აქვს, შეზღუდოს 60-დღიანი პერიოდი და კლუბს დაუნესოს განსხვავებული ვადები, საკუთარი შეხედულებისამებრ.
4. ზემოაღნიშნული საშელავათო პერიოდები იზღუდება ლიცენზირების გრაფიკით დადგენილი შესაბამისი სალიცენზიო დოკუმენტაციის წარდგენის თარიღით.
5. [27-40](#) მუხლებში განსაზღვრულ თანამდებობებზე დანიშნული თანამშრომლების გათავისუფლების და/ან შეცვლის შესახებ სფფ-ს უნდა ეცნობოს და წარედგინოს სრული საკადრო დოკუმენტაცია, გათავისუფლებიდან/ცვლილებიდან 7 სამუშაო დღის განმავლობაში.

სამართლებრივი კრიტიკიუმიები

მუხლი 44 - იურიდიული დეკლარაციები

1. ლიცენზიის მადიებელმა უნდა წარმოადგინოს იურიდიული ძალის მქონე დეკლარაცია, რომელიც ადასტურებს, რომ:
 - ა) იღებს ვალდებულებას, ყოველთვის დაიცავს ფიფა-ს, უიფა-ს და სფფ-ის წესდებები, დებულებები და გადაწყვეტილებები, აგრეთვე, აღიარებს ლოზანაში არსებული სპორტის საარბიტრაჟო სასამართლოს (CAS) იურისდიქციას, როგორც ეს უიფა-ს წესდების შესაბამის მუხლებშია განსაზღვრული, ასევე სფფ-ის წესდებით განსაზღვრული დავების განმხილველი უმაღლესი ორგანოს იურისდიქციას;

- ბ) ეროვნულ დონეზე მონაწილეობას მიიღებს სფფ-ის მიერ აღიარებულ და დამტკიცებულ შეჯიბრებებში;
 - გ) დაუყოვნებლივ აცნობებს სფფ-ს ყველა მნიშვნელოვანი ცვლილების ან მოვლენის, ასევე დიდი ეკონომიკური მნიშვნელობის გარემოების შესახებ;
 - დ) იღებს ვალდებულებას, დაიცვას სფფ-ის კლუბების ეროვნული ლიცენზირების დებულებები;
 - ე) მისი ანგარიშგების პერიმეტრი განსაზღვრულია [47-ე მუხლის](#) შესაბამისად;
 - ვ) იქნება პასუხისმგებელი ანგარიშგების პერიმეტრში ჩართული ნებისმიერი სანარმოს ნებისმიერ შედეგზე, რომელიც არ დაიცავს ზემოთ დ) პუნქტით გათვალისწინებულ ვალდებულებებს;
 - ზ) ყველა წარმოდგენილი დოკუმენტი სრულყოფილია და უტყუარი;
 - თ) სფფ-ის კლუბების ლიცენზირების ადმინისტრაციას და გადანყვევტილების მიმღებ და სასამართლო ორგანოებს აძლევს ნებისმიერი დოკუმენტის შემოწმებისა და ნებისმიერი სახელმწიფო ან კერძო ორგანიზაციიდან ინფორმაციის მოძიების უფლებას, საქართველოს კანონმდებლობის შესაბამისად;
 - ლ) აცნობიერებს, რომ სფფ იტოვებს უფლებას, მოახდინოს შესაბამისობის შემოწმებები, წინამდებარე დებულებების [56-ე მუხლის](#) შესაბამისად.
2. ლიცენზიის მაძიებელმა უნდა წარმოადგინოს იურიდიული ძალის მქონე დეკლარაცია, რომელიც ადასტურებს, რომ მის ყველა თანამშრომელს (ფეხბურთელების ჩათვლით) აქვს ხელი მოწერილი სპორტული სამართლიანობის დეკლარაციაზე, როგორც ამას განსაზღვრავს სფფ.
 3. ზემოთ, 1 და 2 პუნქტებში აღნიშნული დეკლარაციები უნდა იყოს დამონმებული ლიცენზიის მაძიებლის უფლებამოსილი პირის ხელმოწერით, ლიცენზიარისთვის სამართლებრივი დოკუმენტაციის წარდგენის საბოლოო თარიღამდე ერთი თვის ვადაში.

მუხლი 45 - მინიმალური სამართლებრივი ინფორმაცია

1. ლიცენზიის მაძიებელმა უნდა წარმოადგინოს სამეწარმეო რეესტრში რეგისტრირებული მოქმედი წესდება, რომლის თანახმადაც, ლიცენზიის მაძიებლის ძირითად საქმიანობას უნდა წარმოადგენდეს ფეხბურთი და მისი განვითარება (მაგ., პროფესიული და/ან სა მოყვარულო ფეხბურთი, ახალგაზრდული ფეხბურთი, საფეხბურთო ინფრასტრუქტურა, სხვ.).

2. ლიცენზიის მაძიებელმა უნდა წარმოადგინოს სამართლებრივი დოკუმენტაციის წარდგენის საბოლოო თარიღამდე ერთი თვის ვადაში განახლებული ამონაწერი საჯარო რეესტრიდან ან სფფ-ის საკლუბო რეესტრიდან, რომელიც მოიცავს შემდეგ მინიმალურ ინფორმაციას:

- ა) სახელწოდება ქართულ და ინგლისურ ენებზე;
- ბ) სათავო ოფისის მისამართი;
- გ) ელ-ფოსტის მისამართი;
- დ) სამართლებრივი ფორმა;
- ე) ხელმოწერაზე უფლებამოსილი პირების სია;
- ვ) საჭირო ხელმოწერის ტიპი.

იმ შემთხვევაში თუ ზემოთ ა)-ვ) პუნქტებში მითითებული ინფორმაცია, საკანონმდებლო შეზღუდვის გამო, ვერ აისახება რეესტრის ამონაწერში, ნაკლული ინფორმაცია უნდა მიეთითოს ლიცენზიის მაძიებლის წესდებაში.

მუხლი 46 - ჯგუფის იურიდიული სტრუქტურა და საბოლოო მაკონტროლებელი მხარე

1. ლიცენზიის მაძიებელმა ლიცენზიარს უნდა წარუდგინოს ინფორმაცია ჯგუფის იურიდიული სტრუქტურის შესახებ, ოფიციალური საანგარიშგებო თარიღის მდგომარეობით, ლიცენზიარისთვის განაცხადის წარდგენისთვის დადგენილ საბოლოო ვადამდე. ჯგუფის სტრუქტურა წარმოდგენილი უნდა იყოს სქემის სახით და სათანადო წესით იყოს დამტკიცებული ხელმძღვანელობის მიერ. ლიცენზიარს უნდა მიენოდოს ინფორმაცია ნებისმიერი ცვლილების შესახებ, რომელიც განხორციელდა ჯგუფის იურიდიულ სტრუქტურაში ოფიციალურ საანგარიშგებო თარიღსა და ლიცენზიარისთვის ზემოაღნიშნული სქემის წარდგენის თარიღს შორის დროის მონაკვეთში.

2. ამ დოკუმენტში ნათლად და გარკვევით და ცალ-ცალკე უნდა იყოს წარმოდგენილი ინფორმაცია:

- ა) ლიცენზიის მაძიებლის და, თუ განსხვავებულია, სფფ-ის რეგისტრირებული წევრის შესახებაც;
- ბ) ლიცენზიის მაძიებლის და, თუ განსხვავებულია, სფფ-ის რეგისტრირებული წევრის ყველა შვილობილი კომპანიის შესახებაც;
- გ) ლიცენზიის მაძიებლის და, თუ განსხვავებულია, სფფ-ის რეგისტრირებული წევრის ყველა ასოცირებული სანარმოს შესახებაც;
- დ) ლიცენზიის მაძიებლის ყველა პირდაპირ ან არაპირდაპირ მაკონტროლებელი სანარმოს შესახებ, საბოლოო მაკონტროლებელ მხარემდე, ამ უკანასკნელის ჩათვლით;

ე) ნებისმიერი მხარის შესახებ, რომელიც პირდაპირ ან არაპირდაპირ ფლობს ლიცენზიის მაძიებლის წილის 10%-ს ან მეტს, ან სხვაგვარად გააჩნია მნიშვნელოვანი გავლენა ლიცენზიის მაძიებელზე.

ამ დოკუმენტში ასევე მკაფიოდ უნდა იყოს იდენტიფიცირებული ანგარიშგების პერიმეტრი, როგორც ეს განმარტებულია [47-ე მუხლში](#).

3. თუ ლიცენზიარი საჭიროდ მიიჩნევს, მას უფლება აქვს ლიცენზიის მაძიებელს/ლიცენზიატს მოსთხოვოს, ზემოთ ჩამოთვლილის გარდა, სხვა დამატებითი ინფორმაციის წარდგენა (მაგ., ინფორმაცია საბოლოო მაკონტროლებელი საწარმოს და/ან პირდაპირ მაკონტროლებელი საწარმოს ნებისმიერი შვილობილი და/ან ასოცირებული საწარმოების შესახებ).

4. ჯგუფის იურიდიულ სტრუქტურაში შემავალი ყველა საწარმოს შესახებ უნდა იყოს წარმოდგენილი შემდეგი ინფორმაცია:

- ა) იურიდიული პირის სახელწოდება ქართულ და ინგლისურ ენებზე;
- ბ) იურიდიული ფორმა;
- გ) სათავო ოფისის მისამართი;
- დ) ელ-ფოსტის მისამართი;
- ე) ხელმოწერაზე უფლებამოსილი პირების სია;
- ვ) ინფორმაცია იურიდიული პირის ძირითადი საქმიანობის შესახებ;
- ზ) წილობრივი მონაწილეობის პროცენტი (თუ განსხვავებულია, ხმის უფლებით მონაწილეობის პროცენტიც);

გარდა ამისა, ლიცენზიის მაძიებლის და, თუ განსხვავებულია, სფფ-ის რეგისტრირებული წევრების ყველა შვილობილი კომპანიის შესახებ უნდა იყოს წარმოდგენილი შემდეგი ინფორმაცია:

- თ) სააქციო (სანესდებო) კაპიტალი;
- ი) მთლიანი აქტივები;
- კ) მთლიანი ამონაგები;
- ლ) მთლიანი კაპიტალი.

მუხლი 47 - ანგარიშვალდებული საწარმო და ანგარიშგების პერიმეტრი

1. ლიცენზიის მაძიებელი განსაზღვრავს და ლიცენზიარს მიაწვდის ანგარიშგების პერიმეტრს (ფარგლებს), ანუ აცნობებს, რომელი საწარმოს ან საწარმოების შესახებ უნდა იყოს წარმოდგენილი ფინანსური ინფორმაცია (ერთი საწარმოს, კონსოლიდირებული თუ კომბინირებული ფინანსური ანგარიშგება) [VI.B დანართის](#) შესაბამისად, რომელიც უნდა შეფასდეს [VI დანართის](#) შესაბამისად.
2. ანგარიშგების პერიმეტრი უნდა მოიცავდეს:
 - ა) ლიცენზიის მაძიებელს და, თუ განსხვავებულია, სფფ-ის რეგისტრირებულ წევრსაც;
 - ბ) ლიცენზიის მაძიებლის და, თუ განსხვავებულია, სფფ-ის რეგისტრირებულ წევრების ყველა შვილობილ საწარმოსაც;
 - გ) ჯგუფის იურიდიულ სტრუქტურაში შემავალ ნებისმიერ სხვა საწარმოს, რომელიც იღებს შემოსავალს და/ან ახორციელებს მომსახურებას და/ან ეწევა დანახარჯებს საფეხბურთო საქმიანობებთან დაკავშირებით, რომლებიც განსაზღვრულია ქვემოთ, მე-3 (გ) – (კ) ქვეპუნქტებში;
 - დ) ნებისმიერ საწარმოს, იმის მიუხედავად, არის თუ არა ის ჯგუფის იურიდიული სტრუქტურის შემადგენლობაში, რომელიც იღებს შემოსავალს და/ან ახორციელებს მომსახურებას და/ან ეწევა დანახარჯებს საფეხბურთო საქმიანობებთან დაკავშირებით, რომლებიც განსაზღვრულია ქვემოთ, მე-3 (ა) და (ბ) ქვეპუნქტებში.
3. საფეხბურთო საქმიანობა მოიცავს:
 - ა) პერსონალის (როგორც ეს ტერმინი განსაზღვრულია [50-ე მუხლში](#)) დაქირავებას შტატში/ხელშეკრულებით, მათ შორის გაფორმებული ხელშეკრულებებიდან ან იურიდიული ვალდებულებებიდან თანამშრომლებზე წარმოშობილი ნებისმიერი ფორმის ანაზღაურების გადახდას;
 - ბ) ფეხბურთელების რეგისტრაციების შექმნას/გაყიდვას (იჯარის ჩათვლით);
 - გ) ბილეთების გავრცელებას;
 - დ) სპონსორობასა და რეკლამას;
 - ე) ტრანსლაციას;
 - ვ) საქონლით ვაჭრობასა და გამასპინძლებას;
 - ზ) კლუბის ოპერაციებს (მაგ., ადმინისტრაცია, მატჩის ჩატარებასთან დაკავშირებული საქმიანობა, მგზავრობა, სკაუტინგი და სხვ.);

- თ) დაფინანსებას (მათ შორის, დაფინანსებას, რომელიც უზრუნველყოფილია ლიცენზიის მაძიებლის აქტივებით ან რომლის გარანტიად გამოყენებულია ლიცენზიის მაძიებლის აქტივები);
 - ი) სტადიონის და სანვრთნელი ინფრასტრუქტურის გამოყენებასა და მართვას;
 - კ) ახალგაზრდულ სექტორს.
- 4. საწარმო ანგარიშგების პერიმეტრიდან შეიძლება გამოირიცხოს მხოლოდ იმ შემთხვევაში, თუ:
 - ა) მისი საქმიანობა საერთოდ არ არის დაკავშირებული საფეხბურთო საქმიანობებთან, რომლებიც განსაზღვრულია ზემოთ მე-3 პუნქტში, და/ან ფეხბურთის კლუბის მდებარეობებთან, აქტივებთან ან ბრენდთან; ან
 - ბ) იგი არ არის არსებითი ანგარიშგების პერიმეტრში შემავალ ყველა საწარმოსთან შედარებით და არ ახორციელებს არც ერთ ისეთ საფეხბურთო საქმიანობას, რომლებიც განსაზღვრულია ზემოთ მე-3 (ა) და (ბ) ქვეპუნქტებში; ან
 - გ) საფეხბურთო საქმიანობა, რომელსაც ის ახორციელებს, უკვე მთლიანად ასახულია ანგარიშგების პერიმეტრში შემავალი რომელიმე საწარმოს ფინანსურ ანგარიშგებაში.
- 5. ლიცენზიის მაძიებელმა უნდა წარმოადგინოს სათანადო ხელმოწერით დამონებული განცხადება/დოკუმენტი, სადაც დადასტურებული იქნება, რომ:
 - ა) მე-3 პუნქტში მითითებულ თითოეულ საფეხბურთო საქმიანობასთან დაკავშირებული ყველანაირი ამონაგები და დანახარჯები გათვალისწინებულია ანგარიშგების პერიმეტრში და თუ ასე არ არის, წარმოადგინოს დეტალური განმარტებები, რამ განაპირობა ეს; და
 - ბ) ანგარიშგების პერიმეტრიდან გამორიცხულია თუ არა ჯგუფის იურიდიულ სტრუქტურაში შემავალი რომელიმე საწარმო და თუ ასეა, წარმოადგინოს ამგვარი გადაწყვეტილების არგუმენტაცია/დასაბუთება მე-4 პუნქტის მოთხოვნების გათვალისწინებით.

მუხლი 48 - ფინანსური ანგარიშგება

1. ლიცენზიის მაძიებელმა უნდა წარადგინოს სალიცენზიო სეზონის წინა წლის 31 აგვისტოს მდგომარეობით მომზადებული 8-თვიანი ფინანსური ანგარიშგება (ქვემოთ „ფინანსური ანგარიშგება“).
2. ფინანსური ანგარიშგებაზე დამოუკიდებელი აუდიტორის მიერ უნდა მომზადდეს ფინანსური ანგარიშგების მიმოხილვა, როგორც ეს განსაზღვრულია [II დანართში](#).
3. ფინანსური ანგარიშგება უნდა მოიცავდეს:

- ა) საბალანსო უწყისს;
 - ბ) მოგება-ზარალის უწყისს;
 - გ) ფულადი სახსრების მოძრაობის უწყისს;
 - დ) შენიშვნებს, რომლებიც უნდა მოიცავდეს მნიშვნელოვანი სააღრიცხვო პოლიტიკის მოკლე მიმოხილვასა და სხვა ახსნა-განმარტებით შენიშვნებს; და
 - ე) ხელმძღვანელობის მიერ მომზადებულ ფინანსურ მიმოხილვას.
4. ფინანსური ანგარიშგება უნდა აკმაყოფილებდეს ფინანსურ ანგარიშგებაში ინფორმაციის ასახვის მინიმალურ მოთხოვნებს, როგორც მოცემულია [III დანართში](#) და ბუღალტრული აღრიცხვის პრინციპებს, როგორც მოცემულია [IV დანართში](#). ასევე უნდა იყოს წარმოდგენილი წინა საანგარიშგებო პერიოდის შესადარისი მონაცემები².
5. თუ ფინანსური ანგარიშგება არ აკმაყოფილებს ფინანსურ ანგარიშგებაში წარსადგენი ინფორმაციის მინიმალურ მოთხოვნებსა და აღრიცხვის პრინციპებს, როგორც განსაზღვრულია ზემოთ მე-4 პუნქტში, მაშინ, მინიმალური საინფორმაციო მოთხოვნების დასაკმაყოფილებლად, ლიცენზიის მაძიებელმა უნდა წარადგინოს დამატებითი ინფორმაცია, რომელიც უნდა შემოწმდეს დამოუკიდებელი აუდიტორის მიერ.

მუხლი 49 - ვადაგადაცილებული ვალდებულების არქონა ფეხბურთის კლუბების მიმართ

1. ლიცენზიის მაძიებელმა უნდა დაასაბუთოს, რომ სალიცენზიო სეზონის წინა წლის 15 ოქტომბრისთვის სხვა ფეხბურთის კლუბების მიმართ მას არ გააჩნია ვადაგადაცილებული ვალდებულება (როგორც ეს განსაზღვრულია [V დანართში](#)), გასულ 31 აგვისტომდე განხორციელებულ ოპერაციებთან დაკავშირებით.
2. ვალდებულებად ითვლება ის დავალიანება, რომელიც წარმოიქმნება სატრანსფერო საქმიანობიდან, რომელიც აგრეთვე მოიცავს ფეხბურთელთა წვრთნის კომპენსაციას და სოლიდარობის გადასახადს, როგორც ეს განსაზღვრულია ფიფა-ს „დებულებებში ფეხბურთელთა სტატუსისა და ტრანსფერის შესახებ“ და, ასევე, გარკვეული პირობების შესრულებისას გადასახდელ თანხებს.

² 2019წ. სეზონის ლიცენზირების მიზნებისთვის ლიბა 3-ის კლუბებს შესადარისი ფინანსური ინფორმაციის წარმოდგენა არ მოეთხოვებათ.

3. ლიცენზიის მაძიებელმა უნდა მოამზადოს და ლიცენზიარს წარუდგინოს ტრანსფერების ცხრილი. ეს ცხრილი უნდა მომზადდეს იმ შემთხვევაშიც კი, თუ შესაბამის პერიოდში არ მომხდარა ტრანსფერები/იჯარა.
4. ლიცენზიის მაძიებელმა უნდა წარმოადგინოს ინფორმაცია:
 - ა) ყველა ახალი ფეხბურთელის რეგისტრაციის შესახებ (იჯარის ჩათვლით), რომელსაც ადგილი ჰქონდა 31 აგვისტომდე წინა 8 თვის განმავლობაში, მიუხედავად იმისა, არსებობს თუ არა ვალდებულება 31 აგვისტოსთვის;
 - ბ) ყველა ტრანსფერის შესახებ, რომლის მიმართაც არსებობს გარკვეული დავალიანება 31 აგვისტოსთვის, იმის მიუხედავად, თუ როდის განხორციელდა ტრანსფერი – 31 აგვისტომდე წინა 8 თვის განმავლობაში, თუ უფრო ადრე; და
 - გ) ყველა ტრანსფერის შესახებ, რომელიც სადავოა და განხილული უნდა იქნეს ეროვნული კანონმდებლობით განსაზღვრული სათანადო უფლებამოსილი ორგანოს მიერ, ან ეროვნული თუ საერთაშორისო ფეხბურთის ორგანოების ან შესაბამისი საარბიტრაჟო სასამართლოს მიერ.
5. ტრანსფერების ცხრილი თითოეული ტრანსფერის/იჯარის შესახებ უნდა მოიცავდეს, მინიმუმ, შემდეგ ინფორმაციას:
 - ა) მონაცემები ფეხბურთელზე (იდენტიფიკაცია ვინაობით და/ან ნომრით);
 - ბ) ტრანსფერის (ან იჯარის) ხელშეკრულების გაფორმების თარიღი;
 - გ) იმ ფეხბურთის კლუბის დასახელება, რომელიც მანამდე ფლობდა რეგისტრაციას;
 - დ) ტრანსფერის (ან იჯარის) ღირებულება და/ან გადასახდელი თანხა (წვრთნის კომპენსაციისა და სოლიდარობის გადასახადის ჩათვლით), თუნდაც კრედიტორი არ მოითხოვდეს გადახდას;
 - ე) რეგისტრაციის შესაძენად გადახდილი და/ან გადასახდელი სხვა პირდაპირი დანახარჯები;
 - ვ) დაფარული/გადახდილი თანხა და დაფარვის თარიღი;
 - ზ) თითოეული ფეხბურთელის ტრანსფერთან დაკავშირებით გადასახდელი ვალდებულების ნაშთი 31 აგვისტოს მდგომარეობით, მათ შორის, თითოეული გადაუხდელი ნაწილისთვის იმ თარიღის ჩვენებით, რომლისთვისაც ეს ნაწილი გადახდილ უნდა იქნეს/ყოფილიყო.
 - თ) ნებისმიერი დავალიანება 15 ოქტომბრისთვის (რომელიც გადმოსულია 31 აგვისტოს მდგომარეობიდან), თითოეული გადაუხდელი ნაწილისთვის იმ თარიღის ჩვენებით, რომლისთვისაც ეს ნაწილი არის/იყო გადასახდელი და განმარტებითი კომენტარი; და

- ი) პირობითი თანხები (პირობითი ვალდებულებები), რომლებიც ჯერ არ არის აღიარებული საბალანსო უწყისში 31 აგვისტოს მდგომარეობით; და
- კ) ყველა სადავო თანხა.
6. ლიცენზიის მაძიებელმა ტრანსფერების ცხრილში მოცემული ვალდებულების მთლიანი თანხა უნდა შეაჯეროს ფინანსური ანგარიშგების საბალანსო უწყისში „ფეხბურთელის ტრანსფერებთან დაკავშირებული კრედიტორული დავალიანების“ მუხლში (ასეთის არსებობისას) ნაჩვენებ მონაცემთან ან შესაბამის სააღრიცხვო ჩანაწერებთან.
7. ტრანსფერების ცხრილი დამტკიცებული უნდა იყოს ხელმძღვანელობის მიერ, რაც დამონმებული უნდა იყოს მოკლე ტექსტით და ლიცენზიის მაძიებლის აღმასრულებელი ორგანოს ხელმოწერით.

მუხლი 50 - ვადაგადაცილებული ვალდებულების არქონა თანამშრომელთა მიმართ

1. ლიცენზიის მაძიებელმა უნდა დაასაბუთოს, რომ სალიცენზიო სეზონის წინა წლის 15 ოქტომბრისთვის მას არ გააჩნია ვადაგადაცილებული ვალდებულებები (როგორც ეს განსაზღვრულია [V დანართში](#)) თანამშრომლების მიმართ, რომელიც წარმოიშვა თანამშრომლებთან გაფორმებული ხელშეკრულებების ან იურიდიული ვალდებულებების საფუძველზე, გასულ 31 აგვისტომდე.
2. ვალდებულებად მიიჩნევა ნებისმიერი ფორმის ანაზღაურების დავალიანება, რომელსაც თანამშრომლებს უხდიან გაფორმებული ხელშეკრულებების ან იურიდიული ვალდებულებების შესაბამისად, მათ შორის, ხელფასები, სარგოები, იმიჯის გამოყენების უფლების საფასური, პრემიები და სხვა გასამრჯელო. ვალდებულებები იმ პირების მიმართ, რომლებიც სხვადასხვა მიზეზით უკვე აღარ არიან ლიცენზიის მაძიებლის თანამშრომლები, ექვემდებარება ამავე მუხლის მოთხოვნებს და უნდა იყოს დაფარული ხელშეკრულებაში მითითებულ და/ან კანონმდებლობით განსაზღვრულ ვადებში, ფინანსურ ანგარიშგებაში ამ დავალიანებების აღრიცხვის მეთოდის მიუხედავად.
3. ტერმინი „თანამშრომელი“ მოიცავს შემდეგ პირებს:
- ა) ყველა პროფესიონალ ფეხბურთელს, ფიფა-ს „ფეხბურთელთა სტატუსისა და ტრანსფერის დებულებების“ შესაბამისად, და
- ბ) იმ ადმინისტრაციულ, ტექნიკურ, სამედიცინო და დაცვის პერსონალს, რომლებიც განსაზღვრულია [27-40](#) მუხლებში.

4. ლიცენზიის მაძიებელმა უნდა მოამზადოს და ლიცენზიარს წარუდგინოს თანამშრომელთა უწყისი, რომელშიც ნაჩვენებია იქნება:
 - ა) ყველა თანამშრომელი, რომელიც მუშაობდა საანგარიშგებო პერიოდის განმავლობაში ნებისმიერ მომენტში, 31 აგვისტომდე, ანუ, არა მხოლოდ ისინი, ვინც მუშაობს პერიოდის ბოლოსთვის (31 აგვისტოსთვის);
 - ბ) ყველა თანამშრომელი, რომლის მიმართაც არსებობს დავალიანება 31 აგვისტოსთვის, იმის მიუხედავად, ეს თანამშრომელი მუშაობდა თუ არა საანგარიშგებო პერიოდში, 31 აგვისტომდე; და
 - გ) ყველა თანამშრომელი, რომლის მიმართაც საქმეა აღძრული ეროვნული კანონმდებლობით განსაზღვრულ სათანადო უფლებამოსილ ორგანოში, ან ფეხბურთის ეროვნულ ან საერთაშორისო ორგანოებში, ან სათანადო საარბიტრაჟო სასამართლოში.

5. თითოეულ თანამშრომელზე უნდა იყოს წარმოდგენილი, მინიმუმ, შემდეგი ინფორმაცია:
 - ა) თანამშრომლის სახელი და გვარი;
 - ბ) თანამშრომლის თანამდებობა/ფუნქცია;
 - გ) მუშაობის დანყების თარიღი;
 - დ) მუშაობის დასრულების თარიღი (თუკი ასეთს ადგილი ჰქონდა);
 - ე) 31 აგვისტოს მდგომარეობით გადასახდელი ვალდებულებების ნაშთი, თითოეული გადაუხდელი ვალდებულების ნაწილისთვის იმ თარიღის ჩვენებით, როდესაც იყო/არის გადასახდელი;
 - ვ) ნებისმიერი ვადაგადაცილებული დავალიანება 15 ოქტომბრის მდგომარეობით (არსებული 31 აგვისტოს მდგომარეობით), თითოეული გადაუხდელი ვალდებულების ნაწილისთვის იმ თარიღის ჩვენებით, როდესაც იყო/არის გადასახდელი და განმარტებითი კომენტარები; და
 - ზ) ყველა სადავო თანხა.

6. ლიცენზიის მაძიებელმა უწყისით განსაზღვრული ვალდებულების მთლიანი თანხა უნდა შეაჯეროს ფინანსური ანგარიშგების საბალანსო უწყისში „თანამშრომლების მიმართ კრედიტორული დავალიანების“ მუხლში ნაჩვენებ მონაცემთან ან შესაბამის საალრიცხვო ჩანაწერებთან.

7. თანამშრომელთა უწყისი დამტკიცებული უნდა იყოს ხელმძღვანელობის მიერ, რაც დამოწმებული უნდა იყოს მოკლე ტექსტით და ლიცენზიის მაძიებლის აღმასრულებელი ორგანოს ხელმოწერით.

მუხლი 50¹ — ვადაგადაცილებული ვალდებულების არქონა საგადასახადო ორგანოების მიმართ

1. ლიცენზიის მაძიებელმა უნდა დაასაბუთოს, რომ სალიცენზიო სეზონის წინა წლის 15 ოქტომბრისთვის მას არ გააჩნია ვადაგადაცილებული ვალდებულებები (როგორც ეს განსაზღვრულია V-დანართში) საგადასახადო ორგანოების მიმართ, რომელიც წარმოიშვა თანამშრომლებთან გაფორმებული ხელშეკრულებების ან იურიდიული ვალდებულებების საფუძველზე, გასულ 31 აგვისტომდე.
2. ლიცენზიის მაძიებელმა ლიცენზიარს და აუდიტორს უნდა წარუდგინოს საგადასახადო ცხრილი, რომელშიც ნაჩვენებია იქნება:
 - ა) სალიცენზიო სეზონის წინა წლის 31 აგვისტოს მდგომარეობით არსებული დავალიანების თანხა საგადასახადო ორგანოების მიმართ (თუ არსებობს);
 - ბ) ყველა სადავო თანხა.
3. საგადასახადო ორგანოების მიმართ გადასახდელ თითოეულ დავალიანებასთან (გადასახადთან) დაკავშირებით წარმოდგენილი უნდა იყოს, მინიმუმ, შემდეგი ინფორმაცია და შესაბამისი განმარტებები:
 - ა) კრედიტორის დასახელება;
 - ბ) 31 აგვისტოს მდგომარეობით გადასახდელი თანხა, თითოეული გადაუხდელი ვალდებულების ნაწილისთვის იმ თარიღის ჩვენებით, როდესაც იყო/არის გადასახდელი;
 - გ) 15 ოქტომბრის მდგომარეობით არსებული დავალიანების თანხა (არსებული 31 აგვისტოს მდგომარეობით), თითოეული გადაუხდელი ვალდებულების ნაწილისთვის იმ თარიღის ჩვენებით, როდესაც იყო/არის გადასახდელი, ასევე განმარტებითი კომენტარები და დამადასტურებელი დოკუმენტაცია; და
 - დ) ყველა სადავო თანხა.
4. ლიცენზიის მაძიებელმა საგადასახადო ცხრილით განსაზღვრული ვალდებულების მთლიანი თანხა უნდა შეაჯეროს ფინანსური ანგარიშგების საბალანსო უწყისში „საგადასახადო ორგანოების მიმართ კრედიტორული დავალიანების“ მუხლში ნაჩვენებ მონაცემთან ან შესაბამის საალრიცხვო ჩანაწერთან.
5. საგადასახადო ცხრილი უნდა მოამზადოს საწარმოს ხელმძღვანელობამ და დამტკიცოს სათანადოდ.

მუხლი 51 - წერილობითი რწმუნებულებანი სალიცენზიო გადაწყვეტილების მიღებამდე

1. კლუბების ლიცენზირების კომიტეტის მიერ ლიცენზიის გაცემის შესახებ გადაწყვეტილების მიღების პერიოდის დაწყებამდე შვიდი დღის განმავლობაში ლიცენზიის მაძიებელმა ლიცენზიარს უნდა წარუდგინოს წერილობითი რწმუნებულებანი.
2. ლიცენზიის მაძიებელმა უნდა დაადასტუროს შემდეგი:
 - ა) ლიცენზიარსთვის წარდგენილი ყველა დოკუმენტი სრულია და სწორი;
 - ბ) ლიცენზირების რომელიმე კრიტერიუმთან დაკავშირებით ჰქონდა თუ არა ადგილი მნიშვნელოვან ცვლილებას(ებს);
 - გ) ჰქონდა თუ არა ადგილი გასული პერიოდის აუდიტორის მიერ მიმოხილული ფინანსური ანგარიშგების შედგენის თარიღის შემდეგ რაიმე ისეთ დიდი ეკონომიკური მნიშვნელობის მოვლენებს ან პირობებს, რომლებმაც, შესაძლოა, უარყოფითი გავლენა იქონიოს ლიცენზიის მაძიებლის ფინანსურ მდგომარეობაზე. ასეთ მოვლენებს/პირობებს განეკუთვნება, მაგალითად:
 - ფიქსირებულვადიანი სესხი, რომლის დაფარვის ვადა იწურება მისი გადავადების ან გადახდის ყოველგვარი რეალური პერსპექტივის გარეშე;
 - დამფინანსებლების ან სხვა კრედიტორების მხრიდან ფინანსური მხარდაჭერის შეწყვეტის ინდიკატორები;
 - მნიშვნელოვანი საოპერაციო ზარალი უკანასკნელად წარდგენილი ფინანსური ანგარიშგების შემდეგ;
 - კრედიტორებისთვის ვალის დროულად დაბრუნების უუნარობა;
 - დამფინანსებლებთან დადებული სასესხო ხელშეკრულებების პირობების შესრულების უუნარობა;
 - არსებითი თაღლითობის ან შეცდომების გამოვლენა და დადასტურება, რაც იმის მაჩვენებელია, რომ ფინანსური ანგარიშგება არ არის სწორი;
 - ლიცენზიის მაძიებლის მიმართ აღძრული დაუმთავრებელი სასამართლო პროცესი, რომელიც ისეთი საკომპენსაციო მოთხოვნებს გამოიწვევს, რომელსაც იგი სავარაუდოდ ვერ შეასრულებს;

- სასამართლოს ან გაკოტრების პროცედურებთან დაკავშირებით, ლიცენზიის მაძიებლის აღმასრულებელი პასუხისმგებლობა ხელმძღვანელობის ნაცვლად დაკისრებული აქვს გარედან დანიშნულ პიროვნებას (პიროვნებებს);
- უმაღლეს ხელმძღვანელობაში განხორციელებული მნიშვნელოვანი ცვლილებები;
- ხელმძღვანელობა განსაზღვრავს, რომ ის აპირებს სანარმოს ლიკვიდაციას, ფუნქციონირების შეწყვეტას ან ცდილობს კრედიტორებისაგან თავის დაცვას კანონმდებლობის შესაბამისად, ან მას არა აქვს ამის გარდა სხვა რეალური ალტერნატივა.

- სხვ.

თუ მოხდა დიდი ეკონომიკური მნიშვნელობის რაიმე მოვლენა ან პირობა, ხელმძღვანელობის რწმუნებულების წერილში მოცემული უნდა იყოს ამ მოვლენ(ებ)ის ან პირობ(ებ)ის დახასიათება და მათი ფინანსური გავლენის შეფასება, ან აღნიშნული უნდა იყოს, რომ ამგვარი შეფასების გამოთვლა შეუძლებელია.

დ) ლიცენზიის მაძიებელი ან მისი რომელიმე სათავო კომპანია, რომელიც შედის ანგარიშგების პერიმეტრში, ხომ არ ცდილობს მიიღოს ან უკვე ხომ არ მიიღო დაცვა კრედიტორებისაგან, კანონმდებლობის შესაბამისი პროცედურების დაცვით, სალიცენზიო სეზონამდე 12 თვის განმავლობაში.

3. ხელმძღვანელობის მხრიდან ზემოაღნიშნული რწმუნებულებების წერილის დამტკიცება დამონშებული უნდა იყოს ლიცენზიის მაძიებლის აღმასრულებელი ორგანოს ხელმოწერით.

მუხლი 52 - პერსპექტიული ფინანსური ინფორმაცია

1. ლიცენზიის მაძიებელმა უნდა მოამზადოს და წარადგინოს პერსპექტიული ფინანსური ინფორმაცია, რათა ლიცენზიარს დაუდასტუროს, რომ შესწევს უნარი, გააგრძელოს საქმიანობა როგორც ფუნქციონირებადმა სანარმომ, სალიცენზიო სეზონის დასასრულამდე.

2. პერსპექტიული ფინანსური ინფორმაცია უნდა მოიცავდეს იმ პერიოდს, რომელიც იწყება უშუალოდ საანგარიშგებო თარიღის (სალიცენზიო სეზონის წინა წლის 31 აგვისტო) შემდეგ და გრძელდება, მინიმუმ, სალიცენზიო სეზონის ბოლომდე (31 დეკემბერი).

3. პერსპექტიული ფინანსური ინფორმაცია უნდა შეიცავდეს:

- ა) პერსპექტიული მოგებისა და ზარალის უწყისს, უშუალოდ წინა ფინანსური პერიოდის შესადარის მონაცემებთან ერთად;
 - ბ) პერსპექტიული ფულადი ნაკადების მოძრაობის უწყისს, უშუალოდ წინა ფინანსური პერიოდის შესადარის მონაცემებთან ერთად; და
 - გ) ახსნა-განმარტებით შენიშვნებს, რომელიც შეიცავს პერსპექტიული მოგებისა და ზარალის უწყისისა და ფულადი ნაკადების მოძრაობის უწყისის მოსამზადებლად გამოყენებული თითოეული მნიშვნელოვანი დაშვების მოკლე აღწერას (შესაბამისი გასული პერიოდის ფინანსური და სხვა ინფორმაციის სათანადო ასპექტების მითითებით), ასევე ისეთი ძირითადი რისკების მოკლე დახასიათებას, რომელთაც შესაძლოა გავლენა იქონიონ სამომავლო ფინანსურ შედეგებზე.
4. პერსპექტიული ფინანსური ინფორმაცია უნდა მომზადდეს, მინიმუმ, ყოველკვარტალურად.
 5. პერსპექტიული ფინანსური ინფორმაცია უნდა მომზადდეს ფინანსურ ანგარიშგებასთან შესაბამისობაში და იმავე სააღრიცხვო პოლიტიკის გამოყენებით, რაც გამოყენებულ იქნა ფინანსური ანგარიშგების მომზადებისას, გარდა უკანასკნელი ფინანსური ანგარიშგების თარიღის შემდეგ სააღრიცხვო პოლიტიკაში მომხდარი ცვლილებებისა, რომლებიც აისახება შემდეგ ფინანსურ ანგარიშგებაში; ასეთ შემთხვევაში ეს დეტალურად უნდა აღინეროს.
 6. პერსპექტიული ფინანსური ინფორმაცია უნდა შეესაბამებოდეს ინფორმაციის წარმოდგენის მინიმალურ მოთხოვნებს, რომლებიც ჩამოყალიბებულია [III დანართში](#). აგრეთვე, დამატებითი პუნქტები ან შენიშვნები უნდა იყოს მოცემული იმ შემთხვევაში, თუ ისინი წარმოადგენენ დაზუსტებებს ან თუ მათ გარეშე პერსპექტიული ფინანსური ინფორმაცია იქნება დამაბნეველი.
 7. პერსპექტიული ფინანსური ინფორმაცია, იმ დაშვებებთან ერთად, რომლის საფუძველზეც იგი მომზადდა, დამტკიცებული უნდა იყოს ხელმძღვანელობის მიერ, რაც დამონმეებული უნდა იყოს მოკლე ტექსტით და ლიცენზიის მაძიებლის აღმასრულებელი ორგანოს ხელმოწერით.

**მუხლი 53 - ვადაგადაცილებული ვალდებულების
არქონა ფეხბურთის მმართველი
ორგანოების მიმართ**

ლიცენზიის მადიებელმა უნდა დაასაბუთოს, რომ სალიცენზიო სეზონის წინა წლის 15 ოქტომბრისთვის მას არ გააჩნია ვადაგადაცილებული ვალდებულებები (როგორც ეს განსაზღვრულია [V დანართში](#)) ფეხბურთის მმართველი ორგანოების (კერძოდ სფფ-ის, რფფ-ის და/ან საქართველოს პროფესიული ფეხბურთის ლიგის (პფლ) (რომელიც რეგეგანტურია)) მიმართ, რომელიც წარმოიშვა გასულ 31 აგვისტომდე.

V. დასკვნითი დაბეჭდვები

მუხლი 54 - ფინანსური მონიტორინგი (ე.წ. ფინანსური ფეარ-პლეი)

ეროვნული ლიცენზიის მფლობელი ყველა კლუბი, რომელიც სალიცენზიო სეზონში დაიშვება ლიცენზირებად ლიგებში, ვალდებულია გაიაროს ფინანსური მონიტორინგი, სფფ-ის მოთხოვნების შესაბამისად.

მუხლი 55 - დანართები

წინამდებარე დებულებების ნებისმიერი დანართი წარმოადგენს მის განუყოფელ ნაწილს.

მუხლი 56 - შესაბამისობის შემოწმებები

1. სფფ და/ან მათ მიერ დანიშნული ორგანოები/სააგენტოები უფლებამოსილნი არიან ნებისმიერ დროს ჩაატარონ ლიცენზიის მაძიებლის/ლიცენზიატის შესაბამისობის შემოწმება.
2. შესაბამისობის შემოწმებები მიზნად ისახავს იმის უზრუნველყოფას, რომ ლიცენზიის მაძიებელმა/ლიცენზიატმა რეალურად შეასრულა წინამდებარე დებულებებით განსაზღვრული საკუთარი ვალდებულებები და, საბოლოოდ, შესაბამისი ეროვნული ლიცენზია გაიცა სამართლიანად.

მუხლი 57 - განხორციელების მოთხოვნები

ლმა იღებს გადაწყვეტილებებს და დირექტივებს, ცირკულარების ან სხვა შესაბამისი დოკუმენტის სახით აყალიბებს წინამდებარე დებულებების განსახორციელებლად საჭირო დეტალურ მოთხოვნებს, რომლებიც შესასრულებლად სავალდებულოა ლიცენზიის მაძიებლების და/ან ლიცენზიატებისთვის. ლმა ასევე კომპეტენტურია გააკეთოს განმარტებები წინამდებარე დებულებების ტექსტთან დაკავშირებით გაუგებრობების შემთხვევაში.

მუხლი 58 - მიღება, ანულირება, ცვლილებების შეტანა და ძალაში შესვლა

1. სფფ-ის კლუბების ეროვნული ლიცენზირების წინამდებარე დებულებები სფფ-ის ლიცენზირებად ლიგებში მონაწილეობისთვის დამტკიცებულია სფფ-ის აღმასრულებელი კომიტეტის მიერ 2018 წლის 14 თებერვალს.

2. სფფ-ის კლუბების ეროვნული ლიცენზირების წინამდებარე დებულებები სფფ-ის ლიცენზირებად ლიგებში მონაწილეობისთვის არ შეიძლება შეიცვალოს ლიცენზირების პროცესის განმავლობაში, სფფ-ის აღმასრულებელი კომიტეტის თანხმობის გარეშე.
3. სფფ-ის კლუბების ეროვნული ლიცენზირების წინამდებარე დებულებები სფფ-ის ლიცენზირებად ლიგებში მონაწილეობისთვის ძალაში შედის სფფ-ის აღმასკომის მიერ დამტკიცებისთანავე და ცვლის ყველა წინამორბედ მოთხოვნას ამ საკითხთან დაკავშირებით.

სფფ-ის აღმასკომის სახელით:

ლევან კობიაშვილი

დავით მუჯირი

პრეზიდენტი

გენერალური მდივანი

თბილისი, 14.02.2018

I დანართი: სანქციების კატალოგი (მე-7 მუხლი)

1. [მე-7 მუხლიდან](#) გამომდინარე, წინამდებარე დანართში ჩამოყალიბებულია მოსალოდნელი სანქციები ლიცენზიის მაძიებლების / ლიცენზიატების მიმართ, მათ მიერ წინამდებარე დებულებების [15.2](#) და [15.3 პუნქტებში](#) მითითებული კრიტერიუმების შეუსრულებლობისთვის.

2. ლიცენზიის მაძიებლის ან ლიცენზიატის მიმართ შეიძლება გამოყენებულ იქნეს შემდეგი სანქციები:

 - გაფრთხილება;
 - ჯარიმა – 1'000-დან 5'000 ლარამდე 15.2 პუნქტში მითითებულ თითოეულ შეუსრულებელ კრიტერიუმზე;
 - ჯარიმა – 500-დან 2'000 ლარამდე 15.2 პუნქტში მითითებულ თითოეულ შეუსრულებელ კრიტერიუმზე, ეროვნული ბ-ლიცენზიისთვის;
 - ჯარიმა – 5'000-დან 10'000 ლარამდე 15.3 პუნქტში მითითებულ თითოეულ შეუსრულებელ კრიტერიუმზე, ეროვნული ა-ლიცენზიისთვის;
 - ჯარიმა – 2'000-დან 5'000 ლარამდე 15.3 პუნქტში მითითებულ თითოეულ შეუსრულებელ კრიტერიუმზე, ეროვნული ბ-ლიცენზიისთვის;
 - დამატებითი დოკუმენტაციის წარმოდგენის ვალდებულება;
 - დამატებითი მოთხოვნების შესრულების ვალდებულება;
 - 3 ქულამდე დაკლება ეროვნულ ჩემპიონატში, თითოეულ შეუსრულებელ კრიტერიუმზე;
 - ფეხბურთელების ტრანსფერის განხორციელების აკრძალვა.

ეს სანქციები შეიძლება დაწესდეს ცალ-ცალკე ან კომბინირებულად.
3. ლიცენზირების პროცესის არგავლის ან არასრულად გავლის შემთხვევა განხილულ იქნეს, როგორც ყველა სავალდებულო და სანქცირებადი კრიტერიუმის დარღვევა.
4. სანქციების ამ ჩამონათვალში/კატალოგში ნებისმიერი ცვლილება უნდა იქნეს დამტკიცებული სფშ-ის აღმასრულებელი კომიტეტის მიერ.
5. წინამდებარე კატალოგში გათვალისწინებული სანქციები გამოიყენება მხოლოდ წინამდებარე დებულებების [15.2](#) და [15.3 პუნქტებში](#) მითითებული კრიტერიუმების შეუსრულებლობასთან დაკავშირებით.

6. ლიცენზიის მაძიებლისთვის / ლიცენზიატისთვის წინამდებარე კატალოგით განსაზღვრული სანქციის დანესება წარმოადგენს სფშ-ის სადისციპლინო ორგანოების ექსკლუზიურ უფლებას.

II დანართი: აუდიტორის არჩევა და აუდიტორის მიერ ჩასატარებელი პროცედურები

A - პრინციპი

1. აუდიტორი უნდა იყოს დამოუკიდებელი, ბუღალტერთა საერთაშორისო ფედერაციის (IFAC) პროფესიონალ ბუღალტერთა ეთიკის კოდექსის შესაბამისად (იხ. [48-ე მუხლი](#)).
2. აუდიტორული კომპანია უნდა აკმაყოფილებდეს სფფ-ის კლუბების ლიცენზირების და მონიტორინგის ადმინისტრაციის მიერ დადგენილ მოთხოვნებს (კრიტერიუმები და/ან ჩამონათვალი და/ან სხვ.), რის შესახებაც ლიცენზიარი აცნობებს ლიცენზიის მაძიებლებს სალიცენზიო სეზონის წინა წლის 31 აგვისტომდე. ლიცენზიის მაძიებელმა წინასწარ, დადგენილ ვადებში უნდა აცნობოს სფფ-ს ლიცენზირების მიზნებისთვის შერჩეული აუდიტორული კომპანიის ვინაობა.
3. ლიცენზიარს შეუძლია გადაწყვიტოს, კონკრეტული კრიტერიუმების შესაფასებლად, აუდიტორები დაქირავებულ იქნეს ლიცენზიარის თუ ლიცენზიის მაძიებლის მიერ. ამას გარდა, ლმა-ს აქვს უფლება, საკუთარი შეხედულებისამებრ, ნებისმიერ დროს თქვას უარი რომელიმე აუდიტორული კომპანი(ებ)ის ჩართულობაზე ლიცენზირების პროცესში. ეს გადაწყვეტილება საბოლოოა, არ საჭიროებს დასაბუთებას და არ ექვემდებარება გასაჩივრებას. ამ შემთხვევაში ლიცენზიის მაძიებელი ვალდებულია ლიცენზირების მიზნებისთვის დაიქირავოს სხვა აუდიტორული კომპანია, ზემოთ პარ.2 შესაბამისად.

B - შეფასების პროცედურები

აუდიტორმა უნდა ჩაატაროს ფინანსური ანგარიშგების მიმოხილვა, რომელიც უნდა:

- ა) შეიცავდეს განცხადებას, რომ ფინანსური ანგარიშგების მიმოხილვა ჩატარდა მოქმედი სტანდარტების შესაბამისად; და
- ბ) წარედგინოს ლიცენზიარს ფინანსურ ანგარიშგებასთან ერთად, რათა შეადგინოს სალიცენზიო გადაწყვეტილების საფუძველი.

III დანართი: ფინანსურ ანგარიშგებაში ინფორმაციის წარდგენის მინიმალური მოთხოვნები

A - პრინციპი

1. ფინანსური ანგარიშგების საერთაშორისო სტანდარტებისა (ფასს) თუ მცირე და საშუალო საწარმოთა მიმართ ფასს-ების მოთხოვნების მიუხედავად, წინამდებარე დებულებებით განსაზღვრული ფინანსური კრიტერიუმები ლიცენზიის მაძიებლებისგან მოითხოვს ლიცენზიარისთვის ფინანსური ინფორმაციის გარკვეული მინიმალური დონის წარდგენას, როგორც ეს ჩამოყალიბებულია [48-ე](#) და [52-ე მუხლებში](#).
2. ფინანსური ანგარიშგების თითოეული კომპონენტი ნათლად უნდა იყოს ჩამოყალიბებული. ამას გარდა, იმისთვის, რომ მომხმარებელმა სწორად გაიგოს წარმოდგენილი ინფორმაცია, ფინანსურ ანგარიშგებაში განსაკუთრებით თვალსაჩინოდ უნდა ჩანდეს და, აუცილებლობის შემთხვევაში, განმეორდეს:
 - ა) ანგარიშგალდებული საწარმოს/საწარმოების სახელწოდება (და სამართლებრივი ფორმა), იურიდიული და ფაქტიური მისამართები და წინა ოფიციალური საანგარიშგებო თარიღის შემდეგ ამ ინფორმაციაში მომხმარებელი ნებისმიერი ცვლილება;
 - ბ) ეხება თუ არა წარმოდგენილი ფინანსური ინფორმაცია: ლიცენზიის ინდივიდუალურ მაძიებელს, საწარმოთა ჯგუფს თუ საწარმოთა რომელიმე სხვა ტიპის გაერთიანებას; ასევე ამგვარი ჯგუფის ან გაერთიანების სტრუქტურისა და შემადგენლობის აღწერა; და
 - გ) ოფიციალური საანგარიშგებო თარიღი და ფინანსური ინფორმაციით (როგორც მიმდინარე, ასევე შესაძარისი ინფორმაციით) მოცული პერიოდი.
3. ყველა ფინანსური დოკუმენტაცია წარმოდგენილი უნდა იყოს ქართულ ლარებში.

B - საბალანსო უწყისი

1. მინიმალური მოთხოვნები საბალანსო უწყისის მუხლების შესახებ ჩამოყალიბებულია ქვემოთ.

აქტივები

- i) ფულადი სახსრები და ფულადი სახსრების ეკვივალენტები
- ii) ფეხბურთელთა ტრანსფერებთან დაკავშირებული მოთხოვნები (მოკლევადიანი და გრძელვადიანი)

- iii) მოთხოვნები ჯგუფში შემავალი სანარმოებისა და სხვა დაკავშირებულ მხარეთა მიმართ (მოკლევადიანი და გრძელვადიანი)
- iv) სხვა მოკლევადიანი მოთხოვნები
- v) საგადასახადო აქტივები (მოკლევადიანი და გრძელვადიანი)
- vi) მარაგი
- vii) სხვა აქტივები (მოკლევადიანი და გრძელვადიანი)
- viii) გრძელვადიანი მატერიალური აქტივები
- ix) არამატერიალური აქტივები — ფეხბურთელები
- x) სხვა არამატერიალური აქტივები
- xi) ინვესტიციები

ვალდებულებები

- xii) ბანკის ოვერდრაფტები
- xiii) ბანკისა და სხვა სესხები (მოკლევადიანი და გრძელვადიანი)
- xiv) ვალდებულებები ჯგუფში შემავალი სანარმოებისა და სხვა დაკავშირებულ მხარეთა წინაშე (მოკლევადიანი და გრძელვადიანი)
- xv) ფეხბურთელთა ტრანსფერებთან დაკავშირებული ვალდებულებები (მოკლევადიანი და გრძელვადიანი)
- xvi) ვალდებულებები თანამშრომლების მიმართ (მოკლევადიანი და გრძელვადიანი)
- xvii) ვალდებულებები საგადასახადო ორგანოების მიმართ (მოკლევადიანი და გრძელვადიანი)
- xviii) დარიცხვები და გადავადებული შემოსავალი (მოკლევადიანი და გრძელვადიანი)
- xix) სხვა საგადასახადო ვალდებულებები (მოკლევადიანი და გრძელვადიანი)
- xx) სხვა მოკლევადიანი ვალდებულებები (კრედიტორული დავალიანება)
- xxi) ანარიცხვები (მოკლევადიანი და გრძელვადიანი)
- xxii) სხვა ვალდებულებები (მოკლევადიანი და გრძელვადიანი)

წმინდა აქტივები/ვალდებულებები

- xxiii) წმინდა აქტივები/ვალდებულებები

კაპიტალი

- xxiv) სააქციო/სანესდებო კაპიტალი
- xxv) გაუნაწილებელი მოგება
- xxvi) სხვა რეზერვები

2. ხელმძღვანელობას უფლება აქვს თვითონ გადაწყვიტოს, (i)-(xxvi) მუხლების ასახვა საბალანსო უწყისში ცალკეა უმჯობესი თუ ახსნა-განმარტებით შენიშვნებში.

C - მოგებისა და ზარალის უწყისი

1. მინიმალური მოთხოვნები მოგებისა და ზარალის უწყისის მუხლების შესახებ ჩამოყალიბებულია ქვემოთ.

ამონაგები

- i) ბილეთების გაყიდვიდან მიღებული შემოსავლები
- ii) ამონაგები სპონსორობიდან და რეკლამებიდან
- iii) ამონაგები ტრანსლაციიდან
- iv) კომერციული ამონაგები
- v) შეშა-ს სოლიდარობის და საპრიზო თანხა
- vi) სხვა საოპერაციო შემოსავალი

ხარჯები

- vii) გაყიდული საქონლის/მომსახურების/მასალების თვითღირებულება
- viii) თანამშრომელთა გასამრჯელოების ხარჯები (ფეხბურთელები და სხვა თანამშრომლები)
- ix) გრძელვადიანი მატერიალური აქტივების ცვეთა და გაუფასურება
- x) გრძელვადიანი არამატერიალური აქტივების ამორტიზაცია და გაუფასურება (ფეხბურთელების რეგისტრაციები და სხვა არამატერიალური გრძელვადიანი აქტივები)
- xi) სხვა საოპერაციო ხარჯები

სხვა

- xii) მოგება/ზარალი აქტივების გაყიდვიდან
- xiii) მოგება/ზარალი არამატერიალური აქტივების – ფეხბურთელების გაყიდვიდან
- xiv) ფინანსური შემოსავალი და ხარჯები
- xv) არასაოპერაციო შემოსავალი/ხარჯები
- xvi) საგადასახადო შემოსავალი/ხარჯი
- xvii) მოგება ან ზარალი დაბეგვრის შემდეგ

2. ხელმძღვანელობას უფლება აქვს თვითონ გადაწყვიტოს, (i)-(xvii) მუხლების ასახვა მოგება-ზარალის უწყისში ცალკეა უმჯობესი თუ ახსნა-განმარტებით შენიშვნებში.

D - ფულადი სახსრების მოძრაობის უწყისი

1. ფულადი სახსრების მოძრაობის უწყისიში წარმოდგენილი უნდა იყოს ფინანსური პერიოდის ფულადი ნაკადები, კლასიფიცირებული შემდეგი სახით:

ფულადი ნაკადები საოპერაციო საქმიანობიდან

საოპერაციო საქმიანობა არის საწარმოს ძირითადი შემოსავლების მომგანი და სხვა საქმიანობა, რომელიც არ არის საინვესტიციო ან საფინანსო საქმიანობა. ამგვარად, აღნიშნული ფულადი ნაკადები, საზოგადოდ, მიიღება ისეთი ოპერაციებიდან და სხვა მოვლენებიდან, რომლებიც მოხანაწილეობს წმინდა მოგების ან ზარალის განსაზღვრაში. მინიმალური მოთხოვნები ამ ნაწილის მუხლების შესახებ ჩამოყალიბებულია ქვემოთ:

- i) წმინდა ფულადი სახსრების შემოსვლა/გასვლა საოპერაციო საქმიანობიდან.

ფულადი ნაკადები საინვესტიციო საქმიანობიდან

საინვესტიციო საქმიანობა არის გრძელვადიანი აქტივებისა (მათ შორის, მოთამაშეთა რეგისტრაციების) და სხვა ისეთი ინვესტიციების შექმნა და რეალიზაცია, რომელთაც არ მოიცავს ფულადი სახსრების ეკვივალენტები. საწარმომ ძირითადი კატეგორიების მიხედვით ცალ-ცალკე უნდა წარადგინოს საინვესტიციო საქმიანობასთან დაკავშირებული ფულადი სახსრების შემოსავლისა და გასავლის მთლიანი (ბრუტო) თანხები. მინიმალური მოთხოვნები ამ ნაწილის მუხლების შესახებ ჩამოყალიბებულია ქვემოთ:

- i) ფულადი სახსრების შემოსვლა/გასვლა ფეხბურთელთა რეგისტრაციების შექმნიდან/გაყიდვიდან;
- ii) ფულადი სახსრების შემოსვლა/გასვლა მატერიალური გრძელვადიანი აქტივების შექმნიდან/გაყიდვიდან;
- iii) სხვა ფულადი სახსრების შემოსვლა/გასვლა საინვესტიციო საქმიანობიდან.

ფულადი ნაკადები საფინანსო საქმიანობიდან

საფინანსო საქმიანობა ისეთი საქმიანობაა, რომლის შედეგად რაოდენობრივად და სტრუქტურულად იცვლება საწარმოს კაპიტალი და ნასესხები სახსრები. საწარმომ ძირითადი კატეგორიების მიხედვით ცალ-ცალკე უნდა წარადგინოს ფულადი ნაკადების ანგარიშგებაში საფინანსო საქმიანობასთან დაკავშირებული ფულადი სახსრების შემოსავლისა და გასავლის მთლიანი (ბრუტო) თანხები. მინიმალური მოთხოვნები ამ განყოფილების მუხლების შესახებ ჩამოყალიბებულია ქვემოთ:

- i) ფულადი სახსრების შემოსვლა/გასვლა ნასესხები სახსრებიდან — აქციონერები და დაკავშირებული მხარე
- ii) ფულადი სახსრების შემოსვლა/გასვლა ნასესხები სახსრებიდან — საფინანსო დაწესებულებები
- iii) ფულადი სახსრების შემოსვლა კაპიტალის/საკუთარი კაპიტალის ზრდის შედეგად
- iv) ფულადი სახსრების გასვლა მესაკუთრეებზე/აქციონერებზე გაცემული დივიდენდების შედეგად
- v) სხვა ფულადი სახსრების შემოსვლა/გასვლა საფინანსო საქმიანობიდან.

სხვა ფულადი ნაკადები

განცალკევებით უნდა აისახოს პროცენტებისა და დივიდენდების სახით მიღებული და გაცემული ფულადი სახსრები. წლების მანძილზე, თითოეული მათგანი საანგარიშგებო პერიოდებს შორის წარდგენილ უნდა იქნეს ჯეროვნად, როგორც საოპერაციო, საინვესტიციო ან საფინანსო საქმიანობა.

ცალკე უნდა აისახოს მოგების გადასახადთან დაკავშირებული ფულადი ნაკადები და კლასიფიცირებული უნდა იყოს როგორც საოპერაციო საქმიანობიდან წარმოქმნილი ფულადი ნაკადები, თუ შეუძლებელია მათი სათანადოდ და ზუსტად დაკავშირება საფინანსო და საინვესტიციო საქმიანობასთან.

2. ფულადი სახსრების მოძრაობის უწყისში წარმოდგენილ უნდა იქნეს ფულადი სახსრებისა და ფულადი სახსრების ეკვივალენტების შემადგენელი კომპონენტები. ასევე უნდა მოხდეს ფულადი სახსრების მოძრაობის უწყისში ასახული თანხების შედარება საბალანსო უწყისში წარდგენილ შესაბამის მუხლებთან.

E - ფინანსური ანგარიშგების ახსნა-განმარტებითი შენიშვნები

ფინანსურ ანგარიშგებას ახსნა-განმარტებითი შენიშვნები უნდა დაერთოს სისტემატურად. უშუალოდ საბანალოს უწყისში, მოგებისა და ზარალის უწყისში და ფულადი სახსრების მოძრაობის უწყისის თითოეული მუხლის გასწვრივ მითითებული უნდა იყოს ის ახსნა-განმარტებითი შენიშვნა, სადაც გახსნილია ამ მუხლის შესაბამისი ინფორმაცია. ქვემოთ განხილულია მინიმალური მოთხოვნები ფინანსური ანგარიშგების ახსნა-განმარტებით შენიშვნებში გასახსნელი ინფორმაციისთვის:

- ა) სააღრიცხვო პოლიტიკა

ფინანსური ანგარიშგების მომზადების საფუძველი და ფინანსური ანგარიშგების მოსამზადებლად გამოყენებული მნიშვნელოვანი სააღრიცხვო პოლიტიკის მოკლე მიმოხილვა.

ბ) მატერიალური გრძელვადიანი აქტივები

ახსნა-განმარტებით შენიშვნებში ცალ-ცალკე წარდგენილ უნდა იქნეს მატერიალური გრძელვადიანი აქტივების თითოეული კატეგორია (კლასი) (მაგ., ძირითადი საშუალებები: ქონება (შენობა-ნაგებობები), სტადიონი და აღჭურვილობა).

მატერიალური გრძელვადიანი აქტივების თითოეული კლასისათვის ახსნა-განმარტებით შენიშვნებში უნდა აისახოს შემდეგი ინფორმაცია:

- i) მთლიანი საბალანსო ღირებულება (ბრუტო) და დაგროვილი ცვეთა (დაგროვილ გაუფასურების ზარალთან ერთად) პერიოდის დასაწყისში და პერიოდის ბოლოს; და
- ii) პერიოდის სანყისი და საბოლოო საბალანსო ღირებულებების შეჯერება, სადაც ნაჩვენებია იქნება აქტივების შემოსვლა (მატება), გასვლა, გადაფასების შედეგად გამოწვეული ღირებულების მატება ან კლება პერიოდის განმავლობაში, პერიოდის მანძილზე მოგებისა და ზარალის უწყისში აღიარებული გაუფასურების ზარალი (თუ ასეთი არსებობს), მოგებისა და ზარალის ანგარიშგებაში ასახული გაუფასურების ზარალის ანულირება (უკუგატარების თანხა) (თუ ასეთი არსებობს) და ცვეთა;

ცვეთის დარიცხვისთვის გამოყენებული მეთოდები და სასარგებლო მომსახურების ვადები (ან ცვეთის ნორმები) უნდა განიმარტოს სააღრიცხვო პოლიტიკის შესახებ ახსნა-განმარტებით შენიშვნებში.

გ) არამატერიალური გრძელვადიანი აქტივები

განმარტებით შენიშვნებში ცალ-ცალკე წარდგენილ უნდა იქნეს არამატერიალური გრძელვადიანი აქტივების თითოეული კატეგორია (კლასი) (მაგ., მოთამაშეთა რეგისტრაციები, გუდვილი, სხვა არამატერიალური აქტივები).

არამატერიალური გრძელვადიანი აქტივების თითოეული კლასისათვის ახსნა-განმარტებით შენიშვნებში უნდა აისახოს შემდეგი ინფორმაცია:

- i) მთლიანი საბალანსო ღირებულება (ბრუტო) და დაგროვილი ამორტიზაცია (დაგროვილ გაუფასურების ზარალთან ერთად) პერიოდის დასაწყისში და პერიოდის ბოლოს; და
- ii) პერიოდის საწყისი და საბოლოო საბალანსო ღირებულებების შეჯერება, სადაც ნაჩვენებია იქნება აქტივების შემოსვლა (მატება), გასვლა, პერიოდის განმავლობაში მოგებისა და ზარალის უწყისში ასახული გაუფასურების ზარალით (თუ ასეთი არსებობს) გამოწვეული შემცირება (თუ ასეთი არსებობს) და ამორტიზაცია;

ფეხბურთელთა რეგისტრაციების ბუღალტრულ აღრიცხვასთან დაკავშირებით დამატებითი ინფორმაციის გასაცნობად იხილეთ [დანართი IV.C.](#)

დ) დაგირავებული/უზრუნველყოფად გამოყენებული აქტივები და საკუთრების უფლებაზე ზღუდული აქტივები

ახსნა-განიმარტებით შენიშვნებში განიმარტება აქტივების საკუთრების უფლებაზე შეზღუდვების არსებობა და მათი თანხობრივი სიდიდე, ასევე ვალდებულებების ან გარანტიების უზრუნველყოფის სახით გირაოში ჩადებული ძირითადი სამუალებები — ქონება (შენობა-ნაგებობები), სტადიონი და აღჭურვილობა.

უნდა განიმარტოს ისეთი არამატერიალური აქტივების არსებობა და მათი საბალანსო ღირებულებები, რომელთა საკუთრების უფლებაც შეზღუდულია, ასევე იმ არამატერიალური აქტივების საბალანსო ღირებულება, რომლებიც უზრუნველყოფის სახით გირაოშია ჩადებული ვალდებულებების უზრუნველყოფის სახით.

ე) ინვესტიციები

ინვესტიციები უნდა მოიცავდეს ინვესტიციებს შვილობილ კომპანიებში, ერთობლივად კონტროლირებად საწარმოებსა და ასოცირებულ საწარმოებში. შვილობილ კომპანიებში, ერთობლივად კონტროლირებად საწარმოებსა და ასოცირებულ საწარმოებში დაბანდებული თითოეული ინვესტიციისთვის ახსნა-განიმარტებით შენიშვნებში უნდა განიმარტოს მინიმუმ შემდეგი ინფორმაცია:

- i) საწარმოს სახელწოდება;
- ii) ქვეყანა, სადაც იურიდიულად არის რეგისტრირებული ან მდებარეობს საწარმო;
- iii) საწარმოს ბიზნესის/საქმიანობის ტიპი;
- iv) საკუთრების წილი;
- v) თუ განსხვავებულია, კუთვნილი ხმისუფლებიანი წილის პროცენტიც; და

- vi) ინვესტიციების აღრიცხვისთვის გამოყენებული მეთოდის აღწერა.
- ვ) ბანკის ოვერდრაფტები და სესხები

ფინანსური ვალდებულების თითოეული კატეგორიისათვის ახსნა-განმარტებით შენიშვნებში უნდა განიმარტოს შემდეგი ინფორმაცია:

- i) ინფორმაცია ფინანსური ინსტრუმენტების მოცულობისა და ხასიათის, მათ შორის შესაბამისი თანხებისა და ხელშეკრულების პერიოდის შესახებ, იმ მნიშვნელოვანი პირობების მითითებით, რომლებმაც შეიძლება გავლენა მოახდინონ მომავალი ფულადი ნაკადების სიდიდეზე, მათი მიღების დროსა და ალბათობაზე; და
- ii) სანარმოს სააღრიცხვო პოლიტიკა და მის მიერ შერჩეული და გამოყენებული მეთოდები, მათ შორის, აღიარების კრიტერიუმები და გამოყენებული თანხობრივად აღრიცხვის საფუძვლები.

ზ) ანარიცხები

შენიშვნებში ანარიცხები უნდა აისახოს ცალ-ცალკე კატეგორიების მიხედვით. იმის დასადგენად, რომელი ანარიცხების გაერთიანება არის შესაძლებელი ერთ კატეგორიაში, აუცილებელია იმის შეფასება, საკმარისად მსგავსი ბუნებისაა თუ არა ეს ანარიცხები იმისათვის, რომ გაერთიანდნენ და ჯამური თანხით იყვნენ წარმოდგენილი.

თითოეული ტიპის ანარიცხისთვის ნაჩვენები უნდა იყოს საბალანსო ღირებულება პერიოდის დასაწყისში და პერიოდის ბოლოს, ასევე მოცემული პერიოდის განმავლობაში გამოყენებული და გამონთავისუფლებული თანხა, და ანგარიშის კრედიტის მხარეს ასახული ნებისმიერი თანხა.

თ) გამოშვებული კაპიტალი და რეზერვები

განმარტებით შენიშვნებში ცალ-ცალკე უნდა გაიხსნას ინფორმაცია სააქციო კაპიტალის, სხვა რეზერვებისა და გაუნაწილებელი მოგების შესახებ.

- i) სააქციო/საწესდებო კაპიტალი
მიმდინარე წლის განმავლობაში გამოშვებულ სააქციო კაპიტალთან დაკავშირებით უნდა განიმარტოს შემდეგი ინფორმაცია:

- გამოშვებული აქციების რაოდენობა და ტიპი;
- აქციების გამოშვების შედეგად წარმოშობილი სამისიო კაპიტალი (თუ არსებობს);
- აქციების გამოშვების შედეგად მიღებული მთლიანი თანხა;

- ახალი აქციების გამოშვების მიზეზები.
- ii) სხვა რეზერვები
როდესაც ძირითადი საშუალებების (ქონება, სტადიონი და ალჭურვილობა) მუხლები გადაფასებული ღირებულებით არის ასახული, ახსნა-განმარტებით შენიშვნებში მითითებული უნდა იყოს გადაფასებით წარმოქმნილი ნამეტის დაგროვილი თანხა, აგრეთვე მოცემული პერიოდის განმავლობაში მომხდარი ცვლილება, ასევე ნებისმიერი შეზღუდვა, რომელიც ეხება ნაშთის განაწილებას აქციონერებზე.
- iii) გაუნაწილებელი მოგება
ახსნა-განმარტებით შენიშვნებში ნაჩვენები უნდა იყოს საანგარიშგებო პერიოდის სანყისი და საბოლოო თარიღისათვის არსებული გაუნაწილებელი მოგების ნაშთი (ე.ი. დაგროვილი მოგება ან ზარალი), ასევე საანგარიშგებო პერიოდის განმავლობაში მომხდარი ცვლილებები.
- ი) *მაკონტროლებელი მხარე*
როდესაც ანგარიშვალდებულ სანარმოს სხვა მხარე აკონტროლებს, ახსნა-განმარტებით შენიშვნებში უნდა განიმარტოს მოცემულ დაკავშირებულ მხარესთან ურთიერთობა და დაკავშირებული მხარის სახელწოდება, ასევე, საბოლოო მაკონტროლებელი მხარე, თუ იგი განსხვავებულია. ზემოაღნიშნული ინფორმაცია წარმოდგენილ უნდა იქნეს ფინანსური ანგარიშგების ახსნა-განმარტებით შენიშვნებში იმის მიუხედავად, განხორციელდა თუ არა რაიმე ოპერაცია მაკონტროლებელ მხარეებსა და ანგარიშვალდებულ სანარმოს შორის.
- კ) *ოპერაციები დაკავშირებულ მხარეებთან*
თუ საანგარიშგებო პერიოდის განმავლობაში დაკავშირებულ მხარეებს შორის შესრულებული იყო ოპერაციები, ანგარიშვალდებულმა სანარმომ ფინანსური ანგარიშგების ახსნა-განმარტებით შენიშვნებში უნდა განმარტოს დაკავშირებულ მხარეთა ურთიერთობის ხასიათი, ასევე ინფორმაცია შესრულებული ოპერაციებისა და არსებული საბალანსო ნაშთების შესახებ, მათ შორის ნაკისრი ვალდებულებების, რომელიც აუცილებელია ფინანსურ ანგარიშგებაზე ამ ურთიერთობის პოტენციური გავლენის შესაფასებლად. მსგავსი ბუნების მუხლები აგრეგირებული სახით შეიძლება იქნეს წარმოდგენილი, თუ მათი ცალ-ცალკე განმარტება აუცილებელი არ არის დაკავშირებულ მხარეთა ოპერაციების ანგარიშვალდებულ სანარმოს ფინანსურ ანგარიშგებაზე გავლენის გასაგებად.

როგორც მინიმუმი, ახსნა-განმარტებით შენიშვნებში თითოეული დაკავშირებული მხარის შესახებ უნდა აისახოს შემდეგი ინფორმაცია:

- i) ოპერაციების მოცულობა (თანხა) და ხასიათი;
- ii) არსებული საბალანსო ნაშთების მოცულობა, ნაკისრი ვალდებულებების ჩათვლით და:
 - მათი პირობები, მათ შორის უზრუნველყოფილია თუ არა ისინი, ასევე ანგარიშსწორების ფორმა; და
 - ინფორმაცია გაცემული ან მიღებული გარანტიების შესახებ;
- iii) საბალანსო ნაშთებთან დაკავშირებული საექვო ვალების ანარიცხები; და
- iv) დაკავშირებული მხარეებიდან მისაღებ უიმედო ან საექვო ვალებთან დაკავშირებით საანგარიშგებო პერიოდის განმავლობაში აღიარებული ხარჯები.
განმარტებები ცალ-ცალკე უნდა გაკეთდეს თითოეული შემდეგი კატეგორიისთვის:
 - სათავო სანარმო;
 - სანარმოები, რომლებსაც გააჩნიათ ერთობლივი კონტროლი ან მნიშვნელოვანი გავლენა ანგარიშვალდებულ სანარმოზე;
 - შვილობილი სანარმოები;
 - ასოცირებული სანარმოები;
 - ერთობლივი საქმიანობები, სადაც ანგარიშვალდებული სანარმო არის სრულუფლებიანი მონაწილე;
 - ანგარიშვალდებული სანარმოს ან მისი სათავო სანარმოს უმალლესი რანგის ხელმძღვანელობა; და
 - სხვა დაკავშირებული მხარეები.

ანგარიშგებაში უნდა დადასტურდეს, რომ დაკავშირებულ მხარეებთან ოპერაციები შესრულებულია იმ პირობების ეკვივალენტურად, რომელიც „გაშლილი ხელის მანძილის პრინციპის“ ოპერაციებისთვის არის დამახასიათებელი, თუკი შესაძლებელია ამგვარი პირობების დასაბუთება.

ლ) პირობითი ვალდებულებები

თუ სანარმოს საანგარიშსწორებო თანხების გასვლის ალბათობა უმნიშვნელო არ არის, ანგარიშვალდებულმა სანარმომ ოფიციალური საანგარიშგებო თარიღისთვის თითოეული კატეგორიის პირობითი ვალდებულებისთვის ახსნა-განმარტებით შენიშვნებში მოკლედ უნდა აღწეროს პირობითი ვალდებულების ხასიათი და, თუ შესაძლებელია:

- i) მისი ფინანსური გავლენის შეფასება;
 - ii) უნდა მიუთითოს საწარმოს გასაცემი ნებისმიერი თანხის სიდიდესთან ან ამ თანხის გასვლის დროსთან დაკავშირებული განუსაზღვრელობები; და
 - iii) რაიმე სახის ანაზღაურების ალბათობა.
- მ) საბალანსო თარიღის შემდგომი მოვლენები*

ახსნა-განმარტებით შენიშვნებში უნდა გაიხსნას ინფორმაცია საბალანსო თარიღის შემდგომი არსებითი არამაკორექტირებელი მოვლენების შესახებ (მოვლენის არსი (ხასიათი) და მისი ფინანსური გავლენის შეფასება, ან უნდა აღინიშნოს, რომ შეუძლებელია ამგვარი შეფასების გაკეთება). საბალანსო თარიღის შემდგომი არამაკორექტირებელი მოვლენების მაგალითებია:

- i) გრძელვადიანი ნასესხები სახსრები, რომელთა გადახდის ვადა ახლოვდება და არ არსებობს სესხის განახლების ან გადახდის რეალური პერსპექტივა;
- ii) მნიშვნელოვანი საოპერაციო ზარალი;
- iii) გამოვლენილი არსებითი თაღლითობის ან შეცდომების ფაქტები, რომელიც იმაზე მეტყველებს, რომ ფინანსური ანგარიშგება მცდარია;
- iv) ხელმძღვანელობა განსაზღვრავს, რომ ის აპირებს საწარმოს ლიკვიდაციას ან კომერციული საქმიანობის შეწყვეტას ან მას არა აქვს რეალური ალტერნატივა, ასე რომ არ მოიქცეს;
- v) მოთამაშეთა ტრანსფერის ოპერაციები, როდესაც გადასახდელი ან მისაღები თანხები მნიშვნელოვანია;
- vi) უძრავ ქონებასთან, მაგალითად, კლუბის სტადიონთან დაკავშირებული ოპერაციები.

ნ) სხვა განმარტებები

- i) აგენტების საკომისიო გადასახადები: ახსნა-განმარტებით შენიშვნებში უნდა განიმარტოს აგენტისთვის გადახდილი ან აგენტის სასარგებლოდ გადახდილი მთლიანი თანხა.
- ii) ფეხბურთელთა ეკონომიკური (ან მსგავსი) უფლებები: თითოეული ფეხბურთელისთვის, რომელზეც ლიცენზიის მაძიებელი მთლიანად არ ფლობს ეკონომიკურ უფლებებს, წარმოდგენილი უნდა იყოს ფეხბურთელის ვინაობა და ეკონომიკური ან მსგავსი უფლების პროცენტი, რომელსაც ლიცენზიის მაძიებელი ფლობდა პერიოდის დასაწყისში (ან რეგისტრაციის შეძენისას) და პერიოდის ბოლოს.
- iii) საგადასახადო ხარჯი:

ცალ-ცალკე წარმოდგენილ უნდა იქნეს საგადასახადო ხარჯის შემადგენელი კომპონენტები. ე.ი. საანგარიშგებო პერიოდის წმინდა მოგების ან ზარალის განსაზღვრაში მონაწილე აგრეგირებული თანხა მიმდინარე და/ან გადავადებული გადასახადის თანხად.

iv) სხვადასხვა:

ახსნა-განმარტებით შენიშვნებში წარმოდგენილ უნდა იქნეს ნებისმიერი დამატებითი ინფორმაცია ან განმარტება, რაც არ აისახა უშუალოდ საბალანსო, მოგებისა და ზარალის ან ფულადი სახსრების მოძრაობის უწყისში, მაგრამ საჭიროა რომელიმე ზემოაღნიშნული ანგარიშგების გასაგებად, და/ან მოითხოვება ფინანსური ინფორმაციის წარმოდგენის მინიმალური მოთხოვნების დასაკმაყოფილებლად.

F - ფეხბურთელთა საიდენტიფიკაციო ცხრილი

1. ყველა ლიცენზიის მაძიებელი ვალდებულია, მოახდინოს ფეხბურთელის რეგისტრაციის შექმნასთან დაკავშირებული დანახარჯების კაპიტალიზაცია, მოამზადოს ფეხბურთელთა საიდენტიფიკაციო ცხრილი და წარუდგინოს ლიცენზიარს.
2. ფეხბურთელთა საიდენტიფიკაციო ცხრილი უნდა წარედგინოს აუდიტორს, რომელმაც ფეხბურთელის საიდენტიფიკაციო ცხრილში მოცემული აგრეგირებული მონაცემები უნდა შეაჯეროს ფინანსური ანგარიშგების საბალანსო და მოგება-ზარალის უწყისების შესაბამის მონაცემებთან. ამასთან, ფეხბურთელის საიდენტიფიკაციო ცხრილი უნდა წარედგინოს ლიცენზიარსაც.
3. მინიმალური ინფორმაცია, რომელიც წარმოდგენილი უნდა იყოს ფეხბურთელთა საიდენტიფიკაციო ცხრილში თითოეული შესაბამისი ფეხბურთელის შესახებ მოცემულია ქვემოთ:
 - ა) სახელი, გვარი და დაბადების თარიღი;
 - ბ) ფეხბურთელის თავდაპირველი ხელშეკრულების დაწყების თარიღი და მიმდინარე ხელშეკრულების დამთავრების თარიღი;
 - გ) ფეხბურთელის რეგისტრაციის შექმნის პირდაპირი დანახარჯები, ე.ი.
 - სატრანსფერო გადასახადი (წვრთნის კომპენსაციისა და სოლიდარობის გადასახადის ჩათვლით), გადახდილი და/ან გადასახდელი სხვა ფეხბურთის კლუბისთვის და/ან მესამე მხარისთვის, ფეხბურთელის რეგისტრაციის შექმნასთან დაკავშირებით;
 - აგენტების/შუამავლების საკომისიო გადასახადები;

- ფეხბურთელის რეგისტრაციის შექმნასთან დაკავშირებული სხვა პირდაპირი დანახარჯები, მაგ., ტრანსფერის საკომისიო მოსაკრებელი.
- დ) დაგროვილი ამორტიზაციის სანყისი (წინა წლიდან გადმოტანილი) და პერიოდის ბოლოს არსებული ნაშთი;
 - ე) მოცემული პერიოდის ხარჯები/ამორტიზაცია;
 - ვ) მოცემული პერიოდის გაუფასურების ღირებულება;
 - ზ) გასვლა (თვითღირებულება და დაგროვილი ამორტიზაცია);
 - თ) წმინდა სააღრიცხვო ღირებულება (საბალანსო ღირებულება); და
 - ი) ფეხბურთელის რეგისტრაციის გაყიდვიდან (გასვლიდან) მიღებული მოგება (ზარალი).
4. ამ ცხრილში ინფორმაციის წარდგენა მოითხოვება ყველა შემდეგი ფეხბურთელის შესახებ:
- ა) ყველა ფეხბურთელის შესახებ, რომელთა რეგისტრაციასაც ფლობდა ლიცენზიის მაძიებელი საანგარიშგებო პერიოდის განმავლობაში და ამ ფეხბურთელ(ებ)თან დაკავშირებით განეული იყო გარკვეული პირდაპირი შექმნის დანახარჯები (საანგარიშგებო პერიოდის განმავლობაში ან წინა პერიოდებში);
 - ბ) ყველა ფეხბურთელის შესახებ, ვისთან დაკავშირებითაც აღიარებული იყო გარკვეული შემოსავალი/მოგება (ზარალი) (საანგარიშგებო პერიოდის განმავლობაში).
5. თუ ლიცენზიის მაძიებლებმა შეცვალეს ფეხბურთელებთან დაკავშირებული სააღრიცხვო მონაცემები, რათა დაეკმაყოფილებინათ წინამდებარე დებულებებით განსაზღვრული სააღრიცხვო მოთხოვნები, მაშინ ფეხბურთელთა საიდენტიფიკაციო ცხრილის აგრეგირებული მონაცემები პირდაპირ უნდა ედრებოდეს/დადარებადი იყოს დამატებით ინფორმაციაში წარმოდგენილ შეცვლილ მონაცემებს.

G - ხელმძღვანელობის მიერ მომზადებული ფინანსური მიმოხილვა

1. ფინანსური ანგარიშგება უნდა მოიცავდეს ხელმძღვანელობის მიერ მომზადებულ ფინანსურ მიმოხილვას ან კომენტარებს (ზოგჯერ მას დირექტორების ანგარიშს უწოდებენ), სადაც აღწერილი და ახსნილი იქნება ანგარიშვალდებული საწარმოს ფინანსური შედეგებისა და მდგომარეობის ძირითადი დამახასიათებელი თავისებურებები, ასევე მის წინაშე არსებული ძირითადი რისკები და განუსაზღვრელობები.

2. ფინანსურ ანგარიშგებაში მოცემული უნდა იყოს ასევე იმ პირთა ვინაობა (სახელი და გვარი), ვინც იყენენ ანგარიშვალდებული სანარმოს აღმასრულებელი ორგანოს ან დირექტორთა საბჭოსა და სამეთვალყურეო საბჭოს წევრები საანგარიშგებო პერიოდის რომელიმე მონაკვეთში.

IV დანართი: ფინანსური ანგარიშგების მომზადების საფუძველი

A - პრინციპი

- ლიცენზიის მაძიებლის სამართლებრივი ფორმის მიუხედავად, 48-ე მუხლით განსაზღვრული ფინანსური ანგარიშგება უნდა ეფუძნებოდეს ფასს-ს ან ფასს-ებს მცირე და საშუალო სანარმოათვის.
- ფინანსური ანგარიშგება უნდა მომზადდეს იმ დაშვებით, რომ ლიცენზიის მაძიებელი არის ფუნქციონირებადი სანარმო, რაც გულისხმობს, რომ იგი გააგრძელებს საქმიანობას საპროგნოზო მომავალში. ივარაუდება, რომ ლიცენზიის მაძიებელს არ გააჩნია განზრახვა და მოთხოვნილება დაინყოს ლიკვიდაცია, შეწყვიტოს სამენარმეო საქმიანობა ან ეძიოს კრედიტორებისგან დაცვა.
- იმისათვის, რომ ფინანსური ანგარიშგების სტრუქტურული საფუძველები (ჩარჩო) წარმოადგენდეს ფინანსური ანგარიშგების მომზადების მისაღებ საფუძველს, იგი უნდა შეიცავდეს ქვემოთ ჩამოთვლილ პრინციპებს:
 - სამართლიანი წარდგენა;
 - წარდგენის თანმიმდევრულობა;
 - დარიცხვის მეთოდი აღრიცხვაში;
 - არსებითი კლასის/კატეგორიის ცალ-ცალკე წარმოდგენა ფინანსურ ანგარიშგებაში;
 - არ შეიძლება აქტივებისა და ვალდებულებების, ან შემოსავლებისა და ხარჯების მუხლების ურთიერთგადაფარვა (გაქვითვა).
- ფინანსური ანგარიშგება დამტკიცებული უნდა იყოს ხელმძღვანელობის მიერ, რაც დადასტურებული უნდა იყოს მოკლე ტექსტით და ანგარიშვალდებული სანარმოს აღმასრულებელი ორგანოს ხელმოწერით.

B - კონსოლიდირების/კომბინირების მოთხოვნები

- ანგარიშგების პერიმეტრში შემავალ ყველა სანარმოს (როგორც ეს განსაზღვრულია 47-ე მუხლში) ფინანსური ანგარიშგება უნდა მომზადდეს კონსოლიდირებულად ან კომბინირებულად, თითქოს წარმოადგენენ ერთ სანარმოს.
- კონსოლიდირებული ფინანსური ანგარიშგება არის ჯგუფის ფინანსური ანგარიშგება, რომელშიც სათავეო კომპანიისა და შვილობილი კომპანიების აქტივები, ვალდებულებები, კაპიტალი, შემოსავალი, ხარჯები და ფულადი ნაკადები იმგვარადაა წარმოდგენილი, თითქოს ერთი კომპანიის იყოს.

- კომბინირებული ფინანსური ანგარიშგება ისეთი ფინანსური ანგარიშგებაა, რომელიც მოიცავს ინფორმაციას ორი ან რამდენიმე კომპანიის შესახებ, რომლებიც საერთო კონტროლს ექვემდებარებიან და არ მოიცავს ინფორმაციას მაკონტროლებელი სანარმოს შესახებ.

C - ფეხბურთელის რეგისტრაციის აღრიცხვის მოთხოვნები

- მიუხედავად იმისა, რომ ლიცენზიის ყოველი მაძიებელი ვალდებულია, მოამზადოს ფინანსური ანგარიშგება ფასს-ების თუ მცირე და საშუალო სანარმოთა ფასს-ის შესაბამისად, წინამდებარე დებულებები სპეციფიკურ სააღრიცხვო მოთხოვნებს მოიცავს ფეხბურთელების რეგისტრაციებთან დაკავშირებით, რომლებიც განეკუთვნება გრძელვადიან არამატერიალურ აქტივებს, როგორც ეს განსაზღვრულია [48-ე](#) და [52-ე მუხლებში](#).
- ლიცენზიის მაძიებელი ვალდებულია მოახდინოს ფეხბურთელების რეგისტრაციის შექმნის/მიღების დანახარჯების კაპიტალიზაცია. ამასთან დაკავშირებით, მან უნდა გამოიყენოს წინამდებარე ჩ ქვეთავის მე-3 პუნქტში აღწერილი გარკვეული მინიმალური სააღრიცხვო მოთხოვნები.
- ქვემოთ აღწერილია ფეხბურთელის რეგისტრაციის გაყიდვასთან დაკავშირებული ბუღალტრული აღრიცხვის მინიმალური მოთხოვნები:
 - თითოეული ინდივიდუალური ფეხბურთელის რეგისტრაციასთან მიმართებით, ამორტიზებადი ღირებულება სისტემატურ საფუძველზე უნდა განანილდეს მისი სასარგებლო მომსახურების ვადის განმავლობაში. ამ მიზნით, აქტივის თვითღირებულება სისტემატურად ჩამოინერება, როგორც ხარჯი, ფეხბურთელის კონტრაქტის ვადის განმავლობაში.
 - დასაშვებია მხოლოდ ფეხბურთელის რეგისტრაციის შექმნის პირდაპირი დანახარჯების კაპიტალიზაცია. აღრიცხვის მიზნებისთვის, არ უნდა აფასდეს რომელიმე ინდივიდუალური ფეხბურთელის საბალანსო ღირებულება მაშინაც კი, როდესაც ხელმძღვანელობა შესაძლოა დარწმუნებული იყოს, რომ მისი საბაზრო ღირებულება საბალანსო ღირებულებაზე მაღალია. გარდა ამისა, მართალია აღიარებულია, რომ ლიცენზიის მაძიებელმა შესაძლოა გარკვეული ღირებულება მიიღოს ადგილობრივად მომზადებული ფეხბურთელების გამოყენებიდან და/ან ტრანსფერიდან, მაგრამ აღრიცხვის მიზნებისთვის, მაძიებლის საკუთარ ახალგაზრდულ სექტორთან დაკავშირებული დანახარჯები არ უნდა აისახოს

ბალანსში — ვინაიდან უნდა მოხდეს მხოლოდ ფეხბურთელთა შექმნის თვითღირებულების კაპიტალიზაცია.

- გ) ამორტიზაციის პროცესი უნდა დაიწყოს ფეხბურთელის რეგისტრაციის შექმნიდან. ამორტიზაცია ნყდება, როცა აქტივი კლასიფიცირდება როგორც გასაყიდად გამიზნული ან როცა აქტივის აღიარება შეწყდება (ე.ი. რეგისტრაცია გადაეცემა სხვა კლუბს), რომელიც უფრო ადრე მოხდება.
- დ) ხელმძღვანელობა ყველა კაპიტალიზებული ფეხბურთელის ღირებულების გაუფასურების ანალიზს უნდა ატარებდეს ინდივიდუალურად, ყოველ წელს. თუ ამა თუ იმ ინდივიდუალური ფეხბურთელის აღდგენითი ღირებულება ნაკლებია ბალანსში ნაჩვენებ საბალანსო ღირებულებაზე, მაშინ საბალანსო ღირებულება უნდა შემცირდეს აღდგენით ღირებულებამდე და კორექტირების თანხა აისახოს მოგებისა და ზარალის უწყისში, როგორც გაუფასურების ზარალი.
- ე) სხვა კლუბისთვის ფეხბურთელის რეგისტრაციის მიყიდვიდან მიღებული მოგება/(ზარალი), რომელიც აღიარდება მოგება-ზარალის უწყისში, წარმოადგენს სხვაობას გაყიდვიდან შემოსავალსა და საბალანსო უწყისში ტრანსფერის დღისათვის ფეხბურთელის რეგისტრაციის ღირებულების მიმდინარე (ნარჩენ) ნაშთს შორის.

4. ამას გარდა, თუ ფინანსურ ანგარიშგებაში დაცული არ არის ამ დანართში აღწერილი სააღრიცხვო მოთხოვნები, რომლებიც ეხება ფინანსურ ანგარიშგებაში ინფორმაციის გახსნასა და სააღრიცხვო მეთოდების გამოყენებას, მაშინ ლიცენზიის მძიებელმა უნდა მოამზადოს და ლიცენზიარს წარუდგინოს დამატებითი ინფორმაცია. ეს დამატებითი ინფორმაცია უნდა მოიცავდეს ხელახლა ჩამოყალიბებულ საბალანსო უწყისს, მოგება-ზარალის უწყისს და ნებისმიერ თანდართულ ახსნა-განმარტებით შენიშვნებს, რომლებიც დააკმაყოფილებდა ზემოაღნიშნულ მოთხოვნებს. იგი ასევე უნდა შეიცავდეს შენიშვნას (ან შენიშვნებს), რომელშიც შეჯერებული იქნება დამატებით ინფორმაციაში წარმოდგენილი შედეგები და ფინანსური მდგომარეობა საქართველოს ბუღალტრული აღრიცხვის კანონმდებლობის მიხედვით მომზადებული ფინანსური ანგარიშგების მონაცემებთან. ხელახლა ჩამოყალიბებული ფინანსური ინფორმაციის შემონახვა აუდიტორმა უნდა ჩაატაროს შეთანხმებული პროცედურების შესაბამისად.

D - ფინანსური ინფორმაცია ახალგაზრდული ფეხბურთის ხარჯებზე

1. ლიცენზიის მაძიებლებმა უნდა ამოკრიბონ მონაცემები ფინანსური ანგარიშგებიდან ახალგაზრდული ფეხბურთის განვითარების პროგრამის განხორციელებასთან დაკავშირებით (იხ. [მე-16 მუხლი](#) ზემოთ) და ლიცენზიარს ნარუდგინონ ფინანსური ინფორმაცია ახალგაზრდული ფეხბურთის განვითარების შესახებ, რომელიც დადასტურებული იქნება აუდიტორის მიერ.
2. ფინანსური ინფორმაცია ახალგაზრდული ფეხბურთის განვითარებასთან დაკავშირებით, რომელიც მოითხოვება ზემოთ 1-ლი პუნქტით, უნდა მოიცავდეს, მინიმუმ, შემდეგ ხარჯებს:
 - ა) თანამშრომლების გასამრჯელოები / ხარჯები, იმ თანამშრომლებისთვის, რომლებიც სრულად არიან ჩართული ახალგაზრდული ფეხბურთის განვითარების პროგრამაში;
 - ბ) თანამშრომლების გასამრჯელოები / ხარჯები ახალგაზრდა ფეხბურთელებისთვის (18-წლამდე);
 - გ) საყოფაცხოვრებო პირობებით უზრუნველყოფის ხარჯები;
 - დ) სამედიცინო დანახარჯები;
 - ე) სწავლის გადასახადი;
 - ვ) მგზავრობა (მივლინება);
 - ზ) სადღეღამისო დანახარჯები (მივლინების);
 - თ) სპორტული ფორმა, ეკიპირება და ინვენტარი;
 - ი) სპორტული ინვენტარისა და აღჭურვილობის დანახარჯი;
 - კ) ტურნირებში მონაწილეობის გადასახადი;
 - ლ) ახალგაზრდული ფეხბურთის განვითარების საქმიანობაზე უშუალოდ მისაკუთვნებელი სხვა დანახარჯები.

V დანართი: „ვადაგადაცილებული ვალდებულების“ ცნება

A - პრინციპი

1. კრედიტორული დავალიანება ვადაგადაცილებულად მიიჩნევა, თუ მისი გადახდა არ მოხდა ხელშეკრულებით შეთანხმებულ ვადებში.
2. კრედიტორული დავალიანება არ მიიჩნევა ვადაგადაცილებულად წინამდებარე დებულებების მიზნებისთვის, თუ ლიცენზიის მაძიებელს (ე.ი. დებიტორ კლუბს) შეუძლია დაასაბუთოს, რომ სალიცენზიო სეზონის წინა წლის 15 ოქტომბრისთვის ([49-ე](#), [50-ე](#), [50¹-ე](#) და [53-ე](#) მუხლებთან მიმართებით):
 - ა) ვადაგადაცილებული დავალიანების თანხა სრულად გადაიხადა; ან
 - ბ) მას დადებული აქვს წერილობითი შეთანხმება კრედიტორთან, ზემოაღნიშნული ვადაგადაცილებული კრედიტორული დავალიანების დაფარვის ვადის გაგრძელების შესახებ, მისაღები საბოლოო ვადის ფარგლებში. (შენიშვნა: მხოლოდ ის ფაქტი, რომ კრედიტორს არ მოუთხოვია დავალიანების გადახდა, არ მიიჩნევა დავალიანების გადახდის ვადის გაგრძელებად); ან
 - გ) ამ ვადაგადაცილებულ დავალიანებასთან დაკავშირებით, ლიცენზიის მაძიებელს საქმე აქვს აღძრული ეროვნული კანონმდებლობით განსაზღვრულ სათანადო უფლებამოსილ ორგანოში, ან ფეხბურთის ეროვნულ ან საერთაშორისო ორგანოებში, ან სათანადო საარბიტრაჟო სასამართლოში; თუმცა, თუ ლიცენზიარის გადანყვეტილების მიმღები ორგანოები მიიჩნევენ, რომ ამგვარი სარჩელი ან სასამართლო საქმე მხოლოდ წინამდებარე დებულებებით განსაზღვრული საბოლოო ვადებისთვის თავის არიდების მიზნით არის შეტანილი ან აღძრული (ე.ი. „დროის მოსაგებად“), კრედიტორული დავალიანების შესაბამისი თანხა მაინც ვადაგადაცილებულ დავალიანებად მიიჩნევა; ან
 - დ) ლიცენზიის მაძიებელს ეროვნული კანონმდებლობით განსაზღვრულ სათანადო უფლებამოსილ ორგანოში, ეროვნულ ან საერთაშორისო ფეხბურთის ორგანოებში ან შესაბამის არბიტრაჟში საპასუხო სარჩელი აქვს შეტანილი ან სასამართლო საქმე აქვს აღძრული კრედიტორის წინააღმდეგ, რომელმაც ვადაგადაცილებულ კრედიტორულ დავალიანებასთან დაკავშირებით მის წინააღმდეგ შეიტანა სარჩელი ან აღძრა საქმე და შეუძლია ლიცენზიარის გადანყვეტილების

მიმღებ ორგანოებს დაუსაბუთოს, რომ ჩამოყალიბებული აქვს საპასუხო სარჩელის მიზეზები; თუმცა, თუ სფფ-ის გადანყვეტილების მიმღები ორგანოები საპასუხო სარჩელის შეტანის მიზეზებს მიიჩნევენ ამკარად უსაფუძვლოდ, თანხა ჩაითვლება ვადაგადაცილებულად; ან

- ე) შეუძლია გადანყვეტილების მიმღებ ორგანოებს დაუსაბუთოს, რომ გატარდა ყველა გონივრული ზომა, ფეხბურთელთა წვრთნის კომპენსაციისა და სოლიდარობის გადასახადის (როგორც ეს განსაზღვრულია ფიფა-ს დებულებებში „ფეხბურთელთა სტატუსისა და ტრანსფერის შესახებ“) ოდენობის დასადგენად და კრედიტორი კლუბ(ებ)ისთვის ამ თანხის გადასახდელად.

**VI დანართი: ლიცენზიარის მიერ
ჩასატარებელი შეფასების
პროცედურები**

A - პრინციპი

[მე-9 მუხლში](#) დადგენილი ფინანსური კრიტერიუმების შესრულების შემონახვის პროცედურები მოიცავს შემონახვის სფეციფიკურ ქმედებებს, რომელიც უნდა განხორციელდეს ლიცენზიარის მიერ იმგვარად, როგორც ქვემოთაა ჩამოყალიბებული.

**B - ფინანსურ ანგარიშგებაზე აუდიტორის
მიმოხილვის შეფასება**

ფინანსურ ანგარიშგებასთან დაკავშირებით, ლიცენზიარმა უნდა ჩაატაროს შეფასების შემდეგი მინიმალური პროცედურები:

- ა) შეაფასოს, წარმოდგენილი საანგარიშგებო პერიმეტრი მისაღებია თუ არა კლუბების ლიცენზირების პროცესისთვის;
- ბ) შეაფასოს წარმოდგენილი დოკუმენტაცია (ფინანსური ანგარიშგება, რომელიც ასევე შეიძლება შეიცავდეს დამატებით ინფორმაციას), რათა ჩამოაყალიბოს სალიცენზიო გადანყვეტილების საფუძველი.
- გ) წაიკითხოს და გაითვალისწინოს ფინანსური ანგარიშგება და აუდიტორის მიმოხილვა მის შესახებ;
- დ) ყურადღება გაამახვილოს აუდიტორის მიერ ჩატარებული მიმოხილვის და/ან შემონახვის მოდიფიკაციებზე და/ან შეუდაროს ნაკლოვანებები აღრიცხვისა და ფინანსურ ანგარიშგებაში ინფორმაციის ასახვისთვის დადგენილ მინიმალურ მოთხოვნებს.

C - სხვა კლუბების, თანამშრომლებისა და საგადასახადო ორგანოების მიმართ არსებული ვადაგადაცილებული ვალდებულების შეფასება

1. სხვა კლუბების, თანამშრომლებისა და საგადასახადო ორგანოების მიმართ არსებული ვადაგადაცილებული ვალდებულებების შეფასების მიზნით, დამოუკიდებელმა აუდიტორმა უნდა ჩაატაროს შეფასების პროცედურები ქვემოთ, მე-2 პუნქტის შესაბამისად. ლიცენზიარმა უნდა განიხილოს აუდიტორის დასკვნა და, კერძოდ, რომ აუდიტორის მიერ გაკეთებული (ვალდებულებების) შერჩევები დამაკმაყოფილებელია და ჩაატაროს შეფასების დამატებითი პროცედურები, რომელსაც ჩათვლის საჭიროდ, მაგალითად, გაზარდოს შერჩევების მოცულობა და/ან ლიცენზიის მაძიებლისგან მოითხოვოს დამატებითი დოკუმენტური დადასტურებების წარმოდგენა.
2. სხვა კლუბების მიმართ არსებული ვადაგადაცილებული ვალდებულებების შეფასების მიზნით, აუდიტორმა უნდა შეაფასოს ლიცენზიის მაძიებლის მიერ წარმოდგენილი ინფორმაცია და, კერძოდ, ტრანსფერებთან დაკავშირებული ვალდებულებების ცხრილი და თანდართული დოკუმენტაცია, როგორც ეს მოცემულია ქვემოთ და გაიაროს, მინიმუმ, შემდეგი ეტაპები:
 - ა) ტრანსფერების ცხრილში მოცემული ჯამური თანხის შეჯერება 31 აგვისტოს მდგომარეობით ფინანსური ანგარიშგების „ფეხბურთელების ტრანსფერებთან დაკავშირებულ ვალდებულების“ თანხასთან.
 - ბ) ტრანსფერების ცხრილის არითმეტიკული სიზუსტის შემოწმება.
 - გ) ყველა ან გარკვეული რაოდენობის ფეხბურთელების ტრანსფერის/იჯარის შერჩევა, შესაბამისი ხელშეკრულებების შედარება ტრანსფერების ცხრილში მოცემულ ინფორმაციასთან და შერჩეული ტრანსფერების/იჯარის მონიშვნა.
 - დ) ტრანსფერის ყველა გადახდის ან შერჩევითი შემოწმება, რაც მოიცავს მათ შედარებას ტრანსფერების ცხრილში მოცემულ ინფორმაციასთან და შერჩეული გადახდების მონიშვნა.
 - ე) თუ 15 ოქტომბრის მდგომარეობით არსებობს გადახდის ვალდებულება, რომელიც ეხება გასული წლის 31 აგვისტომდე განხორციელებულ ტრანსფერს, უნდა გაირკვეს, 15 ოქტომბრამდე:
 - i. მიღწეულია თუ არა შეთანხმება გადახდის გადავადების შესახებ, **V(2)(ბ)** დანართის შესაბამისად; ან

- ii. ხომ არ წარმოიშვა დავა/საჩივარი/სასამართლო პროცესი, [V\(2\)\(გ\) ან \(დ\)](#) დანართის შესაბამისად; ან
 - iii. გატარდა თუ არა ყველა გონივრული ზომა [V\(2\)\(ე\)](#) დანართის შესაბამისად
- 3) გადახდებთან დაკავშირებული ყველა ან შერჩევითი საბანკო ამონაწერის შემოწმება.
- ზ) საჭიროების შემთხვევაში: უნდა შემოწმდეს ზემოთ ე(i), ე(ii) და/ან ე(iii) პუნქტების დამადასტურებელი დოკუმენტები, მათ შორის, შესაბამის ფეხბურთის კლუბ(ებ)თან დადებული ხელშეკრულებ(ებ)ი და/ან კანონმდებლობით დადგენილ უფლებამოსილ ორგანოსთან კორესპონდენცია.
3. თანამშრომლების მიმართ ვადაგადაცილებული ვალდებულებების შეფასების მიზნით, დამოუკიდებელმა აუდიტორმა უნდა ჩაატაროს შეფასების პროცედურები. აუდიტორმა უნდა შეაფასოს ლიცენზიის მაძიებლის მიერ წარმოდგენილი ინფორმაცია და, კერძოდ, თანამშრომელთა უწყისი და სხვა თანდართული დოკუმენტაცია, როგორც ეს განსაზღვრულია ქვემოთ და გაიაროს, მინიმუმ, შემდეგი ეტაპები:
- ა) ლიცენზიის მაძიებლის ხელმძღვანელობის მიერ მომზადებული თანამშრომელთა უწყისის მიღება.
 - ბ) თანამშრომელთა უწყისში ჯამური თანხის შეჯერება 31 აგვისტოს მდგომარეობით ფინანსური ანგარიშგების „თანამშრომლებთან დაკავშირებულ ვალდებულების“ თანხასთან.
 - გ) ყველა ან შემთხვევით შერჩეული თანამშრომლების დასტურის წერილების მიღება, შემოწმება და შედარება თანამშრომელთა უწყისში მოცემულ ინფორმაციასთან.
 - დ) თუ 15 ოქტომბრის მდგომარეობით არსებობს გადასახდელი თანხა, რომელიც ეხება თანამშრომლებთან გაფორმებული ხელშეკრულებებიდან ან იურიდიული ვალდებულებებიდან გასული წლის 31 აგვისტომდე წარმოქმნილ ვალდებულებებს, უნდა გაირკვეს, 15 ოქტომბრამდე:
 - i. მიღწეულია თუ არა შეთანხმება გადახდის გადავადების შესახებ, [V\(2\)\(ბ\)](#) დანართის შესაბამისად; ან
 - ii. ხომ არ წარმოიშვა დავა/საჩივარი/სასამართლო პროცესი [V\(2\)\(გ\)](#) დანართის შესაბამისად, ან ხომ არ არის შეტანილი საპასუხო სარჩელი [V\(2\)\(დ\)](#) დანართის შესაბამისად.
 - ე) გადახდების დამადასტურებელი ყველა ან შერჩევითი საბანკო ამონაწერების შემოწმება.

ვ) საჭიროების შემთხვევაში: უნდა შემოწმდეს ზემოთ დ(i) და/ან დ(ii) პუნქტის დამადასტურებელი დოკუმენტები, მათ შორის, შესაბამის თანამშრომლებთან დადებული ხელშეკრულებები და/ან კანონმდებლობით დადგენილ უფლებამოსილ ორგანოებთან კორესპონდენცია.

4. საგადასახადო ორგანოების მიმართ ვადაგადაცილებული ვალდებულებების შეფასების მიზნით აუდიტორმა უნდა შეაფასოს ლიცენზიის მაძიებლის მიერ წარმოდგენილი ინფორმაცია, კერძოდ, საგადასახადო ცხრილი და სხვა დამადასტურებელი დოკუმენტაცია, შემდგენიარად:

ა) საწარმოს ხელმძღვანელობის მიერ მომზადებული საგადასახადო ცხრილის მიღება.

ბ) საგადასახადო ცხრილში ჯამური გადასახდელი თანხის შეჯგუფება 31 აგვისტოს მდგომარეობით ფინანსური ანგარიშგების „საგადასახადო ვალდებულებების“ თანხასთან.

გ) შესაბამისი დამადასტურებელი დოკუმენტების მიღება.

დ) თუ 15 ოქტომბრის მდგომარეობით არსებობს საგადასახადო ორგანოების მიმართ გადასახდელი თანხა, რომელიც ეხება თანამშრომლებთან გაფორმებულ ხელშეკრულებებთან ან იურიდიულ ვალდებულებებთან დაკავშირებულ გადასახადებს, რომლებიც წარმოიქმნა გასული წლის 31 აგვისტომდე, უნდა გაირკვეს, 15 ოქტომბრამდე:

i. მიღწეულია თუ არა შეთანხმება გადასახადის გადავადების შესახებ, V(2)(ბ) დანართის შესაბამისად; ან

ii. ხომ არ წარმოიშვა დავა/საჩივარი/სასამართლო პროცესი, V(2)(გ) დანართის შესაბამისად, ან ხომ არ არის შეტანილი საპასუხო საჩივრი V(2)(დ) დანართის შესაბამისად.

ე) გადახდების დამადასტურებელი ყველა ან შერჩევით საბანკო ამონაწერების შემოწმება.

ვ) საჭიროების შემთხვევაში: უნდა შემოწმდეს ზემოთა დ(i) და/ან დ(ii) პუნქტის დამადასტურებელი დოკუმენტები, მათ შორის, შესაბამის საგადასახადო ორგანოსთან შეთანხმება და/ან კანონმდებლობით დადგენილ უფლებამოსილ ორგანოსთან კორესპონდენცია.

D - ხელმძღვანელობის წერილობითი რწმუნებულებების შეფასება სალიცენზიო გადაწყვეტილების მიღებამდე

1. ხელმძღვანელობის წერილობით რწმუნებულებებთან დაკავშირებით, ლიცენზიარმა უნდა ნაიკითხოს და განიხილოს ლიცენზირების კრიტერიუმებთან დაკავშირებით მომხდარი ნებისმიერი მნიშვნელოვანი ცვლილების ზეგავლენა.
2. ლიცენზიარმა ასევე უნდა ნაიკითხოს და განიხილოს ინფორმაცია დიდი ეკონომიკური მნიშვნელობის ნებისმიერი მოვლენის შესახებ, ლიცენზიის მაძიებლის მიერ წარმოდგენილ ფინანსურ ანგარიშგებასთან, პერსპექტიულ ფინანსურ ინფორმაციასთან და სხვა დამატებით ინფორმაციასთან ერთად.
3. ლიცენზიარმა უნდა შეაფასოს კლუბის შესაძლებლობა გააგრძელოს საქმიანობა, როგორც ფუნქციონირებადმა სანარმომ, როგორც მინიმუმ, სალიცენზიო სეზონის დასრულებამდე. შესაბამისი ეროვნული ლიცენზიის გაცემაზე უარი უნდა ითქვას, თუ წარმოდგენილი ფინანსური ინფორმაციის შეფასების საფუძველზე, ლიცენზიარს მიაჩნია, რომ ლიცენზიის მაძიებელი ვერ შეძლებს გააგრძელოს საქმიანობა როგორც ფუნქციონირებადმა სანარმომ სულ მცირე სალიცენზიო სეზონის დამთავრებამდე.
4. თუ ლიცენზიის მაძიებელი ან ანგარიშგების პერიმეტრში ჩართული ლიცენზიის მაძიებლის ნებისმიერი სათავო კომპანია ითხოვს/ითხოვდა ან მიიღო დაცვა თუ ჯერაც იცავს თავს კრედიტორებისგან კანონმდებლობის ან სხვა ნორმატიული აქტების შესაბამისად სალიცენზიო სეზონის წინ 12 თვის განმავლობაში, მას ლიცენზიაზე უარი უნდა ეთქვას. ლიცენზიაზე უარი ეთქმის იმ შემთხვევაშიც, თუ შესაბამისი სანარმო აღარ იღებს დაცვას კრედიტორებისგან სალიცენზიო გადაწყვეტილების მიღების მომენტში.

E - პერსპექტიული ფინანსური ინფორმაციის შეფასება

1. შეფასების პროცედურები, რომელიც უნდა ჩაატაროს აუდიტორმა, უნდა მოიცავდეს, მინიმუმ:
 - ა) პერსპექტიული ფინანსური ინფორმაციის არითმეტიკული სისწორის შემოწმებას;

- ბ) ხელმძღვანელობასთან ერთად საკითხების განხილვისა და პერსპექტიული ფინანსური ინფორმაციის მიმოხილვის საფუძველზე იმის დადგენას, მომზადებული იყო თუ არა ეს ფინანსური ინფორმაცია ახსნა-განმარტებით შენიშვნებში აღწერილი დაშვებებისა და რისკების გათვალისწინებით;
- გ) იმის შემოწმებას, შეესაბამება თუ არა პერსპექტიულ ფინანსურ ინფორმაციაში ასახული საწყისი ნაშთები უშუალოდ წინა პერიოდის ფინანსურ ანგარიშგებაში მოცემულ საბალანსო უწყისის საბოლოო ნაშთებს; და
- დ) იმის შემოწმებას, არის თუ არა პერსპექტიული ფინანსური ინფორმაცია ოფიციალურად დამტკიცებული ლიცენზიის მაძიებლის აღმასრულებელი ორგანოს მიერ.
- ე) საჭიროების შემთხვევაში: შესაბამისი დამადასტურებელი დოკუმენტების შესწავლა, მაგალითად, სასპონსორო ხელშეკრულებები, საბანკო ხელშეკრულებები, კაპიტალის გაზრდა, საბანკო გარანტიები და დამფუძნებელთა/პარტნიორთა ოქმები.
2. აუდიტორმა უნდა შეაფასოს ლიცენზიის მაძიებლის ლიკვიდობა (ე.ი. მისთვის ხელმისაწვდომი ფულადი სახსრების არსებობა, ნაკისრი ფინანსური ვალდებულებების გათვალისწინებით) და მისი შესაძლებლობა, გააგრძელოს საქმიანობა, როგორც ფუნქციონირებადმა საწარმომ, სულ მცირე სალიცენზიო სეზონის დასრულებამდე მაინც. ლიცენზიარმა უნდა განიხილოს აუდიტორის დასკვნა. მან შეიძლება ჩაატაროს შეფასების დამატებითი პროცედურები, რომელსაც ჩათვლის საჭიროდ და/ან ლიცენზიის მაძიებლისგან მოითხოვოს დამატებითი დოკუმენტური დადასტურებების წარმოდგენა. ლიცენზიარი ასევე აფასებს კლუბის შესაძლებლობას, გააგრძელოს საქმიანობა, როგორც ფუნქციონირებადმა საწარმომ, სულ მცირე სალიცენზიო სეზონის დასრულებამდე მაინც.
3. შესაბამისი ეროვნული ლიცენზიის გაცემაზე უარი უნდა ითქვას, თუ წარმოდგენილი ფინანსური ინფორმაციის შეფასების საფუძველზე, ლიცენზიარს მიაჩნია, რომ ლიცენზიის მაძიებელი ვერ შეძლებს ნაკისრი ფინანსური ვალდებულებების შესრულებას მათი გადახდის ვადის დადგომისას და საქმიანობის გაგრძელებას, როგორც ფუნქციონირებადი საწარმო სულ მცირე სალიცენზიო სეზონის დასრულებამდე მაინც.

○ კლუბების ლიცენზირებისა და
მონიტორინგის ადმინისტრაცია ○



lu@gff.ge
www.gff.ge